

淵鑑類函

卷四十一之卷四十三

淵鑑類函卷四十

帝王部一 帝王總載

帝王總載一

增易乾大象曰夫大人者與天地合其德與日月合其明與四時合其序與鬼神合其吉凶先天而天弗違後天而奉天時 易泰大象曰后以財成天地之道輔相天地之宜以左右民 書太甲曰一人元良萬邦以貞 周書泰誓曰亶聰明作元后元后作民父母 書洪範曰皇建其有極斂時五福用敷錫厥庶民惟時厥庶民于汝極錫汝保極 詩周頌曰宣哲維人文武維后

燕及皇天克昌厥後

原禮記曰天子者與天地參德

配天地兼利萬物與日月並明明照四海而不遺微小
其在朝廷則道仁聖禮義之序燕處則聽雅頌之音行
步則有環珮之聲升車則有鸞和之音居處有禮進退
有度百官得其宜萬事得其序

增

左傳臧哀伯曰君

人者將昭德塞違以照臨百官猶懼或失之故昭令德
以示子孫是以清廟茅屋大路越席大羹不致粢食不
鑿昭其儉也衮冕黻珽帶裳幅舄衡紃紼緹昭其度也
藻率鞞鞶齔厲游纓昭其數也火龍黼黻昭其文也五
色比象昭其物也錫鸞和鈴昭其聲也三辰旂旗昭其

明也夫德儉而有度登降有數文物以紀之聲明以發之以照臨百官百官於是乎戒懼而不敢易紀律 家語曰季康子問於孔子曰何謂五帝孔子曰天有五行水火金木土分時化育以成萬物其神謂之五帝古之王者易代而改號取法五行更王終始相生亦象其義是以太昊配木以木德王於天下色尚青炎帝配火以火德王於天下色尚赤黃帝配土以土德王於天下色尚黃少昊配金以金德王於天下色尚白顓頊配水以水德王於天下色尚黑 易緯曰帝者天號也德配天地不私公位稱之曰帝天子者繼天治物改正一統各

得其宜父天母地以養人至尊之號也大君者君人之
盛也 易書大傳曰天立五帝以爲相四時施生法度
明察春夏慶賞秋冬刑罰帝者任德設刑以象之言能
行天道舉措審諦也 書正義曰帝者天之一名帝者
諦也言天蕩然無心忘於物我公平通遠舉事審諦故
謂之帝也五帝道同於此亦能審諦故取其名 **原**尚
書刑德考曰帝者天號也王者人稱也天有五帝以立
名人有三王以正度天子爵稱也皇者煌煌也 韓詩
外傳曰君者何曰羣也敢羣天下萬物而除其害者謂
之君 禮斗威儀曰帝者得其根核王者得其英華霸

者得其附枝故帝道不行不能王王道不行不能霸霸
道不行不能守其身 **增**春秋運斗樞曰皇者天天不

言四時行焉百物生焉三皇垂拱無爲設言而民不違
道德元泊有似皇天故稱曰皇皇者中也光也弘也含
弘履中開陰布網上合皇極其施光明指天畫地神化
潛通煌煌盛美不可勝量 **原**春秋演孔圖曰正氣爲

帝間氣爲臣秀氣爲人 春秋考耀文曰王者往也人
所輸向人所樂歸 春秋繁露曰德侔天地者稱皇帝
天祐而子之稱天子 **增**孝經鈎命訣曰三皇步五帝

驟三王馳五霸騫接上稱天子明以爵事天接下稱帝

王明以號令臣下

原白虎通曰帝王者號也號者功

之表也所以表功明德號令臣下也 蔡邕獨斷曰上

者尊位所在也太史令司馬遷記事當言帝則依違之
但言上不敢泄瀆言尊號者尊王之義也乘輿出於律
文曰敢盜乘輿服御物謂天子所服食者也天子至尊
不敢泄瀆言之故託於乘輿也天子以天下爲家不以
京師宮室爲常處當乘輿以行天下或謂之車駕天子
自謂行在所今雖在京師言在所行也巡狩天下所奏
事處皆爲宮在長安則曰長安宮在泰山則曰泰山宮
唯當時所在

增蔡邕曰稱朕古者上下共之臯陶與

帝舜言稱朕屈原曰朕皇考至秦獨以爲尊稱漢遂因之而不改也 獨斷曰陛階也所由升堂也天子必有近臣執兵陳於陛以戒不虞謂之陛下者羣臣與天子言不敢指斥稱天子故呼在陛下而告之因卑達尊之義也 獨斷曰百官小吏稱天子曰天家天子無外以

天下爲家故稱天家

原六韜曰王者之道如龍之首

高居遠望深視而審聽神其形而散其精若天高而不可極若川深而不可測故可怒而不可怒臣乃爲虎可殺而不殺大賊乃發兵勢不行敵國乃強 **增**又曰昔

者帝堯之王天下金銀珠玉不飾錦繡文綺不衣奇怪

珍異不視玩好之器不寶淫佚之樂不聽宮垣屋室不
聖甕楠椽楹不斲茅茨編庭不剪鹿裘禦寒布衣掩形
糲粱之飯藜藿之羹不以役作之故害民耕織之時削
心約志從事乎無爲吏忠正奉法者尊其位廉潔愛人
者厚其祿民有孝慈者愛敬之盡力農桑者慰勉之旌
別淑慝表其門閭平心正節以法度禁邪僞所憎者有
功必賞所愛者有罪必誅育養天下鰥寡孤獨振贍禍
亡之家其自奉也甚薄其賦役也甚寡故萬民富樂而
無饑寒之色百姓戴其君如日月親其君如父母 老
子曰道大天大地大王亦大域中有四大而王居其一

焉 文子曰昔者聖人仰取象於天俯取度於地中取法於人調陰陽之氣和四時之節察陵陸水澤肥墪高下之宜以立事生財除饑寒之患辟疾疢之灾中受人事以制禮樂行仁義之道以治人倫列金木水火土之性以立父子之親而成家聽五音清濁六律相生之數以立君臣之義而成國察四時孟仲季之序以立長幼之節而成官列地而州之分國而治之立大學以教之此治之綱紀也得道則舉失道則廢 又曰夫人君不出戶而知天下者因物以識物因人以知人故積力之所舉即無不勝也衆智之所爲即無不成也千人之衆

無絕糧萬人之羣無廢功

原管子曰明一者皇察道

者帝通德者王謀得兵勝者霸 又曰黃帝立明堂之

議上觀於賢也堯有衢室之問下聽於民也舜有告善

之旌而主不蔽也禹立諫鼓於朝而備訊也湯有總街

之廷觀民非也武王有靈臺之宮賢者進也此古聖帝

明王所以有而勿失得而勿止也

增莊子曰夫帝王

之德以天下爲宗以道德爲主以無爲爲常無爲也則

用天下而有餘有爲也則爲天下用而不足 莊子注

至人不役志以經世而虛心以應物誠信著於天地不

爭暢於萬物然後萬物歸懷天地不逆故德音發而天

下響會景行彰而六合俱應而後始可以經寒暑涉治
亂而不與逆忤也 鄧析子曰勢者君之與威者君之
策臣者君之馬民者君之輪勢固則輿安威定則策勁
臣順則馬良民和則輪利爲國失此必有覆車奔馬折
輪敗載之患 **原**韓子曰明王制其臣下者二柄而已

矣二者刑德也殺戮之謂刑慶賞之謂德 **增**韓非子

曰君無見其所欲君見其所欲臣將自彫琢君無見其
意君見其意臣將自表異 **原**孫卿子曰人主者守至

約而詳事至狹而切垂衣裳不下簞席之上而海內之
民莫不願得以爲帝王 董子曰古之人造文字者三

畫而連其中謂之王三畫者天地與人也連中者通其道也取天地與人之才而參之非王者其孰能當尸子曰孔子曰商汝知君之爲君乎子夏曰魚失水則死水失魚猶爲水也孔子曰商知之矣 呂氏春秋曰始生者天也養成者人也能養天之所生而爲天子 又曰五帝先道而後德故德莫盛焉三王先德而後事故事莫功焉五霸先事而後兵故兵莫強焉 淮南子曰帝者體太一王者法陰陽霸者則四時君者應六律體太一者牢籠天地彈壓山川含吐陰陽申洩四時紀綱八極經緯六合覆露照導普汜而無私翔飛蠕動莫不

仰德而生法陰陽者承天地之和形萬類之體含氣化
物以成形類則四時者春生夏長秋收冬藏取與有節
出入有時開闔張斂不失其序喜怒剛柔不雜其理用
六律者生之與殺也賞之與罰也予之與奪也非此無
道 又曰人主者以天下之目視以天下之耳聽以天
下之智慮以天下之力動是故號令能下究而臣情得
上聞百官修道羣臣輻輳喜不以賞賜怒不以罪誅
增又曰人主之術處無爲之事而行不言之教清靜而
不動一度而不搖因循而任下責成而不勞是故心知
規而師傅諭導口能言而行人稱辭足能行而相者先

導耳能聽而執政進諫是故慮無失策謀無過事言爲
文章行爲儀表於天下 又曰古之王者冕而前旒所
以蔽明也黈纁塞耳所以掩聰也天子外屏所以自障
也故所理者遠則所在者邇所治者大則所守者少
董仲舒曰天者羣物之祖也故徧覆包含而無所殊建
日月風雨以和之經陰陽寒暑以成之故聖人法天而
立道亦溥愛而無私布德施仁以厚之設義存禮以導
之春者天之所以生也仁者君之所以愛也夏者天之
所以長也德者君之所以養也霜者天之所以殺也刑
者君之所以罰也由是言之天人之徵古今之道也

董子曰爲人君者正心以正朝廷正朝廷以正百官正百官以正萬民正萬民以正四方四方正遠近莫不一於正而無有邪氣于其間者是以陰陽調而風雨時羣生和而萬民殖五穀熟而草木茂天地之間被潤澤而大豐美四海之內聞盛德而皆來臣諸福之物可致之祥莫不畢致而王道終矣

說苑齊宣王謂尹文曰人君之事何如尹文對曰人君之事無爲而能容下夫事寡易從法省易因故民不以政獲罪也大道容衆大德容下聖人寡爲而天下理矣

桓譚新論曰夫上古稱三皇五帝而次有三王五霸此皆天下君之冠首也故

言三皇以道治五帝用德化三王由仁義五霸以權智其說曰無制令刑罰謂之皇有制令而無刑罰謂之帝賞善誅惡諸侯朝事謂之王興兵約盟以信義矯世謂之霸王者往也言其惠澤優游天下歸往也王道純粹其德如彼霸道駁雜其功如此俱有天下而君萬民垂統子孫其實一也文中子關朗曰聖人輔相天地準繩陰陽恢皇綱立人極修策迥馭長羅遠駕昭治亂於未然算成敗於無兆

原帝王世紀曰孔子稱天子之德感天地洞八方是以化合神者稱皇德合天地者稱帝仁義合者稱王又曰禮稱至道以王義道以霸觀

高祖之取天下也遭秦暴亂不階尺寸之資不握將相之柄發迹泗亭奮其智謀銜勒英雄鞭驅天下或以德致或以義成事以權斷順逆不常霸王之道雜焉是以居帝王之位而無一定之制三代之美固難及矣

增

前漢東方朔曰本仁祖義褒有德錄賢能誅惡亂總遠方一統類美風俗此帝王所由昌也

漢刑法志曰天

子畿方千里提封百萬井定出賦六十四萬井戎馬四萬匹兵車萬乘故稱萬乘之主

宋志曰夫體睿窮幾

含靈獨秀謂之聖人所以能君四海而役萬物使動植

之類莫不各得其所百姓仰之權若親戚芳若椒蘭故

爲旗章輿服以崇之玉璽黃屋以尊之以神器之重推之於兆民之上自中智以降則萬物之爲役者也

原

宋玉九辨曰君之門以九重

增班固答賓戲曰其君

天下也炎之如日威之如神涵之如海養之如春譬猶草木之植山林鳥魚之毓川澤參天地而施化豈云人事之厚薄哉

原

漢雜事錄曰古者天子稱皇其次稱

王秦承百王之末爲漢驅除自以德兼三皇五帝故并爲號

增

漢雜事錄曰漢有天下號曰皇帝自稱朕人

臣稱之曰陛下其命令曰制詔衣冠車馬器械百物曰乘輿所在曰行在所至曰幸所居曰某禁中所進曰御

風俗通曰易稱天先春而後秋地先生而後凋日月先光而後幽是以王者則之亦先教而後刑三皇結繩五帝畫像三王肉刑五霸黠巧此言步驟稍有優劣也

蔣濟萬機論曰五帝官天下故傳之賢三王家天下故傳之子今指天子爲官家則猶言帝王也 資暇集曰至尊以天下爲宅四海爲家故曰宅家 唐書太宗曰人主惟有一心而攻之者甚衆或以勇力或以辨口或以諂諛或以奸詐或以嗜欲輻輳攻之各求自售以取寵祿人主少懈而受其一則危亡隨之此其所以難也 魏徵曰求木之長者必固其根本欲流之遠者必

浚其泉源思國之安者必積其德義源不深而望流之
遠根不固而求木之長德不厚而思國之安臣雖至愚
知其不可而况於明哲乎凡昔元首承天景命善始者
實繁克終者蓋寡豈取之易守之難乎蓋在殷憂必竭
誠以待下既得志則縱情以傲物竭誠則吳越爲一體
傲物則骨肉爲行路怨不在大可畏惟人載舟覆舟所
宜深戒誠能見可欲則思知足以自戒將有作則思知
止以安人念高危則思謙沖而自牧懼滿盈則思江海
下百川樂盤遊則思三驅以爲度憂懈怠則思慎始而
敬終慮壅蔽則思虛心以納下懼讒邪則思正身以黜

惡恩所加則思無因喜以謬賞罰所及則思無以怒而濫刑總此十思弘茲九德簡能而任之擇善而從之文武並用垂拱而治何必神勞苦思代百司之職役哉

陸贄曰愚智兼納洪纖靡遺蓋之如天容之如地垂旒黻纘而紬其聰察匿瑕藏疾而務於包容不示威而人畏之如雷霆不用明而人仰之如日月此天子之德也

司馬光曰人君大德有三曰仁曰明曰武仁者非嫗煦姑息之謂也興教化修政治養百姓利萬物此人君之仁也明者非煩苛伺察之謂也知道誼識安危別賢愚辨是非此人君之明也武者非強亢暴戾之謂也唯

道所存斷之不疑奸不能惑佞不能移此人君之武也
蘇軾曰人君以至誠爲道以至仁爲德守此二言終
身不易堯舜之至也何謂至誠上自大臣下至小民內
自親戚外至四夷皆推赤心以待之不可以絲毫僞也
絲毫之僞一萌於心如人有病先見於脈如人飲酒先
見於色聲色動於幾微之間而猜阻行於千里之外矣
何謂至仁親臣如手足視民如赤子戢兵省刑時使薄
斂行此六事而已 程子曰君道之大在乎稽古正學
明善惡之歸辨忠邪之分曉然趨道之至正又在乎君
志先定君志定而天下之志成矣夫義理不先定則多

聽而易惑志意不先定則守善而或移惟在以聖人之
訓爲必當從以先王之治爲必可法不爲後世駁雜之
政所牽滯不爲流俗因循之論所遷改信道極於篤自
知極於明去邪勿疑任賢勿貳必期致治於三代之隆
而後已也然天下之事患嘗生於忽微而志亦戒乎漸
習故古之人君雖從容燕閒必有訓誦箴諫左右前後
罔匪正人所以輔成德業誠能尊禮老成訪求儒學之
士不勞以官職俾日親便坐講論道義又博訪俊彥陪
侍法從朝夕延見講磨治體則睿知益明王猷允塞
朱子曰天子至尊無上其居處則內有六寢六宮外有

三朝五門其嬪御侍從飲食衣服貨賄之官皆領於冢
宰其冕弁車旗宗祝巫史卜筮瞽侑之官皆領於宗伯
有師以道之教訓有傅以傳其德義有保以保其身體
有師氏以媿詔之有保氏以諫其惡前有疑後有丞左
有輔右有弼其侍御僕從罔匪正人以旦夕承弼厥辟
出入起居罔有不欽發施號令罔有不臧在輿有旅賁
之規位宁有官司之典倚几有訓誦之諫居寢有瞽御
之規臨事有瞽史之道寓居有工師之誦史有書瞽奏
詩工誦箴諫大夫規誨士傳言庶人謗商旅議於市百
工獻藝動則左史書之言則右史書之御瞽幾聲之上

下不幸而至於有過則又有諍臣七人面折廷爭以正
救之蓋所以養之備至於如此是以恭已南面中心無
爲以守至正而貌之恭足以作肅言之從足以作又視
之明足以作哲聽之聰足以作謀思之睿足以作聖然
後能以八柄馭羣臣以八統馭萬民而賞無不慶刑無
不威遠無不至邇無不服 胡寅曰人君爲天之子而
居天位必有天德何謂天德剛健中正純粹是也剛則
不屈健則不息中則不倚正則不邪純則不已粹則不
雜具此六者天德全矣德旣與天並位又以天居其在
天下之賢人則視其德之大小器之深淺列於庶位使

之代天工治天職食天祿以覆四海則五典敷而天序
建五禮庸而天秩行五刑用而天罰當山川攸寧鳥獸
若草木裕四民安業夷狄賓服而天德之施與天同功
天子之能事畢矣 真德秀曰人君以一身履至尊之
位四方輻輳面內而環向之此天下之至中既居天下
之至中則必有天下之絕德而後可以立至極之標準
故必順五行敬五事以修其身厚八政協五紀以齊其
政然後至極之標準卓然有以立乎天下之至中使夫
面內而環觀者莫不於此取則焉是則所謂皇極者也
又曰先聖贊易於乾曰君子以自強不息謂其體天

之剛健也於坤曰君子以厚德載物謂其法地之博厚
也不體乎乾無以宰萬物不法乎坤無以容萬物 楊
萬里曰六合塵清四海波靜高堂拱堯舜之君重席坐
臯夔之佐刑措而日轉棠陰兵寢而風清紫塞以上治
則四時調於玉燭而五星協於珠囊以下治則嘉禾為
之擢秀而醴泉為之薦祉以內治則家為詩書戶為禮
樂以外治則邊亭不鼓烽燧不煙太平極治之效超三
軌五絕遠光前矣

帝王總載二

原天皇顏竣始學篇曰天地立有天皇十三頭號天靈

各萬八千歲

洞冥記曰一姓十三人也徐整三五歷紀云歲起攝提元氣肇有神靈一人有十三

頭號天皇春秋緯云天皇地皇人皇兄弟九人分九州長天下也遁甲開山圖曰天皇被跡在柱州崑崙山下

地皇始學篇曰地皇十一頭各八千歲

遁甲開山圖曰地皇興於

龍門熊耳山

人皇始學篇曰人皇九頭兄弟各三百歲依

山川土地之勢財度爲九州各居其一方因是而區別

榮氏云人皇兄弟九人

生於荆馬山身九色有巢氏始學篇曰上古皆穴

處有聖人教之巢居號大巢氏

皇甫謐以爲有巢在女媧之後遁甲開山圖曰

石樓山在瑯琊昔有巢氏治此山南

燧人氏尚書大傳曰燧人爲燧皇

以火紀官

禮含文嘉曰燧人始鑽木取火炮生爲熟令人無腹疾遂天之意故爲燧人

太

昊庖犧氏帝王世紀曰太昊帝庖犧氏風姓也蛇身人

首有聖德燧人氏沒庖犧代之繼天而王首德於木爲百王先帝出於震未有所因故位在東方主春象日之明是稱太昊都陳制嫁娶之禮取犧牲以克庖厨故號

庖犧氏是爲犧皇後世音謬謂之伏犧或謂之密犧

解一

云處古伏字後誤以處爲密故曰密犧左傳曰伏犧氏以龍紀官拾遺記曰周易云伏犧俯仰二儀經綸萬象至德備於冥昧神化通於精粹是以圖書著其跡河洛表其文變太素之質改淳遠之化三才之位既立四維之義乃張禮樂帝女媧氏帝王世紀曰女媧氏亦風

文物自茲而始

姓也承庖犧制度亦蛇身人首一號女希是爲女皇

淮

南子曰往古之時四極廢九州裂女媧鍊五色石以補蒼天斷鼈足以立四極蒼天補四極正考其功烈上際九天下契黃墟名聲被後世光輝動萬物乘雷車駕應龍驂青虯援絕瑞席蘿圖黃雲絡前白螭後奔道鬼神

登九天朝帝於靈門原按女媧氏末有諸侯共工氏任知刑以強伯而不王以水承木非行次故易不載及女媧氏沒次有大庭氏柏皇氏中央氏栗陸氏驪連氏赫胥氏尊盧氏混沌氏有巢氏朱襄氏葛天氏陰康氏無懷氏凡十五世炎帝神農氏帝王世紀曰神農氏姜皆襲庖犧之號

姓也長於姜水有聖德以火承木位在南方主夏故謂之炎帝都於陳在位百二十年而崩至榆罔凡八世合

五百三十年陸景典語曰神農嘗草別穀蒸民乃雜食黃帝有熊氏帝王

世紀曰黃帝少典之子姬姓也生於壽丘長於姬水有

聖德受國於有熊居軒轅之丘故因以為名以土德王

有妃生二十五子在位百年而崩年百一十歲或傳以

為仙或言壽三百歲故宰我疑以問孔子孔子曰人賴

其利百年而崩人畏其神百年而亡人用其教百年而

移故曰三百年

增

孫綽子曰黃帝之遊天衢奏鈞天之

龍彭祖前驅松喬夾轂光景流而不見長風逐而不及發軔紫宮不崇朝而匝六合也

原

封禪書黃帝得仙上天羣臣葬其衣冠又帝王世紀曰或

言壽三百歲葬於上郡陽周之橋山

少昊金天氏帝

王世紀曰少昊帝名摯字青陽姬姓也降居江水邑於

窮桑以登帝位都曲阜在位百年而崩

古史考曰少昊以金德王故號

金天氏或曰宗師太皞之道故曰少皞

帝顓頊高陽氏帝王世紀曰顓

頊黃帝之孫昌意之子姬姓也生於弱水首戴干戈有

聖德二十登帝位以水承金位在北方主冬以水事紀

官始都窮桑後都商丘在位七十八年年九十八歲

又曰

使南正重司天以屬神北正黎司地以屬民於是神民不雜萬物有序歲在鶉火而崩葬東郡頓丘廣陽里

帝嚳高辛氏帝王世紀曰帝嚳姬姓也有聖德三十

而登帝位都亳以木承火在位七十年年一百五歲而

崩葬東郡頓丘廣陽里陶弘景云在位六帝堯陶唐

氏帝王世紀曰堯伊祁姓也從母姓伊祁氏受封於唐

年二十而登帝位以火承木都平陽兄堯即位九十八

年年一百一十八歲乃殂百姓如喪考妣三載四海遏

密八音增後漢李固傳曰堯殂之後舜仰慕三年坐則

西北是帝舜有虞氏帝王世紀曰舜姚姓也其先出

自顓頊顓頊生窮蟬窮蟬有子曰敬康敬康生句芒句

芒有子曰橋牛橋牛生瞽瞍瞽瞍妻曰握登生舜於姚墟故姓姚氏名重華字都君有聖德始遷於負夏販於頓丘債於傳虛家本冀州每徙則百姓歸之堯以二女娥皇女英妻之

孟子曰堯之於舜也使其子九男事之二女女焉百官牛羊倉廩備以養舜於

獻畝之中後舉而加諸上位

耕於歷山之陽耕者讓畔漁於雷澤漁

者讓淵陶於河濱陶者器不窳堯於是乃命爲司徒試以五典舉八元八凱四惡除而天下咸服遂納於大麓烈風雷雨弗迷堯乃命舜代己攝政明年五月帝始受終文祖以太尉行事舜攝政二十八年而堯崩三年喪畢舜八十一以仲冬甲子次於畢始即真以土承火色

尚黃以正月元日格於文祖申命九官十二牧以禹爲
司徒舜年八十一即真八十三而薦禹九十五而使禹
攝政攝政五年有苗氏叛南征崩於鳴條殯以瓦棺葬
於蒼梧九疑山之陽是爲零陵謂之紀市在今營道下
有羣象爲之耕

尚書曰舜生三十登庸三十在位五十
載陟方乃死孔安國註通服堯喪三年

其一共三十之數
凡壽百一十歲

伯禹帝夏后氏帝王世紀曰禹姒

姓也其先出顓頊顓頊生鯀堯封爲崇伯生禹於石紐
名文命字高密長於西羌西夷人也堯命以爲司空繼
鯀治水十三年而洪水平堯美其績乃賜姓姒氏封爲
夏伯故謂之伯禹天下宗之謂之大禹及堯崩舜復命

居故官禹年七十四舜始薦之於天薦後十二年舜老
始使禹代攝行天子事五年舜崩禹除舜喪明年始即
真以金承土都平陽或都安邑年百歲崩於會稽因葬
會稽山陰之南今山上有禹塚并祠下有羣鳥芸田又
云禹葬衣衾三領桐棺三寸葛以繃之下不及泉上不

通鼻既葬收餘壤爲壠若參耕之畝始納塗山氏之女

生子啓即位

皇甫謐云自禹至桀并數有窮凡十九王合四百三十二年禹一啓二太康三仲康

四相五羿六寒浞七少康八杼九槐十芒十一世十二
降十三扃十四廬十五孔甲十六臯十七發十八桀十
九

商殷帝王世紀曰殷出自帝嚳子姓也有聖德諸

侯不義者湯從而征之將伐桀先滅韋顧昆吾遂戰於

鳴條之野桀奔於南巢之山湯乃即天子之位以水承

金始居亳爲天子十三年年百歲而崩湯娶有莘氏女

爲正妃生太子丁外丙仲壬太子早卒外丙代立

皇甫
證云

商之饗國也三十一王自見居位者實三十王而言三十一也兼數太子丁也自湯得位至紂凡六百二十九

年成湯一外丙二仲壬三太甲四沃丁五太庚六小甲

七雍己八太戊九仲丁十外壬十一河亶甲十二祖乙

十三祖辛十四沃甲十五祖丁十六南庚十七陽甲十

八盤庚十九小辛二十小乙二十一武丁二十二祖庚

二十三祖甲二十四廩辛二十五庚丁二十六武乙二

十七太丁二十八帝乙二十九紂三十商書曰成湯既

沒太甲元年孔安國註云太甲太子湯孫也太丁未

立而卒及湯沒而太甲立稱元年謚法殘義損善曰紂

敗於牧野懸首白旗從黃帝至紂三十六世紂二年

納妲己二十年囚文王三十年武王觀兵於孟津

周帝王世紀曰周姬姓也文王始修政三年而天下二

分歸之入爲紂三公年十五而生太子發文王九十七而崩太子發代立是爲武王武王二年觀兵於孟津之上四年始伐殷爲天子以木承水自鄆徙都鎬武王崩年九十三

尚書中候曰太子發以紂存三仁雖即位不稱王

太子誦代立是

爲成王春秋元命苞曰文王造之而未遂武王遂之而未成周公旦總少主而成之故曰成王

皇甫謐曰自尅殷至秦滅周之

歲凡三十七王八百六十七年武王一成王二康王三

昭王四穆王五恭王六懿王七孝王八夷王九厲王十

宣王十一幽王十二平王十三桓王十四莊王十五釐

王十六惠王十七襄王十八頃王十九匡王二十定王

二十一簡王二十二靈王二十三景王二十四悼王二

十五敬王二十六元王二十七貞定王二十八哀王二

十九思王三十考王三十一威烈王三十二安王三十

三烈王三十四顯王三十五慎觀王三十六赧王三十

七 秦帝王世紀曰秦嬴姓也昔伯翳為舜主畜多故

賜姓嬴氏孝襄公始修霸業壞井田開阡陌天子命為

伯至昭襄王自稱西帝攻周廢赧王取九鼎至莊襄王

滅東西周莊襄王崩政立為始皇帝并天下置三十六

郡自以水德故以十月為正色尚黑使蒙恬築長城焚

詩書百家之言坑儒士四百六十人三十七年崩於沙

丘平臺年五十皇甫謐云自昭襄王滅周至子嬰凡四
王二帝合四十九年昭襄王一孝文王

二莊襄王三始皇帝四胡亥五子嬰六又帝王世紀曰
秦改錫曰咸陽都焉為漢驅除不求五運別以水德王

秦自始封至滅三十六世合六百五十年秦顯項之後
也先世造父之為穆王御有功封之於趙城國為趙氏

也與簡子同祖嬴姓
也秦亦在水火之間 漢德帝王世紀曰漢出自帝堯

劉姓也豐公生執嘉即太上皇也太上皇之妃曰媼是
爲昭靈后生子邦字季是爲漢高皇帝秦二世元年諸
侯叛秦沛人共立爲沛公二年入武關至灞上秦王子
嬰降項羽自立爲西楚霸王立沛公爲漢王王巴蜀漢
元年還攻雍遂定三秦五年破楚王羽於垓下追斬於
東城天下始定春正月楚王韓信等請尊爲皇帝二月
即位於定陶汜水之陽都長安十二年崩於長樂宮年
六十二初納呂公之女謂之高皇后生太子盈代立按前

漢十二帝高祖一惠帝二高后三文帝四景帝五武帝

六昭帝七

宣帝八元帝九成帝十哀帝十一平帝十二

王莽立孺子嬰居攝三年篡位十五年更始立二年皇

甫諡曰自高帝元年至更始二年凡得二百三十年

帝王部

開益類也卷四十一

帝王總載

二

後漢帝王世紀曰光武皇帝出自景帝也

表宏漢紀曰南頓令

欽生光武

名秀字文叔更始元年爲偏將軍破王邑殺王尋

誅王郎更始二年立爲蕭王建武元年四月更始降赤

眉六月光武即帝位於常山鄆之陽千秋亭都洛陽在

位三十三年中元二年二月崩於洛陽南宮年六十二

太子莊代立是爲孝明皇帝袁山松後漢書曰明帝諱

陽一名莊字子麗

按後漢書十二帝光武一明帝二章帝三和帝四殤帝五安帝六順帝七

冲帝八質帝九桓帝十靈帝十一獻帝十二皇甫謐云

自漢元年至更始二年凡二百一十二年自居攝元年

至更始二年凡十八年自建武元年至延康元年凡一

百九十五年凡漢前後并諸廢帝及王莽合三十一帝

共四百六十二年
增蜀漢通鑑曰帝名備漢景帝子中山靖

王之後獻帝末累官至益州牧曹丕篡漢遂正位於成

都在位三年改元章武壽六十二

子禪嗣立是為後主在位四十一年為魏

所滅二帝合四十四年

原

魏上德

帝王世紀曰魏曹姓也武皇帝

諱操字孟德漢建安二十四年進爵為魏王改二十五年為延康元年春正月崩於洛陽年六十六太子丕代立是為文皇帝其年冬十月受漢禪改延康元年曰黃

初都洛陽黃初七年崩年四十

皇甫謐云自黃初元年至禪晉之歲凡五帝合

四十五年文帝一明帝二廢帝齊王三廢帝高貴鄉公四元帝五

增

吳姓孫氏名權

長沙太守堅次子也堅起兵討董卓入洛陽修諸陵寢長子策據江東謀襲許以迎漢帝權藉父兄餘烈屈事

曹魏丕封爲吳王後乃稱帝都建業在位三十一年壽

七十一

按三國志自吳大帝至帝皓凡四帝合五十九年爲晉所滅大帝一帝亮二景帝三帝皓四

原晉

德金

晉書曰武皇帝諱炎字安世河內溫縣人姓

司馬氏太始元年升壇受禪禮畢即位洛陽宮追尊宣

王爲宣皇帝

武帝祖

景王爲景皇帝

武帝伯父

文王爲文皇帝

武帝父

太熙元年崩年五十五

立二十六年太子東嗣是爲惠帝按晉書自武帝至

恭帝凡一十五帝合一百六十五年禪於宋也武帝一

惠帝二懷帝三愍帝四以上西朝都洛陽元帝五明帝

六成帝七康帝八穆帝九哀帝十廢帝十一簡文帝十

二孝武帝十三安帝十四恭帝十五以上東朝都建業

今潤州江寧縣是也

增宋

文獻通考曰高祖武皇帝彭城綏輿

里人姓劉氏名裕以庚申受晉禪即位改元永初時年

五十七在位三年壬戌崩壽六十

按宋書自高祖至順

禪於齊也高祖一少帝二文帝三孝武帝四前廢帝五明帝六後廢帝七順帝八俱都建業

齊文

獻通考曰高帝東海蘭陵郡人姓蕭名道成以己未歲

受宋禪改元建元時年五十二在位四年壬戌崩壽五

十六

按齊書自高帝至和帝凡六帝合二十二年禪於梁也高帝一武帝二廢帝三明帝四廢帝五和帝

六 梁文獻通考曰武帝南蘭陵中都人姓蕭名衍以

壬午歲受齊禪改元天監時年三十五在位四十八年

己巳崩壽八十六

按梁書自武帝至敬帝凡四帝合五十六年而禪於陳也武帝一簡文帝

二孝元帝三敬帝四梁亂昭明太子統之子名譽奔西魏立為梁王徙江陵稱帝在位七年傳子明帝在位二

十四年明帝傳子帝琮存位二年隋文帝廢之

陳文獻通考曰武帝吳興長

帝王部

南齊書卷一百一

帝王總載

城下若里人姓陳氏名霸先以丁丑受梁禪改元永定

時年五十四在位三年己卯崩壽五十七

按陳書自武帝至後主凡

五帝合三十三年隋滅之武帝一文帝二廢帝三宣帝四後主五

北朝後魏德文獻

通考曰道武其先世爲代北鮮卑君長姓拓跋氏名珪

以丙戌即代王位郊天改元十三年戌戌取燕即帝位

又十二年己酉爲拓跋紹所弒壽三十九

按北史自道武帝至恭帝

凡十五帝合一百七十一年道武帝一明元帝二太武帝三廢帝四獻文帝五孝文帝六宣武帝七孝明帝八孝莊帝九節閔帝十以上建都平城今山西大同府是也孝武帝十一爲高歡所迫奔依宇文泰於關中是爲西魏今陝西西安府是也孝靜帝十二帝清河王世子孝武既奔關中高歡乃奉靜帝立之遷都鄴是爲東魏今河南彰德府是也西魏傳孝文帝十三廢帝十四恭帝十五禪於周東魏止孝靜帝一世傳於齊

北齊文獻通考曰文宣帝渤海人姓高氏名洋神武王

歡之次子以庚午受魏禪改元天保在位十年己卯崩

壽三十一按北史自文宣帝至後主凡五帝合二十八

成帝四北周德木文獻通考曰孝閔帝姓宇文氏名覺

代郡武川人文王泰之長子以丙子受魏禪在位一年

丁丑爲晉公護廢而弑之壽十六宇文護立其弟毓是

閔帝至靜帝凡五帝合二十六年禪於隋也隋德火文

獻通考曰文帝弘農華陰人姓楊氏名堅以辛丑受魏

禪改元開皇在位二十四年甲子崩壽六十四按隋書

至恭帝凡三帝文帝一煬帝二字文化及弑之唐公

李淵立煬帝之孫侑是爲恭帝在位一年即禪於唐

帝王部 隋書 帝王總載

唐

德

文獻通考曰高祖隴西成紀人姓李氏名淵以丁

丑自太原留守起兵戊寅受隋禪即位改元建都長安

時年五十三在位九年丙戌傳位太宗稱太上皇又十

年乙未崩壽七十一

太宗名世民高祖次子唐有天下太宗之功居多兄建成弟元吉謀

欲殺之

太宗遂殺建成

元吉因傳位焉改元貞觀在位

二十三年按唐書自高祖至哀帝凡二十帝合二百九

十非禪於梁也高祖一太宗二高宗三太宗四即位三

月武后廢為虜陵王後二十二年始復辟在位五年睿

宗五明皇六肅宗七代宗八德宗九順宗十憲宗十一

穆宗十二敬宗十三文宗十四武宗十五宣宗十六懿

宗十七僖宗十八昭

宗十九哀帝二十後梁文獻通考曰太祖宋州碭

山縣人姓朱氏名晃初名溫賜名全忠以丁卯受唐禪

改元即位建都汴梁年五十六在位六年壬申爲其子

郢王友珪所弒年六十一

太祖第四子均王瑱討友珪誅之以癸酉嗣立即位十一

年唐兵入汴爲其下所弒二帝合十七年

後唐文獻通考曰莊宗沙陀人

姓朱邪氏名存勗先世仕唐賜姓李氏父克用以平黃巢功封晉王存勗嗣癸未稱帝滅梁在位四年丙戌兵

亂中流矢崩壽四十二

按五代史後唐四帝合十四年莊宗一明帝二閔帝三末帝四

晉滅之

後晉

全德

文獻通考曰高祖太原汾陽里人姓石

氏名敬瑭丙申以北京留守舉兵入洛遂即帝位在位

七年壬寅崩壽五十

子重貴嗣立是爲少帝在位四年契丹入汴北遷於黃龍府壽三十

四

後漢

水德

文獻通考曰高祖太原人姓劉氏名暠初

名知遠因契丹入大梁執末帝遂以丁未歲即位於晉

陽繼遷都於汴在位二年戊申崩壽五十四

子承祐嗣立是為隱

帝在位二年為郭威所滅

後周木德

文獻通考曰太祖邢州堯山人

姓郭氏名威辛亥以鄴都留守入汴即帝位在位三年

癸丑崩壽五十一

世宗嗣立名榮木姓柴氏太祖養子在位六年子恭帝嗣在位一年禪於

宋三帝合十年

宋火德

文獻通考曰太祖姓趙氏名匡胤其先

涿郡人皇考始遷洛陽太祖初仕周為殿前都點檢歸

德節度使周恭帝幼契丹入寇將兵禦之至陳橋驛將

士擁還汴遂受禪即位時年三十三在位十七年丙子

崩壽五十

按宋史自太祖至靖康之變凡九帝歷一百六十八年太祖一太宗二真宗三仁宗四英

宗五神宗六哲宗七徽宗八欽宗九金兵陷汴擁帝及上皇北行終於五國城是為北宋

南宋文

獻通考曰高宗名構徽宗第九子母顯仁韋太后初封

康王金兵陷汴梁二帝北狩以丁未嗣立於臨安

今浙江

府時年二十一在位三十六年壬午內禪於太子又二

十五年丁未崩壽八十一

按南宋自高宗至帝昺凡九世歷一百五十五年高宗一

孝宗二光宗三寧宗四理宗五度宗六孝恭帝七端宗八帝昺九元滅之

遼續文獻通考

曰太祖姓耶律氏名億字阿保機小字啜里只契丹迭

剌部霞瀨益石烈鄉耶律彌里人德祖皇帝長子母曰

宣簡皇后蕭氏唐咸通十三年生天復元年痕德堇可

汗立以爲本部夷裔堇專征伐破敵有功三年拜于越

總知軍國事五年痕德堇可汗崩羣臣奉遺命立爲主

九年建元稱帝在位十一年崩壽五十五

按遼史自太祖至天祚凡

九帝歷二百九年太祖一太宗二世宗三穆宗四景宗五聖宗六興宗七道宗八天祚帝九爲金所滅

金續文獻通考曰太祖姓完顏氏名阿骨打生女直部節度使烏鴉束之弟元魏時有粟米黑水等七部至隋有靺鞨居古肅慎地唐初有粟米靺鞨黑水靺鞨二部後粟米滅黑水繫遼籍者號熟女真不籍者號生女真避興宗諱改女直傳至阿骨打自稱都勃極烈宋政和四年集所部兵擊遼西皆降乃稱帝更名吳國號金在位五年太祖崩弟吳乞買嗣立是爲太宗宋宣和七年滅遼後二年陷汴盡有中原關內之地在位十三年

按金

史自太祖至哀帝凡九帝歷一百十九年太祖一太宗
二熙宗三煬王四世宗五章宗六允濟帝七宣宗八哀
帝九宋元
合滅之 元續文獻通考曰太祖姓奇渥溫氏名鐵

木真蒙古部人部長也速該之子其先孛端察兒九傳
至也速該生帝旣長深沉有大略諸部歸降宋開禧三
年即位於斡難河滅國四十平西夏定西域侵宋州郡
在位二十二年四傳至世祖名忽必烈宋開慶元年即
位開平稱薛禪皇帝建國號元歷二十年宋亡始混一

天下都大都

今順天府

在位三十五年壽八十

按元史自太祖至順帝凡

十四帝合一百六十三年太祖一太宗二定宗三憲宗
四世祖五成宗六武宗七仁宗八英宗九泰定帝十明

宗十一文宗十二寧
宗十三順帝十四

明續文獻通考曰太祖濠之泗

州人姓朱氏名元璋字國瑞仁祖第四子初潛龍皇覺
寺元至正十五年起義兵丁酉下金陵丁未即吳王位
以戊申歲爲洪武元年正月稱帝國號明在位三十一
年崩壽七十一自太祖至愍帝凡十六帝合二百七十
六年太祖一建文二成祖三仁宗四宣
宗五英宗六景帝七憲宗八孝宗九武宗十世宗十一
穆宗十二神宗十三光宗十四熹宗十五懷宗十六

帝王總裁三

原犧軒

炎昊

並詳總
載二

九舜

十堯

桓範要論曰責
公者易雖一賢

少繆執難者衆雖九舜猶亂韓非子曰今夫堯舜生
而在上位雖有十桀而不能亂者則勢安也桀紂亦生
而在上位雖有十堯舜而不能化之者則勢亂也

白帝

元王

河圖曰白帝
朱宣宋均曰

少昊氏湯之始祖
契曰元土詳帝系

雲名

火紀

並詳
應運

大庭

少

昊

上詳應蓮
下詳前敘

六羽

九翼

春秋命歷序曰人皇氏九
頭駕六羽乘雲谷口河

圖曰天皇九
翼是名旋復

若水

塗山

上詳登庸
下詳帝誕

生翼

在房

元鳥

赤龍

夢日

感星

繞星

貫月

以上並
詳帝誕

珠庭

玉理

四乳

八省

重瞳

駢齒

龍顏

烏喙

望廣

視豐

鱗身

牛首

戴干

懷斗

以上並
詳奇表

昭華

延喜

尚書大傳曰舜耕於歷山夢着
與髮等堯妻以一女屬其九子

也贈以昭華之
玉下詳符命

握河

沉洛

金牛

玉馬

以上並
詳祥瑞

溫洛

滎河

並詳
符命

大君

元后

周易曰大君有命
尚書

曰可愛非君可畏非
民衆非元后何戴

出震

開階

周易曰帝出乎震
齊乎巽下詳符

命當宁

置圖

禮記曰天子當宸而立諸侯北面而
見天子曰觀天子當宁而立諸公東

帝王

帝王

帝王總載

三

面諸侯西面曰朝春秋孔演圖按轡垂拱陸子

曰王者當置圖錄坐旁以自正也皇垂拱五帝垂手唐虞按轡禹湯馳轅雖使周公御衡

仲尼促節固不已也應劭風俗通曰皇天不言四時

行焉百物生焉三皇垂拱無為有似皇天故稱曰皇時乘或躍六龍以御天

或躍又曰九四纂堯授舜上見漢高祖述禮記曰

王代擊壤鼓腹帝治垂衣卷領上詳帝治古

有整頭而卷領以治天下注曰古者蓋三皇以前整頭

著兜帽言未知制冠卷領皮衣屈而袂之如今朝章襲

反攝以鶉居掬飲上詳儉德禮記曰塊桴而土

為領以手攣領結繩晏子曰古者有緇衣攣領而

筴委裘陸子曰三皇垂筴而五帝擊手呂樽巢

營窟

晏子曰古有處樽巢而王天下者矣禮記曰昔者先王冬則居營窟夏則居橧巢焉

則地

揆天

黃石公三略曰帝者體天而天下太平

文子曰伏羲氏之王天下

功揆

就日

望霓

上詳帝德孟子曰湯一征自葛

雲霓

合神

順命

上詳總載一帝之功春秋元命苞曰天

一家之常順命者存逆命者亡

大德

鴻名

易曰天地之大德曰生

守位曰仁何以聚民曰財

司馬相如封禪書曰前聖之所以永保鴻名常為稱首者也

明一

通三

並詳總載一

合元

順紀

何休注公羊傳曰德合於元者稱皇大戴禮曰黃

帝順天地之紀者也

巍巍

翼翼

論語曰巍巍乎惟天為大惟

小心翼翼昭事上帝率懷多

赫赫

煌煌

毛詩曰明明在下赫赫然著於

福鄭箋曰翼翼小心之貌

赫在上毛萇注曰文王之德明明於下故赫赫然著於

璋

穆穆

乾乾

禮記曰天子穆穆諸侯皇皇易曰君子終日乾乾夕惕若厲無咎

五德

三統

日月令曰立春之日威德在木其帝太皞夏

帝黃帝秋日威德在金其帝少昊冬日威德在水其

步驟

質文

白虎通曰三皇步五帝驟三王馳五霸騫

三綱

一統

論語曰周因於殷禮所損益可知也注

青丘

丹浦

牧野

阪泉

軒營

周陣

並詳武功

鳳墟

鮪水

上詳帝德下詳武功

舜戚

軒弧

皇甫謐帝王世紀曰有苗氏負

固不服舜乃修文教三年執干戚而舞之有苗請服

易曰神農氏沒黃帝堯舜氏作弦木為弧剡木為矢弧

親耕

躬稼

上詳帝治禹稷躬稼而有天下論語曰

抵璧

藏金

張衡東京賦曰抵璧於谷陸賈新語曰

堯厨

舜甑

上詳祥瑞而工不以巧獲罪

栝柱

土階

並詳儉德

二八

四七

上詳用賢

漢紀

曰儒生

曰劉秀發兵捕不道四方雲

握髮

吐哺

上詳勤勞

集龍闕野四七之際火為主

虞韶

夏籥

論語曰子

命論曰高祖誠信好謀達於

虞韶

夏籥

在齊聞韶

聽受當食吐哺納子房之謀

犧瑟

媯笙

並詳

三月不知肉味呂覽曰禹立

媯瑟

媯笙

製作

命臯陶作夏籥九成以昭其功

媯瑟

媯笙

製作

漢筑

虞琴

史記曰高祖還歸過沛置酒沛宮名故人

歌酒酣高祖擊筑自

史記曰高祖還歸過沛置酒沛宮名故人

史記曰高祖還歸過沛置酒沛宮名故人

教之

為歌詩下詳制作

史記曰高祖還歸過沛置酒沛宮名故人

史記曰高祖還歸過沛置酒沛宮名故人

教之

亭毒

財成

老子曰亭謂品其形毒謂成其質王弼注

陰樾

推溝

淮南子曰武王

天地交泰后以裁成天之宜

鹽鐵論曰禹稷自布

推溝

推溝

於樾下

扇暘

劉向說苑曰禹出見罪人

下詳帝德

神輸

神輸

人贊上詳

帝王部

開盤頁函卷百十

帝王總裁

元

一 范蔚宗後漢書先武贊曰靈慶

貢雉

獻燹

史記

既啓人謀咸贊明明廟謨赴赴維斷

展義

觀風

左傳

曰周成王時越棠貢白雉尚書曰

夏迹

右尹子革

曰天子非展義不巡狩禮

周轍

必有車轍馬迹祭公

謀父作祈招之詩以止王心是以獲沒於祗宮又曰

夏磬

畫爲九州舜旌堯鼓上詳總載一鄧子

周鞞

呂氏春秋曰舜有誹謗之未湯有

獻櫻薦黍者春嘗果方今櫻桃熟可獻願陛下出

得玉曆

佩寶文

取櫻桃獻宗廟上許之諸果獻由此與也禮記曰仲

足履已

手握褒

夏之月農乃登黍乃以雜嘗黍羞以合桃先薦寢廟

得玉曆

佩寶文

符命河圖曰禹既治水功大天帝以

醴泉出

祥

寶文大字賜禹佩渡北海弱水之難

醴泉出

祥

鳳至

並詳祥瑞

玉龜識

石馬圖

上詳祥瑞

紀鳳鳥

舞神魚

並詳祥瑞

御二龍

駕六鳳

括地圖曰禹誅防風

禹誅防風

使范氏

御之以行

春秋命

歷序曰

辰放六

頭四乳在

皇出地

衡在位

作舟車

為耒耨

班固東都賦曰

作

軒轅之

所以開帝功也

易曰

庖犧氏

沒神農

建皇

極

合天中

尚書洪範曰建用皇極孔安國注曰皇大也極中也凡立事當用大中之道春秋

運斗極

曰處犧女媧神農是

三皇皇者中也弘也合天履中開陰布網止合皇極其施光明煌煌盛美不可勝

量

含乾元

體太一

桓譚新論曰夫王道之主其德能載包舍以統乾元也下詳

總載

法三才

咸一德

淮南子曰

帝王者體太

一以

湯成有

一德

皇侔天

帝合地

並詳總

禹孜孜

湯粟

栗尚書曰禹曰予思日孜孜又曰湯既黜夏命復歸於亳作湯誓曰栗栗危懼若將隕於深淵推

五勝漢書曰秦兼天下未遑暇也亦頗推五勝五行相勝秦以周爲火水以勝之

大戴禮曰正禹菲食湯布衣上詳儉德尸子曰

朔三而改禹菲食湯布衣上詳儉德尸子曰

馬布衣身嬰白茅以身爲堯羹藜舜飯糗上詳儉德

牲當此時歌舞者禁之堯羹藜舜飯糗上詳儉德

子曰舜之飯糗茹歌龍鱗吳書曰虞翻字仲翔著周易甚

草也若將終身焉魏虛座漢側席仲翔著周易甚

有大意魏文帝嘗開翻名爲設虛座以事歌龍鱗

之後漢書曰朕思望直士側席以聞歌龍鱗

歎鴻翼傅元樂府雜歌詩曰鳳有翼龍有鱗得六相

有五臣 有十亂 用三傑 拔芻牧 舉行陣上以

並詳賢 作承雲 和調露 鳳集梧桐 龜出芝池並詳賢

瑞祥 東戶鴈行 西鄰禴祭了思子曰東戶李子之時

道上鴈行而不拾遺耕耨

餘糧宿諸畝首 易曰東鄰殺牛不知西鄰之禴祭實受其福

烏江追項 赤壁破

曹

史記曰項王至東城乃有二十八騎追者數千人欲渡烏江亭長艤船待謂項王曰江東雖小地方千里

衆數十萬亦足王也願大王急渡今獨臣有船漢軍至無以渡項王笑曰籍與江東子弟八千渡江而西今無一人還縱江東父老隣而王我我何面目見之縱彼不言籍獨不愧於心乎 蜀志曰曹公南征劉表率將精騎五千急追先主及於當陽之長坂先主走到夏口遣諸葛亮自結於孫權與曹公戰於赤壁大破之焚其舟船

周武仗鉞

漢高提劍

尚書曰武王與受戰於牧野甲子昧爽王朝至於商

郊左仗黃鉞右執白旄以麾 史記曰高祖擊英布時爲流矢所中病呂后迎良醫醫入高祖嫚罵之曰吾以布衣提三尺劍取天下此非

鴻門謝羽

澧水敗尋

漢書曰羽至函谷關有兵守不得入聞沛公已屠咸陽羽大怒乃使當陽君英擊關羽遂入至戲西鴻門明日沛公從百餘騎至鴻門謝羽自陳封秦府庫還軍灞上以待大王閉關以備他盜不敢背德 後漢書曰王莽

遣王尋王邑將兵百萬圍昆陽光武與敢死者三千人
衝其中堅遂殺王尋莽兵大敗走者相騰踐奔一百餘
里會大雷風屋瓦皆飛雨下如注潢水
咸溢士卒爭赴溺者萬數水爲之不流
周官棫樸

殷相鹽梅

並詳用賢篇

葛天八闕

虞帝九成

呂氏春秋曰昔葛天

氏之樂三人操牛尾投足以歌八闕高誘注曰葛天氏
古帝名也投足猶蹠足闕終也尚書曰蕭韶九成鳳

皇來

軒皇夔鼓

漢帝鸞旗

皇甫謐帝王世紀曰黃
帝於東海流波山得奇

獸狀似牛蒼身無角能走出入水則風雨光如日月其
音如雷名曰夔黃帝殺之以其皮爲鼓聞五百里史記

曰黃帝號軒轅氏漢書曰文帝時有獻千里馬者詔
曰鸞旗在前屬車在後吉行五十里師行三十里馬獨

先焉往於是選
馬與道里之費見窘蘭池微行柏谷
史記曰始皇

武士四人俱夜出逢盜蘭池見窘武士擊殺盜
故事曰上嘗輕服爲微行至柏谷夜投亭長不納乃宿

旅於逆
出軫吐珠
並詳符命
降子嬰
封雍齒
史記曰漢元年

十月沛公兵先諸侯至灞上秦王子嬰降於軹道漢書曰高祖於未央宮望見諸將於沙中偶語乃先封雍

尚侯吾等無患矣

貪財貨

起布衣

史記曰范增

公居山東貪於財貨今入關財物無所

總萬廷

旅

五緯

河圖曰高皇攝正總萬廷四海歸詠理威明文德道化承天精西京賦曰高祖之始入也五緯相

叶以旅之

隱芒澤

徭咸陽

通鑑曰秦始皇帝嘗云

遊以厭之高祖即自疑亡匿於芒碭山澤巖石之間史記曰高祖嘗徭咸陽縱觀秦始皇帝喟然太息曰嗟

乎大丈夫當如此也

朱鴈

白麟

並詳

芝房

瓠子

瑞詳

書武帝東巡於海上四月還祀泰山至瓠子臨決命從臣將軍以下皆負薪塞河隄作瓠子之歌

唐

萬里

漢書曰元封五年帝南巡至於咸唐又曰元狩五年禪萬里注云萬里山名也

甲帳

交門

漢武帝起九間神屋以琉璃珠玉明月夜光雜錯天下珍寶爲甲帳其次爲乙帳甲

帝王總載

帝王總載

帝王總載

帝王總載

帳居神乙帳上自御之漢書曰元封四年幸不
其祠神人於交門宮若有嚮座拜者作交門之歌歷

鳴澤濟汾河漢書曰武帝元封四年出北蕭關歷鹿

汾河漢中流兮揚素波箏鼓鳴兮發棹歌出竹宮

生蘭殿漢儀曰郊泰時皇帝平明出竹宮東體亞聖

慮如神張儼默記曰漢光武體亞聖之才執文武

仕金吾擊銅馬後漢書曰光烈陰后諱麗華南陽新

後至長安見執金吾車騎甚盛因歎曰任宦當作執金

吾娶妻當得陰麗華東觀漢記曰更始年立上為蕭

王擊龍馬大殺王尋擒張步後漢書曰更始元年

破赤眉擒張步魏翼之徒羣凶夷滅華夏肅清北部

兵百萬旌旗輜車千里不絕圍昆陽城數十重光武乃

與敢死者三千人從城西水上衝其中堅尋邑陣亂遂

殺王尋莽兵大潰張儼默記曰漢光武中興

破赤眉擒張步魏翼之徒羣凶夷滅華夏肅清

殺王尋莽兵大潰張儼默記曰漢光武中興

破赤眉擒張步魏翼之徒羣凶夷滅華夏肅清

西陵

魏志曰太祖武帝二十舉孝廉為郎除洛陽北

臺於臺上施六尺牀總帳朝脯上脯糗之屬月朔十五

輒向帳作樂汝等時登銅雀臺望吾西陵墓田勿使有

擊蛟

射雉

皮一曰射雉獲三十六頭也

林

梅

野葛

劉義慶記曰魏武行兵失道三軍皆渴帝曰

口皆出水乘此得以及前源張華博物志

修渴

營洛

魏志曰黃初六年帝遂以舟師自譙修渴入淮從

又曰黃初元年十二月帝

書鞭

擊蔗

魏文帝臨渴

安十八年至譙余兄弟從上拜墳墓遂乘馬遊觀經東

園遵渴水高樹之下駐馬書鞭為臨渴賦

論自敘曰余幼學擊劍與平虜將軍劉勳奮威劉展等

共飲酒宿開展有手臂能空手入白刃余與論劍良久

謂言將軍法非也余顧嘗好之又得善術因求余對時

帝王部

帝王部

帝王部

帝王部

金車

寶鼎

吳志曰初興平中吳中童謠曰黃金車
斑蘭耳開閭門出天子閭門吳西郭門

夫差所生也

下詳祥瑞

都武昌

遷建業

並詳遷都

持鞍緩鞚

受箭迴船

虞溥江表傳曰孫權征合肥為張遼所襲乘
駿馬上津橋南已見撤谷利在馬後使權持

鞍緩鞚著鞭遠得超渡

魚泰魏略曰孫權乘大船來

觀軍曹公使弓弩亂發箭著其船船偏重將覆權因迴

船以輕面受箭

大口方頤

長上短下

上詳奇表漢獻帝春秋

曰張遼問吳降人曰紫髯將軍

結吳

肩漢

蜀志曰

長上短下是誰答曰是孫會稽

結吳

先主遣

諸葛亮自結於孫權華陽國志曰漢末雄

棄妻子

傑並起先主名微衆鮮建元帝漢與之鼎峙

又曰曹公

失七箸

蜀志曰曹公遣精騎追及先主於當陽之長

坂先主棄妻子與數十騎而走

從容謂先主曰天下英雄唯操與使君耳

翦芳蘭

索本初之徒不足數也先主方食失七箸

蜀志曰先主將誅張裕諸葛亮請罪先

有奇

乘羽葆

蜀志曰先主將誅張裕諸葛亮請罪先

有奇

節

與大謀

于寶搜神記曰高祖宣皇帝少有奇節聰

大謀畫策多善由是為太子所信重

討公孫

迎魏帝

臧榮緒晉書遼東太守公孫文

懿反詔宣帝討之發自京東都過魏溫詔郡守以下皆

會幕次父老故舊譙欲累日王隱晉書曰魏帝謁高

平陵曹爽兄弟皆從高祖以爽執政不平廢之起奏事

永寧宮悉起營兵及城中餘眾承制發武庫仗開四門

出迎魏帝於洛

遷庶子封舞陽

干寶晉紀曰魏國既建高祖遷太子

濱奏爽罪也

中庶子與陳羣吳質朱鑠號曰四友又曰天子疾篤

帝與曹真陳羣等見於崇華殿之南堂並受顧命輔政

被南國

終北面

臧

疑之明帝即位改封舞陽侯

緒晉書曰遼東以諸將獻捷交亞乃申受前命曰躬探

甲冑龔行天罰埽平區域申滅吳會裨贊皇靈被於南

國陸十衡晉書曰文帝勢崇於三分而

忠恕無過

言

仁厚有智量

王隱晉書曰武帝少厲高行造次於忠恕未嘗有過言失色於人又曰

武帝寬惠仁厚
深密有智量

減膳

燒裘

並詳
儉德

魏禪

吳平

王隱

晉書曰咸熙二年魏武禪位於上
帝問劉毅曰卿以吾可方漢何帝也對曰可方桓靈帝
曰吾德雖不及古人猶克已為政又平
吳會一同天下方之桓靈不亦甚乎
滅禁緒晉書曰武
燧人
炎帝

太昊

高陽

大巢

少典

大巢即有巢氏
少典生黃帝

南面

中央

古帝
氏

連三畫

同八方

上出董子
出總裁一

下
法

五行

照四海

法五行相生形萬殊之體
日月並明明照四海

命九官

利萬物

命九官舜之事
利萬物出禮記

別優劣

法陰陽

上出白虎
下詳

總載

都平陽

堯

納大麓

舜

制二柄

長九州

上詳

韓子
兄弟九人
天皇

葬橋山

長姬水

並黃
帝

含氣化物

明德表功

上出淮南子
下出白虎通

父天母地

兄日姊月

並禮
記

牢籠天地

彈壓山川

申洩四時

經緯六合

並准

南子

增華祝

嵩呼

莊子曰堯觀於華華封人請祝聖人使聖人壽堯曰辭使聖人富堯

曰辭使聖人多男子堯曰辭

漢

崖公

震旦

唐語

紀武帝登嵩山聞呼萬歲者三

玉

帝暉

宸曆

顏延

坊記曰樂人呼天子為崖公

沈

握符

膺籙

孝

水詩序云帝暉臨幄百司定列

東

三極

四維

宋永元

鈞命訣曰受命握符出也

東

神器

東都賦曰握

御三極風登萬寓

坤珍

神器

乾符闡坤珍

曰禮義廉恥國之四維

鳳曆

龍圖

梁武帝紀曰御

神器有歸鼎運斯集

統天

御寓

廣弘明集

張天

造曆

駕日

登皇

孝經援

注

天五帝

玉鏡

金椎

尚書帝命

驗期云

架失玉鏡

注

帝王部

帝王部

帝王部

帝王部

神契云后偷任威失其金
推注金推言國之寶也

修策

長羅

文中子修策
通取長羅遠

駕

紫宸

赤縣

梁王僧辨表紫宸
曠位赤縣無主

璿璣

鼎玉

在書

璿璣玉衡以齊七政

梁與

飛龍

逐鹿

易曰飛龍
在天利見

陳璽書欽若唐虞推其鼎玉

乾龍

晉馬

易乾卦取象於龍
晉元帝紀童謡曰五

其鹿天下共逐之

鳳翔

虎變

張平子東
都賦龍飛

馬浮渡江一馬化為龍是歲

瑞符

玉冊

後漢荀
彧傳天

白水鳳翔參墟文選應吉甫

華林集詩位以龍飛文以虎變

晉元帝紀永嘉初有玉冊見

星

降嘉瑞地出吉符

晉元帝紀永嘉初有玉冊見

星

拱

雲從

賀御殿表

舜抱

堯襟

王勃乾元殿頌曰
環四瀛於舜抱樓

十景於

汜水

軒丘

漢高帝本紀五年即皇帝位於

漢高帝本紀五年即皇帝位於

堯襟

軒丘

汜水

漢高帝本紀五年即皇帝位於

漢高帝本紀五年即皇帝位於

軒轅

天縱

日新

戴天

擊壤

黃屋

白水

之丘

天縱

日新

戴天

擊壤

黃屋

白水

丹丘

後漢書光武稱白水真人

春秋感聖人出

懷鵝

吞

蝗

唐紀太宗得佳鵝自臂之見魏徵來匿懷中徵奏事

不己鷄竟死焉貞觀中終南數縣蝗太宗捕數枚

曰民以穀為命汝食之寧食吾

正乾綱

凝鼎命

忠

傳明王嚴天元之尊正乾綱之

位天德

總朕師

飛

龍在天乃位乎天德

書舜

坐玉牀

握金鏡

鄭康

玉牀虞天子之位也張說

恢聖緒

統宸極

漢安

乾符頌曰握金鏡步玉斗

居正陽

維新命

王褒

昔我光武受命統臨宸極

聖

不世出

唐新羅傳真

者居正陽之位維新

邁時康

不世出

德秀織錦頌

曰巨唐開洪業魏巍皇猷昌深仁

君不世出

三尺劍

取天下

帝王

帝王

帝王

帝王

帝王

而有天下杜甫詩曰風塵三尺劔社稷一戎衣
膺天統 陟帝位 班固典引

膺當天之正統受克遜之歸運 舜典 陳玉帛 越

梯航 禹會諸侯於塗山執玉帛者萬國 千秋亭 陳

橋驛 漢光武即位於千秋亭 赤帝子 香孩兒 上詳

宋史太祖受命陳橋驛 握機創歷 誕命

造家 王元長 緯地經天 左日右月 庾黔婁文經天

右月之明 聲寓宇宙 勢壓山河 孔稚 天地更築 日

月再張 孔稚珪文 繩準陰陽 懸持日月 上出文中子

武成 規矩乾坤 輔相天地 上出晉傳 斟元陳

樞 結繩刻木 春秋保乾圖曰天皇於是斟元陳樞言 真源賦

曰人皇氏兄弟
九人結繩刻木

鍊石補天

斷鼇立極

淮南子女媧氏鍊五色石

以補蒼天
斷

闡極則天

開元創物

齊告天文

本仁

祖義

抱表寢繩

漢武帝詔曰本仁祖義衰德錄賢五帝三王所由昌也

文中子曰戴圓履方抱表寢繩內能理身外得人心

道網德網

學耨禮耕

晉什道恒釋駁論曰

振道網以維六合
布德網以羅羣僞

帝王之田也修禮以耕之陳義以種之

禮運曰人情者講學以耨之

一陰一陽

乃文乃武

恩加草樹

道被翔行

王勃

九成宮頌

體元居正

握鏡臨宸

春秋隱元年凡人君即位欲其體元居正

建武紀曰皇齊受
終建極握鏡臨宸

握符闡珍

系統接緒

東都賦曰聖皇握乾

符闡坤珍
又曰

海嶽呈華

風雷寫慶

王勃九成宮頌

謳歌歸舜

符命興唐

孟子謳歌舜

唐華說傳董景珍曰

歌者不謳歌堯之子而

吾聞帝王之

興必有符命

滋萌元氣

開闢太初崔融啓母廟碑曰滋萌元氣開

闢太初此乃天皇氏

之所應乎天也

朝登五帝

夕宿三皇杜甫太

孕虞育夏

甄殷朝周

班固

赤伏帝子

白水真

人俱光

爲民父母

受命天人

漢貢禹傳曰王者受命爲民父母

柳正

符論曰澤久而愈深仁增而益高人之戴

唐永永無窮是知受命不於其天於其人

聖膺天啓

位以德興李百藥封建論陛下握乾御天膺期啓聖

德以

得位得祿

作君作師

中庸舜大德必得其位必得其祿書太誓曰

天佑下民作

之君作之師

天地交泰

雷雨作解易泰卦曰天地交泰解卦曰

雷雨

應天順人

創業垂統

高力士傳曰明皇幸蜀聞太子即位喜曰吾兒

作解

應天順人

唐舊禮志曰

神聖應期

天人叶順

高祖撫運應期創業垂統

劉

元海載記曰漢高祖神聖運期孫綽傳曰中宗前
飛非惟信順叶乎天人實賴長江萬里盡而守之可

統和天人

願為臣妾

柳宗元賀即位表負旅而會朝
夷夏踐祚而統和天人晉紀

劉琨等勸進曰聲
教所加願為臣妾

無為之德

不宰之功

唐順宗
尊號文

號渙萬里

色授六服

宋奏議曾鞏曰人主之尊意諭
色授而六服震動言傳號渙而

萬里
奔走

誕敷文德

載纘武功

書經曰帝乃誕敷文德
詩經曰二之日其同

載纘
武功

堯舜擁篲

禹湯扶輪

李嶠賀
尊號表

廟社鼎安

寰區泰定

宋陳耆卿
賀登極表

範圍元化

黼藻太平

宋陸游
明堂表

欽翼小心

昇平大業

上總天維

旁握河紀

俱
隋

盧思道賀
甘露表

駕馭風雲

馳驅龍虎

梁庾信賀
平鄴表

德奉

三無

功安九有

宋儒表三無謂天
日月無私照也

九有謂九州也

帝王總載

帝王總載

帝王總載

帝王總載

翼風發越

兌澤滂沱

唐李嶠元日朝賀表

曆數承堯

謳

歌歸禹

宋陳耆卿賀登極表

有道之長

無思不服

宋李劉表

治

民祇懼

受命溥將

李劉表

光紹燕謀

丕膺鴻業

宋鄭

厚賀改元表

天開睿哲

神授英奇

河海晏清

璣衡

明潤

俱出翰苑新書

投弓縱馬

束衽正冠

曾鞏文曰西北之戎投弓縱馬

相與法服而戲豫東南之夷正冠束衽相與揅策而吟誦

大德時來

多能天縱

宋人賀耕籍表

法約三章

舞揚七德

史記沛公入關與秦民約法三章餘悉除

秦苛法唐書秦王破軍之樂名七德舞

帝自有真

聖不世出

漢光武贊曰帝

王之興自有真也唐太宗贊曰至治之君不世出

德合乾行

心通義畫

明何

洛文敬一亭頌

澤暢九垓

德流六幕

明舒弘志聖德重農頌

虎變

龍飛

鳳儀獸舞

明陳于陞慶成宴致語虎變龍飛纘宗社無疆之福鳳儀歌舞行邦家有

道之長

瞻雲就日

際地蟠天

堯本紀曰帝之君也其仁如天其智如神就之

如日望之如雲

性理曰

蕩乎無名

建其有極

宋

游賀會慶節表

煦嫗萬物

照蘇九圍

馮道上周太祖尊號頌

膺萬

國之珍

接千歲之統

東都賦受四海之圖籍膺萬國之貢珍漢司馬相如傳今天

子接千歲之統

受四海之圖籍

拜萬國之衣冠

東都賦天子受四海

之圖籍唐詩萬國衣冠拜冕旒

張皇綱以羅遠

飛仁風而被物

書

協天載以無聲

恢帝猷而有截

馮道上周太祖尊號表

昭鴻名而日揭

肅龍衛以天臨

宋李劉賀

歷五帝

之寥廓

涉三皇之登闕

出文選註曰登高也闕大也

冠五行之

帝王部

卷一百一十五

帝王部

卷一百一十五

秀氣 萬三代之英風

李康運命論

風來南面之薰 星

拱北辰之所 多聞將求建事 大烹所以養賢 天

地節而四時成 陰陽和而萬物得 四七之際火爲

主 一千之歲聖當興

後漢書疆華奉赤伏符曰劉秀發兵捕不道四七之際火爲主

春秋感應圖云黃河千年一清丹丘千年一焚則聖人當出

極頽綱以繼三五

鼓芳風以扇遊塵

范甯穀梁傳序

握天鏡而授河圖 執玉

衡而運乾象

徐陵文

張寶圖以光帝載 懸玉鏡以徹

靈襟

唐元和表

御風雷七曜於上 用山川六府於下

王勃九成宮頌

若元氣之運四時 如太陽之御六合 翰苑新書

銅渾昭乾健之規

玉燭朗陽舒之景

馮道上周太祖尊號表

凝旒而天啓其門

服袞而日升於觀

李喬元日朝賀表

三階正而六氣調

萬寓清而百蠻服

李喬賀表

漢承

堯而傳歸於子

舜授禹而允執厥中

翰苑新書

發育萬

物而顯諸仁

包舉六氣而藏諸用

王勃文

炎帝分八

節以始農功

軒轅紀三綱而闡書契

出晉律曆志

中國

之有至人無思不服

王者之大一統咸與維新

翰苑新書

懷恩慕化之黨候雨占風

疇德瑞聖之符非煙若

霧

李喬賀表

天啓昌期御蘿圖而出震

人瞻粹表負

黼袞以當陽

翰苑新書

御六龍而乘乾君臨大寶

斂五

福而作解慶洽窳區

翰苑新書

詠時和於帝壤動植咸歡

歌道泰於華封昆蟲自樂 紫宮密運敷造化於靈

襟

黃屋神凝創經綸於寶思

俱王勃文

丹書碧篆神符

煥河洛之文

玉斗珠衡天骨挺皇王之表

王勃九成宮頌

權輿象緯削茅社而建瓊桃 草昧風雲席蘿圖而創

璿曆

王勃文

鋪帝容而建皇極大寶重光

撫乾軸而

正坤維洪鑪再造

李嶠賀尊號表

聖人作而萬物覩共堅愛

戴之心 元首明而庶事康行迪太和之治

翰苑新書

帝王總載四

原

天號

帝者天號

天靈

天皇之號

尊無二上

土無二王

作

民父母

爲天下主

惟辟玉食

惟皇作極

君天

下 養天下 純而王 駁而霸

荀子曰粹而王駁而霸無一焉而王

仁義所生爲王 仁義合者稱王

白虎通曰德合天地者稱帝仁義合者稱

王別優劣也 三王善因時 五帝任仁義 三王任智勇

王者得三才 立天子以爲天下立君以爲國

呂氏春秋

曰爲天下長慮莫如置天子也爲一國長慮莫如置君也置君非以阿君也置天子非以阿天子也德衰世亂然後天子利天下國君利國 功德純者稱帝 德令全者稱王

南面而聽天下 三者尊位所在 **增** 龍德 居體

知臨 崇高 大寶 大君 易經 王言 福威 書經 嗣

服 定命 國步 執競 綴旒

詩經爲下國綴旒言爲天子而爲諸侯所

係屬也 重華 書舜典曰重華協於帝 丕子 書是有丕子之責 丕后

帝王總載

書嗣光宅不

明辟

書朕復

伯林

楚辭言長

縣官

前漢

書註曰縣

官天子也

鉅公

出前漢郊祀志張晏曰天子為天下父故曰鉅公

穆清

文選注天

子有美德

神器

儲精

文選儲精垂恩

勵精

帝輝

執契

文選執信也明

淵穆

睿想

宸威

重暉

六朝詩百辟仰

重暉

肖天

范祖禹曰人之子未有肖其親者麟之子不問知其為肉角鳳之子不問知其為九苞

天子者天之子

末光

漢書依日月之末光有餘寵也

湛恩

湛者深也

皇儀

帝容

東都賦究皇儀而展帝容

渥惠

蒙聖皇之渥惠

天儀

後漢書儀

也

寶業

家珍寶業天子位也

鳳宸

光武贊鳳宸臨花媛謂帝座也

藻衛

藻衛

天子

宸盼

宸盼俯凝流

靈貺

靈貺自甄謂神靈賜福祚而自成也

法

從

漢書天子

辰居

辰居如星拱辰言有德也

帝紘

廓帝紘恢皇綱開五三之紀綱

儀仗

宸盼

天子之視也

靈貺

賜福祚而自成也

法

神主

書經作神主

天德

易乃位

革命

湯武革命

體元

左傳

位欲其體

正始

路溫舒傳

陛下初登至尊與

正統

元

正統

元

頌春秋法五始之統

在正統而已

乾顧

文選昭王碑

曰仰瞻乾額

茂緒

揚緒

事誅

曰光昭

衍圻

文選辨亡論曰化

殊裔風衍遐圻

拱揖

文選辨亡論

曰拱揖羣后

注謂拱于以楫

醲化

辨亡論醲化懿

網未嵩於上代

經民

辨亡論

其體國

經民之具足

長規

辨亡論先王遠經國之

長規審存亡之至數

宏覆

文選

侯

武文不宏大

乾景

文選齊景后策文乾

景外臨註乾為君

長御

文選五

侯

論曰見綏

安瀾

文選講德論天下

安瀾比屋可封

淳流

同上觀大

淳流

世之長御

佩文

同上冠道德履純

淑清

同上上海內樂

鴻均

同上

鴻均

上

何物不出

中雅

同上步中雅

頌驟合諒漢

叅神

神與靈合契

神與靈合契

神與靈合契

神與靈合契

帝王部

帝王部

帝王部

帝王部

前旒

文選答客難曰冕而前旒所以蔽明

覆于孟

同上連四海之外以爲帶安如覆孟注天下無

事安如覆孟之下

景俗

文選王元長曲水序設神理以景俗

天囑

同上行度動於天囑

濡化

典引被風濡化者京師沉潛

辨章

典引辨章辨章之化洽江辨析章服也

昭登

典引昭登之績匪堯不興注昭明也登成也

文軫

文選袁太尉從駕詩文軫接桂海

三正

文選張子房詩神武時三正

陽澤

謝靈運應詔詩皇心美陽澤萬物咸昭

倫化

謝靈運從宋文拜陵廟詩已見倫化萌倫大也

光宅

七命記天光宅

載韙

七命

皇風

載韙鴻藻義繩

體元

東都賦體元立制繼天而作

景鑠

東都

賦鋪鴻藻

馨業

西京賦馨業彌茂

茂世

羽獵賦豐茂世之規

天關

長揚賦順斗

長世

景福殿賦闡長世之善經

筌宰

文選宣德皇

極運天關

神寶

范蔚宗皇后紀論曰陵夷大運淪亡神寶

測恩

注君臣有所寄托

文選華林集詩曰測

滂流同上元澤滂流

沉恩文選以恩之未廣

懼教化

汪濊難蜀父老文曰汪恩汪濊

恩隱楮白馬賦曰恩隱周渥隱私也

灑澤

顏延年曲水詩序

天獎

任彦升答七夕詩啓曰率庸陋式酬天獎獎恩也

恩

紀

文選潘安仁雜體詩恩紀被微身

温渥

顏延年詩曰温渥與隸和惠屬後筵

寤

靈

司契

魏都賦啓天心而寤靈注寤先靈也

舉玉趾

禮

疇四海

荀子曰至賢疇也上垂拱而司契注執法契也

闡皇闡

六朝詩明闡皇闡謂開君門

以待賢也

在德元

名誥其惟王位

承天心

谷永傳明王即位正五事建大

中承

乘時龍

易經曰時乘六龍以御天光武紀道士西門君惠守等云劉秀當為天子王

者承命信有符乎不然何

據坤靈

西都賦據坤靈之正位

緒

安帝紀昔我先武受命

黃裳元吉

易經黃中色裳下飾也猶以中順之

德而居尊位為大善之吉也

赫赫業業

詩經赫赫業業有耀天子

寵綏四方

經書

如絲如綸

禮記

緯天理地

六朝文言帝王之御天下上緯天維下理地軸

執轡御馬

藝苑御四馬者執六轡御天下者正六官

盤孟儀影

藝苑夫君者儀

也儀正而影正君者盤也盤圓而水圓君者孟也孟方而水方

天行地止

言王者法天地之行

也

應天載靈

奉秀黃帝頌曰靈矣皇軒應天載靈

盤古九變

二古歷紀曰盤

古一日能九變

黃帝四面

尸子曰黃帝取已合者四人使治四方大有成功此為四面也

如北極

淮南子曰舜之在位也端如北極

體堯蹈舜

後漢崔實傳曰濟時拯世之術

豈必體堯蹈舜

咸五登三

出司馬相如難蜀父老文

遐邇三五

賦較獵

薰風潛暢

隋志曰成湯四十二年之間薰風潛暢頌聲遐舉

膺萬國珍

東都賦受

四海之圖籀膺萬國之貢珍

負宸踐祚

柳宗元賀表云負宸而會朝夷夏踐祚而統和天人

聲明文物

文選謝朓詩文物共歲樂聲

聖風雲靡

長楊賦

勲造遂古

文選司馬記室箋

紹天闡繹

典引曰厥有

繹闡開

華名洪伐

七命曰生必輝華名於玉牒

長

世字氓

魏都賦字養也

聲教布漢

張衡東京賦

甄陶國風

何晏景福

殿賦

東漸西被

北燮南諧

書經東漸於海西被於流

越裳

德寓天覆

教與風翔

並張衡東京賦

玉策金滕

魏都賦窺

玉策與

文軌薄桂海

聲教燭冰天

江淹擬袁淑詩注桂海南極水

天北極也

舜行猶河海

尸子曰舜之行猶河海乎千仞之溪滿焉螻蟻之穴亦滿焉

四三皇而六五帝

景福殿賦

淵鑑類函卷四十

廿

廿

淵鑑類函卷四十一

帝王部二 帝王總裁

帝王總裁五 贊

原箴 晉潘尼乘輿箴曰皇極肇建兩儀既分彝倫未序
萬邦糾紛國事明主家奉嚴君各有攸尊德罔不勤煌
煌四海藹藹萬乘匪賢焉倚匪哲焉憑左輔右弼前疑
後丞一日萬幾業業兢兢夫出其言善則千里是應而
莫余違亦喪邦有徵辛作璿室而夏興瑶臺糟丘酒池
象箸玉杯叔世道衰末俗化淺耽樂逸遊荒淫沈湎不
式古訓而好是佞辯不邇正路而覆車是踐滅敗之功

載在前典匪唯陵夷厥世用殄故曰樹君如之何將民
是司牧視之猶傷知其寒燠故能撫之斯柔而敷之斯
睦無遠不懷靡思不服夫豈厭縱一人而玩其耳目內
迷聲色外荒馳逐不脩政事而終於顛覆

增唐張蘊

古大寶箴曰今來古往俯察仰觀惟辟作福爲君實難
主普天之下處王公之上任土貢其所求具僚陳其所
倡是故恐懼之心日弛邪僻之心轉放豈知事起乎所
忽福生乎無妄是以聖人受命拯溺亨屯歸罪於己因
心於民大明無私照至公無私親故以一人治天下不
以天下奉一人禮以禁其奢樂以防其佚左言而右事

出警而入蹕四時調其慘舒三光同其得失故身爲之
度而聲爲之律勿謂無知居高聽卑勿謂何害積小就
大壯九重於內所居不過容膝彼昏不知瑤其臺而瓊
其室羅八珍於前所食不過適口唯狂罔念丘其糟而
池其酒安彼反側如春陽秋露巍巍蕩蕩恢漢高大度
撫茲庶事如履薄臨深戰戰慄慄用周文小心詩之不
識不知書之無偏無黨一彼此於胸臆捐好惡於心想
衆棄而後加刑衆悅而後行賞弱其強而治其亂伸其
屈而直其枉故曰如衡如石不定物以限物之懸者輕
重自見如水如鏡不示物以情物之鑿者妍蚩自生勿

渾渾而濁勿皎皎而清勿汶汶而闇勿察察而明雖冕
旒蔽目而視於未形雖黈纊塞耳而聽於無聲縱心乎
湛然之域遊神於至道之精扣之者應洪纖而效響酌
之者隨深淺而皆盈故曰天之經地之寧王之貞四時
不言而代序萬物無言而化成豈知帝力而天下和平

李德裕丹扈六箴曰先王聽政昧爽以俟雞鳴旣盈
日出而視伯禹大聖寸陰爲貴光武至仁反支不忌無
俾姜后獨去簪珥彤管記言克念前志宵衣旰食聖人作

服法象可觀雖在宴游尚不懷安汲黯莊色能正不冠
楊阜慨然亦譏縹紱四時所御各有其官非此勿服惟

辟所難

正服箴

漢文罷獻詔還駮駟鑿輅徐驅焉用千

里厥後令王亦能恭已翟裘既焚筒布則毀道德為麗

慈儉為美不過天道斯為至理

罷獻箴

惟后納誨以求

厥中從善如流乃能成功漢驚沈湏舉白浮鍾魏叡侈
汰凌霄作宮忠雖不忤而善亦從以規為瑱是為塞聰

納誨箴

居上處深在察微萌雖有讒慝不能蔽明漢之

孝昭叡過周成上書知詐照姦得情燕蓋既折王猷洽

平百代之後乃流淑聲

辨邪箴

天子之孝敬遵王度安

必思危乃無遺慮亂臣猖獗非可遽數元服莫辨觸瑟

始仆柏谷微行豺豕塞路覩貌獻飡斯可戒懼

防微箴

宋陳彭年大寶箴曰二儀之內最靈者人生民之中
至大者君民既可畏天亦無親所輔者德所歸者仁恭
已臨下輝光益新載籍斯在謀猷備陳內綏萬國外撫
百蠻治亂所始言動之間觀之則易處之則難由是先
哲喻彼投艱苟能慮末乃可防閑審求逆耳無惡犯顏
既庶而富教化乃施慈儉之政庶富之基鰥寡孤獨人
之所悲發號施令宜先及之黃髮鮐背心實多知左右
侍從何莫於茲瞻言百辟咸代天工儻無虛授可建大
中克謹彰瘝惟藉至公知人則哲視遠則聰才固難備
道亦少同葑菲罔捨杞梓乃克不扶自直惟蓬在麻非

揀莫見惟金在沙參備顧問必辨忠邪獻替以正裨益
無涯自區草澤亦有國華訪此髦士可拒朋家三章之
立庶民作程欽哉欽哉可以措刑九伐之建寇孽是平
本仁本義可以弭兵是謂齊禮亦曰好生有教無類自
誠而明宗廟社稷饗之以恭宮室苑囿誠之在豐春蒐
秋獮不廢三農擊石拊石用格神宗使人以悅乃克成
功治國以正罔或不從濟濟多士用之有光硜硜小器
謀之弗臧忠言致益豈讓膏粱六藝爲樂寧後笙簧任
賢勿貳堯所以昌改過不吝湯所以王六合至廣萬彙
攸多風俗靡一嗜慾相摩如馭枯索若防決河左契斯

執六轡遂和導之以德民免嬰羅不懈於位俗乃偃戈
先王之訓罔不咸然吾君之治亦取斯焉小心翼翼終
日乾乾三靈降鑒百祿無愆由茲率土永戴堯天巍巍
洪業億萬斯年 明王弘誨無逸殿箴曰大君凝命統
御萬方總攬威福調劑紀綱得之則化臻上理失之則
治用不臧故克艱者惟后而不易者惟王緬惟聖人自
強不息度天祇民不遑暇食保惠念稼穡之艱抑畏勤
康田之即享國以之彌長后王因而丕式豈如叔季棄
小忽微以天位爲可樂捐小民之所依履冰無兢兢之
戒集木無惴惴之危迷途旣遠覆轍何追是用攬鏡興

亡提衡善敗取公旦之陳謨法成王之受戒比前事若
韋弦奉聖言如著蔡揭無逸於便殿拜昌言於往代夫
適情肆欲其逸乃足無亦誦耽樂罔壽之旨以自畜而
伐性之斧不使陳於目勞民動衆其逸乃重無亦鑒觀
逸遊田之訓以自訟而馳騁之娛不使投其空輕改舊
章其逸乃長無亦誓變亂刑政之文以自防而紛更之
議不以易其常不恤衆怨其逸乃見無亦引違怨呪咀
之規以自善而防川之術不以施於賤淫刑窮兵其逸
乃盈無亦懲無罪無辜之語以自繩而草菅之念不以
瀆其經嗚呼一念之逸萬事之隳一時之逸終身之疵

法天行健惟日孜孜惟聖罔念無不在茲堯兢舜業並
稱巍巍惟無逸乃能有逸惟有爲是以無爲彼秦氏之
衡石隋室之傳餐徒爲叢脞奚取圖難吾將企四王之
迪哲措九有於安瀾固朝乾夕惕之不暇而遑即夫世
主之所安 李大武仁明武箴曰惟辟統天懋建皇極
運治穆清秉機淵默包體用以兼該治剛柔而作則蓋
聖學本乎惟一而衆美貴乎相參欲提綱而挈領必體
一而函三體仁長人萬善斯括亶聰明而作后亦神武
而不殺博施濟衆惟仁是保苟予仁之未導赤子蒼生
胡繇而昭融威命靈爽惟武斯懾苟予武之弗烈敷天

率土胡繇而震疊勿恃終食爲仁而謂人欲不能淆不
見山木得養則長失養則消勿恃一隙爲明而謂私意
不能隔不見盆水澄之終朝撓之一掬勿恃意氣爲武
而謂事變不能散不見強弩張之甚難弛之甚易匪直
殘忍傷仁即優游姑息亦亂仁之真匪直壅蔽害明即
苛求淵察亦失明之情匪直矮媮攻武即剛愎拒諫亦
用武之誤嗚呼衆人之仁杯水車薪聖心之仁純純全
全如天施地生合蠕動而咸育斯其爲天下之至平衆
人之明螢火陰燐聖心之明昭昭靈靈如日照月臨悉
豐蔀而畢照斯其爲天下之至深衆人之武怒臂當車

聖心之武赫赫皇皇如雷厲風行舉百昌而咸悚斯其
爲天下之至威旣公溥而明通亦有仁而有勇繫三劄
之所陳實百王之攸重雖異用而同體總會歸於一中
苟三德之不愆何萬化之難通斯皇猷之要領而君道
之折中托前疑而授簡敢上告於宸聰 申時行思政
軒箴曰惟皇睿聖光嗣丕基弗寧燕處有儼若思厥思
維何萬幾一日千里應違謀之几席惟皇立政欽若昊
天涵育萬彙覆被八埏曰雨曰暘思其或愆惟皇立政
憲於列祖金科玉條具在故府是訓是行思繩厥武四
海溥婺政是用康一夫不獲我視如傷何以亢之行葦

甘棠殊方卉服政是用輯一夫不戒作我蝨賊何以清
之苞桑磐石萬方玉食思及鉏犁袞服在御思及杼機
徵輸罔藝乃政之疵筐篚之恩用思有式尚方之需費
思有極濫出無經乃政之隱任思弗二或蔽其聰去思
弗疑或撓其公毋昵厥比衡平鑑空言逆於耳思或爲
利言遜於心思或爲戾毋恣厥情虛心執契勿謂已明
察見淵魚勿謂已斷決事庭除思古哲王用人有餘勿
謂予喜賞或爲僭勿謂予怒刑或爲濫思古哲王監於
成憲朝以出政則思其終紛更之戒畫一之從夕以脩
令則思其始毋徇窳辭毋眩多指是之爲思規安萬世

天命不易爲君實難人亦有言日中則昃無疆惟恤思
之思之鬼神通之戶牖誦之 王肯堂敬天勤民箴曰
天佑下民作之君師握持大寶令行如馳外馳八荒內
牧九域日照月臨罔不恭職匪民有私匪天有親德配
彼蒼澤闡下民配蒼維何曰惟皇畏顧視罔儋夙興夜
寐澤民維何詢民之瘼一夫怨咨罔自豫樂匪獨郊禘
穆穆嚴趨觸然後敬中心已渝匪惟執馭兢兢若朽感
然後勤勤何能久古之敬民所以敬天自民視聽敢云
不然冕旒蔽目目周天壤黠纒塞耳耳藏羣響一日不
御萬方昌承晏亦安耳如民予憎巍巍放勳今古致理

究厥所操欽明而已虞戒逸樂夏訓風愆虎賁綴衣周
之韋弦雖有成德從諫斯聖雖有葛藟賢於卑佞不辭
諤諤用讚皇輿小臣獻箴敢告周廬 王象節保泰箴
序曰自古所以維國體振人心者莫急於全盛之日而
潛伏乎渙散懈弛之形何則殷憂多難庸愚驚焉熙洽
恬愉聖詰玩焉譬若太行羊腸謹於轡勒或無虞於登
坂而康衢有覆轍則忽而墮也吞天沃日慎其維楫尚
無慮於洪濤而平瀾有敗舟則狃而壞也殷宗納彤日
之諫而消桑穀周宣有脫簪之警而遣採薇均爲中興
尚矣不然開元天寶建中靖國豈非極盛際哉而一域

不戒禍不旋踵可鑒也夫我二祖興創聖統列聖茂衍
鴻基皇上紹繹二十年於茲德化翔洽威靈赫濯休容
在列戎夷北面即有一二烽燧之儼而陰陽內外截然
界限不可謂非常保泰之時顧瑕類漸萌精神漸墮風
俗漸偷紀綱漸亂苟無桑土之謀不免厝火之禍敬循
藿見少效虞箴其詞曰惟辟奉天爲君實難克艱厥后
保泰爲先大象維何金甌常完九譯稽顙四國歌弦鳳
鳴於岡嵩祝其年無平不陂無往不還黔黎鉏耰遂生
戈鋌所以聖王日夕糾虔戶牖綢繆其忘永監仰觀盈
虛俯勤宵旰九嬪八子寢豈不甘長樂昭陽樂豈不懸

言念幾康勿溺便媚懼生醜毒戒彼晏安晝日三接清
蹕常傳九塞三陲念念周旋以克長世太平永肩於赫
皇明聖人當天勤政講學帝德罔愆濟濟朝列夔龍同
賢爰惟今日消長攸關願言保泰皇心無倦毋曰昌明
輦轂之下或成夷羌毋曰富有黔黎之賤或抗元首明
明股肱惟泰則親毋令三事嘗隔九閭赫赫金城惟泰
則豫弗使元良忽生間阻慎之又慎側席求理億萬斯
年受天無斁小臣獻箴毋怠毋忽 劉孔當保泰箴曰
可畏非天可愛非時其倏其忽爲治爲圯皇皇泰運亦
孔之昌豈不爾穀以豫以康顧此安兮危之所倚顧此

存兮亡之所始譬彼行棋見在莫必累踣而勝食兩而失譬彼馳車惟厥所馭或險而戒或夷而躓蓋常人狃於眉睫而禍幾伏於隱微惟兢兢其馭朽乃明明其不基古我先王有懷如履衣袵未濟桑土未雨豈不馨格地祥天符曰余不德胡以介茲豈不咸若羽毛肉角曰余小子孤寡不穀豈不率俾旅獒越雉曰余不及而享其贄蓋旱則資舟水則資車用持盈以豫而揀傾以時嗚呼念哉治耶忽耶判若蒼素揆厥所由寘惟人寘何去何從孰臧孰否微臣獻箴以告丹陛

原贊魏陳王曹植庖犧贊曰木德風姓八卦創焉龍瑞

名官法地象天庖厨祭祀罟網漁畋瑟以像時神德通
元 晉摯虞庖犧贊曰昔在上古惟德居位庖犧作王
世尚醇懿設卦分象開物紀類施罟設網人用不匱
王彪之伏羲贊曰悠悠皇犧體寂神澄無爲而化出道
之凝不知有之冥感自興因應之跡畫象結繩 魏陳

王曹植女媧贊曰古之國君造簧作笙禮物未就軒轅
纂成或曰二皇人首蛇形神化七十何德之靈 又神
農贊曰少典之胄火德承木造爲耒耜導民播穀正爲
雅琴以暢風俗 晉摯虞神農贊曰神農居世通變該
極民衆獸豶乃教稼穡聚貨交市草木播植務濟其本

不通其飾 魏曹植黃帝贊曰少典之孫神明聖哲土
德承火赤帝是滅服牛乘馬衣裳是制氏雲名官功冠
五列 又黃帝三鼎贊曰鼎質文精古之神器黃帝是
鑄以像太乙能輕能重知凶識吉世衰則隱世和則出
晉曹毗黃帝贊曰軒轅應元期幼能總百神體鍊五
靈妙氣含雲露津摻石曾城岫鑄鼎荆山濱豁焉天扉
闢飄然跨騰鱗儀轡灑長風塞裳躡紫宸 周庾信黃
帝見廣成畫贊曰治身紫府問政青丘龍湖鼎沒丹竈
珠流疎雲即雨落木先秋至道須極長生可求 晉摯
虞黃帝贊曰黃帝在位實號軒轅車以行陸舟以濟川

弧矢之利弭難消患垂衣而治萬國乂安 魏曹植少
昊贊曰祖自軒轅青陽之裔金德承土儀鳳帝世官鳥
號名職殊別系農正扈氏各有品制 又帝顓頊贊曰
昌意之子祖自軒轅始誅九黎水德統天以國爲號風
化神宣威暢八極靡不祗虔 又帝嚳贊曰祖自軒轅
元囂之裔生言其名木德帝世撫寧天地神聖靈察教
弭四海明並日月 又帝堯畫贊曰火德統位父則高
辛克平共工萬國同塵調適陰陽其惠如春巍巍成功
配天則神 晉摯虞唐堯贊曰唐帝放勳欽明文思惟
天爲大惟堯則之巍巍蕩蕩萬邦雍熙 周庾信帝堯

登壇受圖贊曰登壇洛汭沉玉河渚丹圖馭馬綠甲乘
龜榮光上幕休氣連帷雖存克讓于見文思 魏曹植
帝舜贊曰顓頊氏族重瞳神聖克協頑瞽應唐涖政除
凶舉俊以齊七政應曆受禪顯天之命 晉夏侯湛虞
舜贊曰有虞愔愔揖讓鼓琴垂拱臨民詠彼南音世澄
道元天下混心民思王度如玉如金 庾闡虞舜像贊
并序曰夫至道元妙非器象所載靈化潛融非軌迹所
傳故道資沖樸則謂之三皇德被羣生則號稱舜禹是
以先王因其會通制爲準極功格於天則配於上帝法
施於民則載在祀典然後名教彰於至治王道煥乎無

窮故茲堂之構也有自來矣然樹寢所以栖神而寢非
神之所期立像所以表德而像非德之所存若乃廢其
軌景洞其元真雖冥照之鑒獨朗而天下惡乎注其耳
目哉遂乃顯圖靈像廓其廟壇俾天光焜於宇宙南風
散乎五絃豈謂神道之妙可寄之於有涯哉蓋亦暢悠
悠者之心也其辭曰元像焜燿萬物含靈飛龍在天陽
德文明神道雖寂務由機生擁琴高詠寄和五聲元風
旣暢妙盡無名民鑒其朗孰測窈冥 周庚信舜干戚
畫贊曰平風變律擊石來儀先齊七政更服三危朱干
獨舞玉戚空麾南風一曲恭已無爲 魏曹植夏禹贊

曰吁嗟夫子拯世濟民克卑宮室致孝鬼神蔬食薄服
紼冕乃新厥德不回其誠可親疊疊其德温温其仁尼
稱無間何德之純 又禹治水贊曰嗟夫夏禹實勞水
功西鑿龍門疏河導江梁岐旣闢九州以同天錫元圭
奄有萬邦 又禹渡河贊曰禹濟於河黃龍負船舟人
並懼禹歎仰天子受大運勤功恤民死亡命也龍乃弭
身 周庾信禹渡江贊曰三江初鑿九谷新成風飛鷁
涌水起龍驚樂天知命無待憂生危舟遂靜亂楫還平
晉摯虞夏禹贊曰決隄疏河刊山敷土四隩旣宅彝
倫攸序卑宮菲食以寧區宇 魏曹植殷湯贊曰殷湯

伐夏諸侯振仰放桀鳴條南面以王桑林之禱炎炎克
償伊尹佐治可謂賢相 又湯禱桑林贊曰惟殷之世
炎旱七年湯禱桑林祈福於天翦髮斷爪自以為牲皇
靈感應時雨以零 周庾信湯解網贊曰連珠兩起合

璧雙沈穀為祥樹桑成樂林三方落網一面驅禽德以
行政仁乎用心 晉摯虞殷湯贊曰睿也惟商實惟成

湯三五迭興舍帝稱王 **增**魏曹植文王贊曰於赫聖

德實惟文王三分有二猶服事商化加虞芮旁暨西方
王業克昭武嗣遂光 **原**又文王赤雀贊曰西伯積德

天命攸顧赤雀銜書爰集昌戶瑞為天使和氣所致嗟

爾後王昌期而至 晉摯虞周文王贊曰周文翼翼儀
刑體教上帝是臨神明是勞東鄰之昏西鄰之曜九有
既集以聖易暴 周庾信文王見呂尚贊曰言歸養老
垂釣西川岸止磐石谿唯小船風雨未感意氣怡然有
此相望于今幾年 魏曹植周武王贊曰桓桓武王繼
世滅殷咸在尚父且作商臣功加四海救世濟民天下
宗周萬國是賓 晉摯虞周武王贊曰於皇武王天命
是鍾七德既曜莫不率從奄清宇宙盪商之蹤 魏曹
植周成王贊曰成王繼武聖賢保傳年雖幼稚岐嶷有
素初疑周公終焉克寤旦奭佐治遂至刑措 又周公

贊曰成王即位年尚幼稚周公居攝四海慕利罰叛柔服祥應仍至誦長反政達天忠義周庾信成王刻桐葉封虞叔贊曰虞叔百里居河之汾帝刻桐葉天書掌文禮以成德樂以歌勲天子無戲唐其有君晉摯虞周宣王贊曰宣王承衰邦家多阻懲難思理官人以敘山甫補闕方叔禦侮是用中興恢復周宇魏曹植漢高皇帝贊曰屯雲斬蛇靈母告祥朱旗旣抗九野披攘禽嬰克羽埽滅英雄承機帝世功著武湯晉傅元漢高祖畫贊曰赫赫漢祖受命龍興五星協象神母告徵討秦滅項如日之升超從側陋光據萬乘摯虞漢高

祖贊曰漢祖明達兼資權武總御羣雄翦翦強楚奄正
華夏經略區宇遂登天位纘堯之緒 周庾信漢高祖

置酒沛宮畫贊曰遊子思舊來歸沛宮還迎故老更召
歌童雖欣入沛方念移豐酒酣自舞先歌大風 **增**唐

睿宗漢高祖贊曰天造草昧雄圖糾紛赫赫漢祖應若
興雲秦隴鹿喪沛澤蛇分大風一起南面稱君 **原**晉

摯虞漢惠帝贊曰孝惠內脩親親外禮宰相優寵齊悼
趙隱恩敬篤矣聞孫叔通之諫則色瞿然納曹相國之
對而心大悅可謂寬仁之主遭呂太后虧損至德悲夫

魏曹植漢文帝贊曰孝文即位愛物檢身驕吳撫越

匈奴和親納諫赦罪以德讓民殆至刑措萬國化淳

晉摯虞漢文帝贊曰漢之光大實惟孝文體仁尚儉克已爲君按轡細柳抑尊成軍營兆南原陵不崇墳魏

曹植漢景帝贊曰景帝明德繼文之則肅清王室克滅七國省役薄賦百姓殷昌風移俗易齊美成康又漢

武帝贊曰世宗光光文武是攘威震百蠻恢拓土疆簡定律歷辦脩舊章封天禪土功越百王周庾信漢武帝聚書贊曰獻書路廣藏書府開秦儒出谷漢簡吹灰芝泥印上玉匣封來坐觀風俗不出蘭臺

增宋范蔚

宗光武贊曰炎政中微大盜移國九縣颺迴三精霧塞

民厭淫詐神思反德世祖誕命靈貺自甄沈機先物深
略緯文尋邑百萬貔虎爲羣長轂雷野高旗彗雲英威
旣振新都自焚虔劉庸代紛紜梁趙三河未澄四關重
擾神旌乃顧遞行天討金湯失險車書共道靈慶旣啓
人謀咸贊明明廟謨赳赳雄斷於赫有命系隆我漢

原晉傅元漢明帝贊曰肅矣孝明仗法任刑勤綜萬機
察下以情未弘道治用致太平專信俗儒非禮之經

增宋范蔚宗漢明帝贊曰顯宗丕承業業兢兢危心恭
德政察姦勝備章朝物省薄墳陵永懷廢典下身遵道
登臺觀雲臨雍拜老懋惟帝績增光文考 又漢章帝

贊曰肅宗濟濟天性愷悌於穆后德諒惟淵體左右藝
文斟酌律禮思服帝道弘此長懋儒館獻歌戎亭虛候
氣調時豫憲平人富 **原**唐太宗晉宣帝贊曰仲達猜
忌狼顧為人稱疾迷謬形神不親辛毘仗節蜀將貽巾
委質北面終為魏臣 **增**唐太宗晉文帝贊曰世宗繼

文邦權未分三千之士其從如雲世祖無外靈關靜氛
反雖討賊終為弑君 又晉惠帝贊曰惠帝居尊臨朝
聽言厥體斯昧其情則昏高臺望子長夜奚寃金墉毀
冕蕩陰釋胄及爾皆亡滔天來遘 又晉明帝贊曰傾
天起害猛獸呈災琅邪之子仁義歸來龔行趙璧命筭

荆臺雲瞻北晦江望南開晉陽禦敵河西全壤胡寇雖
艱靈心弗爽三方馳騫百蠻從響寶命還昌金輝載朗
明后岐嶷軍書接要莽首晨懸董臍昏燎厥德不回餘
風可劭又晉孝宗贊曰委裘稱化大孝爲宗遵彼聖
善成茲允恭西旌玉壘北旆金墉遷殷舊楚莫不來從
哀后寬仁惟靈旣集海西多故時災見及彼異阿衡我
非昌邑梁蕭子顯南齊高帝贊曰於皇太祖有命自
天同度宇宙合量山淵宋德不紹神器虛傳寧亂以武
黜暴資賢庸發西疆功興北翰偏師獨克孤旅霆斷援
旆東夏職司靜亂指斧徐方時惟伐叛抗威京輦坐清

江漢文藝在躬芳塵淵塞用下以才鎮民以德端已雄
睟君臨尊默苞括四海大造家國 又南齊武帝贊曰
武帝丕顯徽號止戈韶嶺歇侵彭派澄波威承景曆肅
御金科北懷戎款南獻夷歌市朝晏逸中外寧和

原

唐太宗梁武帝贊曰緬維梁武九五居尊何爲自屈沈
冥釋門災興佛寺兵纏帝闡竟罹凶逼天道寧論

增

唐李德裕武宗真容贊曰唐運中興天授大君軒耀其
武堯煥其文北伐獫狁漠朔無氛西伏堅昆稽首稱臣
稜生壺關盜起河汾沉機先物雄斷解紛克定羣慝竟
全大勳八表旣寧萬幾益勤爰命采績載模天真崑閬

仙岑峻極秋旻蓬瀛白日光照清晨涵育如天尊嚴如
神輝赫緼縕爲龍爲雲聖作物覩禎祥以臻宣光乃孕
虞熙載甄致建中和金聲玉振太階旣平廟器乃陳化
下以德持盈以仁四瀆宗海衆星拱辰億萬斯年藻朗
日新

原頌晉牽秀黃帝頌曰邈矣皇軒應天載靈通幽遠覽
觀象設形誕敷厥訓彝倫攸經德從風流化與雲征皇
猷允塞地平天成爰登方岳封禪勒成紛然鳳舉龍騰
太清違茲九土陟彼高冥民斯攸慕涕泗沾纓遐而不
隊式頌德聲

增

晉陸雲漢高祖盛德頌曰於皇漢祖

纂胄有唐平章在昔文思百王丹輝栖列火精幽光爰
茲聖緒頽維弛綱靈曜燿爍隋景扶桑則天未墜重規
旻蒼其規伊何橫乾作峻厥德不回矩地能順有秦不
競罔拯黔首震驚予師思處神主上帝曰咨有鑒有赫
乃眷伊漢此惟予宅明明聖皇既受帝祉雲騰下邑風
駭泗水仰鏡天文五緯同晷俯察雲符神母爰止思文
聖王克廣克遐威凌羣桀德潤諸華爰祀天人天人攸
嘉爰輯蒸徒所和既和既和既順乃矢德音豐沛之旅
其會如林朱旗虹超彤旆電尋推師蕭曹撫劔高吟元
戎薄伐時罔不龕凌波川潰肆野陸沈咸陽克沴既繫

秦后峩峩阿房乃清帝宇穆穆聖皇天保攸定有項畔
換不式王命王命旣愆黜我西土於鑠王師遵時匪怒
爰赫乘疊席卷三夏嘽嘽戎軒矯矯乘馬變伐強楚至
於垓下天誅薄曜暴籍授首區夏旣混宇宙蒙又肅肅
帝居巍巍神器有皇于登是臨天位繡文于裳組華于
黻明明天子有穆其容至止鏘鏘相惟辟公宣聲路寢
發號紫宮頌此愷悌以畜萬邦思樂皇慶協於時雍琴
瑟在御天子舞功越裳委贄肅慎來王明明聖皇闔國
乘制分圭祚勞河山命誓禮律克彰典文垂藝有漢恢
恢疏罔不替聖功克明九方孔安良宰內幹武臣外閑

漸澤冀域沾被戎蠻連光大業萬載不刊 隋薛道衡

隋高祖功德頌曰太始太素荒茫造化之初天皇地皇
杳冥書契之外其道絕其跡遠言說所不詣耳目所不
追義軒以降爰暨唐虞則乾象而施法度觀人文而化
天下帝王之任可重聖哲之道為尊夏后殷周之國禹
湯文武之主功濟生人聲流雅頌然陵替於三五慙德
於干戈秦君閏位用刑名為政本漢執靈圖雜霸道而
為法當塗興而三分峙典午末而四海亂九州封域窟
穴鯨鯢之羣五都遺黎蹴蹋戎馬之足雖元行定嵩洛
木運據殺函未止滄海之流詎息崑山之燎叶千齡之

旦暮當萬葉之一朝者其在大隋乎粵若高祖誕聖降
靈則赤光照室韜神晦迹則紫氣騰天龍顏日角之奇
玉理珠衡之異著在圖籙彰乎儀表而帝系靈長神基
崇峻類邠岐之累德異豐沛之勃起龍躍鳳翔濡足援
手應赤伏之符授元弧之籙命百戰百勝之將動九天
九地之師廓氛霧於區宇出黎元於塗炭天柱傾而還
正地維絕而更紐殊方稽顙識牛馬之內向樂師伏地
懼鐘石之變聲萬姓所以樂推三靈於是改卜壇場已
備猶弘五讓之心億兆難違方從四海之請光臨寶祚
展禮郊丘舞六代而降天神陳四珪而饗上帝乾坤交

秦品物咸亨酌前王之令典改易徽號因庶民之子來
移創都邑天文上當朱鳥地理下據黑龍正位辨方揆
景於星日内官外座取法於辰象懸政教於魏闕朝羣
后於明堂除舊布新移風易俗八荒無外九服大同四
海爲家萬里爲宅乃休牛散馬偃武脩文爰命秩宗刊
定五禮申勅太常改正六樂玉帛尊俎之儀節文乃備
金石匏革之奏雅俗始分而留心政術垂紳聽覽早朝
晏罷廢寢忘餐憂百姓之未安懼一物之失所行先王
之道夜思待旦革百王之弊朝不及夕見一善事喜彰
於容止聞一愆犯歎深於在予薄賦輕徭務農重穀倉

廩有紅腐之積黎萌無阻饑之慮天性和恕仁慈惻隱
恩加禽獸胎卵於是獲全仁霑草木牛羊所以勿踐至
於憲章重典刑名大辟伸法而屈情決斷於俄頃故能
彝倫攸序上下各肅左右絕諂諛之路縉紳無勢力之
門小心翼翼敬事於天地終日乾乾誠慎於無極陶黎
民於德化致風俗於太康公卿庶尹遐邇岳牧僉以天
平地成千載之嘉會登封降禪百王之盛典宜其金泥
玉檢展禮介丘飛聲騰實常爲稱首天子爲而不恃成
而不居冲旨凝邈固辭弗許而雖休勿休上德不德更
乃潔誠岱岳遜謝憊咎方知六十四卦謙撝之道爲尊

七十二君告成之義爲小巍巍蕩蕩無得以稱焉而深
誠至德咸達於穹壤和氣薰風充溢於寓縣二儀降福
百靈薦祉日月星象風雲草樹之祥山川玉石鱗介羽
毛之瑞歲見月彰不可勝紀古語稱聖人作萬物覩神
靈滋百寶用此其效矣庶馮豪翰敢希贊述昔堙海之
禽不增於大地泣河之士非益於洪流盡其心之所存
忘其力之所及輒緣斯義不覺斐然乃作頌曰五運叶
期千齡肇且赫矣高祖人靈攸贊聖德挺生神謀獨斷
痺惡彰善夸兇靜難宗伯揆儀太史練日孤竹之管雲
和之瑟展禮上元飛禋太一珪璧朝會山川望秩占揆

星影移建邦畿下馮赤壤上叶紫微布政衢室懸法象
魏帝宅天府固本崇基甸河瀚海龍荒狼望種落陸梁
時犯亭障皇威遠懾帝德遐暢稽顙歸誠稱臣內向勾
越提封斗牛星象積有年代自相君長大風未繳長鯨
漏網授鉞天人豁然清蕩禮教周備車書大同復禹之
迹成舜之功禮以安上樂以移風憂勞庶績矜育黔首
三面解羅萬方引咎納民軌物僉登仁壽聖化隆平生
人熙阜虔心恭已奉天事地協氣橫流休風紹至壇場
望幸云亭虛位推而不居聖道彌粹齊迹姬文登發嗣
聖道類漢光傳莊寶命知來藏往元覽幽鏡鼎業靈長

洪基隆盛尚想睿圖永維聖則道洽幽明仁霑動植爰
畫不陳乾坤將息微臣作頌用申罔極

原唐太宗頌

曰厥初造化人倫既興乃建君長司牧黎烝肇自爰畫
爰代結繩軒昊既謝唐虞以升後隋德衰順時革命三
季之末干戈是爭赫矣神武經期作聖下括九圍上齊
七政業統文武勲邁高光何險不濟何患不攘士女胥
悅篚厥元黃斯物之至昭於我王我王覆育資生懷造
配堯登唐方周在鎬翕受敷施明徵定保允迪厥德惟
清帝道帝道欽明天下和平三時不害百穀以成我庾
斯積如坻如京既富而教訟息刑清明明天子令聞不

已百姓爲心萬方在已家賴寬政朝稱多士齊一華戎
混同書軌東池溟渤西苑囑丘八蠻職貢六狄懷柔至
德潛洽元化滂流日慎一日雖休勿休先天不違靈物
效質丹羽儀韶翠黃承轡甘露零草祥風應律嘉禾醴
泉比焉自出符瑞見今煥圖書壇場設今望鑿輿至人
忘已體中虛凝神姑射厭宸居厭宸居叶冥契龍駕升
兮邈遐逝垂元範兮光來裔與元象兮長昭晰飛英聲
兮越三代永錫祚兮億萬載 顏師古聖德頌曰緬尋
遐代詳觀往冊五勝質文三正沿革亂多化尠明寡晦
積炎精旣淪大運斯歎茫茫率土黯焉已夕皇矣大聖

誕受天符雲飛九域電擊八區共工慝斃涿鹿妖除枝
換斯撤攬槍靡餘建武戢刃偃伯衅車蠲苛削密求瘼
恤隱琴瑟更張銜策俱盡滿堂已樂聲誦猶軫扇喝垂
仁泣辜流憫吏勉端潔民歸愿謹肅恭禋祀祇事上天
永惟孝享式備吉蠲外崇耆耄內睦親婣歲時縑纊春
秋醴饘煢嫠是恤痾瘵斯痊閭閻外戶馬牛內廩畎畝
相移康莊交讓勿用桴鼓無虞亭障賣納鮫人朔班狼
望至誠感慶休氣致祥馴擾一角棲集五章華平挺幹
朱草曜芳良耜畷多稔穰穰國儲億庾家登萬箱旌
彼髦彥任仗忠力光被心膺列居槐棘如砥之平如矢

之直淑慎微務精明品式菁菁者莪芄芄彼械脩容禮
闡翱翔書圃談極五際翫慕三古杳眇義窟恢宏學府
儒墨兼陳申韓迭去豈資伯亮寧勞封鉅德音高朗絲
言昭普黃竹麗章柏梁清引沈鬱澹雅疏通敏迅抽演
闕文網羅遺韻孰登奧室罕窺墻仞妙心洞達神筆允
從礫硤新勢奮發奇峰珪稷鈎婉霧散煙濃竦同企鶴
蔚若據龍豈唯於趙信乃過鍾道惟天縱藝兼人術用
而不知速而不疾至德無象微言罕述玉裕桂宮金植
蘭室禮極敬愛行歸忠一天下文明日月貞觀百神受
職三靈叶贊泰階旣平光華常煥超軒跨昊騰周軼漢

萬壽無疆永延遐算 李百藥皇德頌曰臣聞聖人與

天地合其德與日月合其明含吐陰陽之氣彈壓山川
之精叶吹萬以亭育總得一而爲貞我所以誕膺明命

大保鴻名 又曰惟皇唐之獨運冠風聲之往初練五

氣於圓蓋張四極於方輿定羣雄之逐鹿拯方割之爲
魚在炎靈之交喪屬皇興之敗德降薦瘡於上元恣咆

哮於中國無小無大圖帝圖王匹夫匹婦爲蠱爲蠱舉
率土而咸棄雖同舟而作慝彼獨夫之肆志何汨典而
亂常固違道而滅德實罔念而作狂始結怨於庶黎終
自絕於彼蒼八荒九有山潰川竭天軸且迴地維

文章咸盪風雅咸缺在忠良而必焚罄冠冕而同裂或
滔天而嫁禍或觸山而作孽極殷區以陸沈盡漢塗而
喋血天縱神武景屬上皇自白水而龍躍肇參墟而鳳
翔在中塗而聽誦將再驚而翦商惟神機之獨運乃撫
翼而高驤命蒼兕而臨河曲殺黑龍而濟冀方指牧野
而秦誓師鳴條而侮亡 又曰惟聖德之懷遠敷彝倫
於絕漠合綦會而作貢極遐方而獻琛薦環裘而委質
候風海而歸心周八荒而率俾重九譯而相尋效後猗
於昧谷維神屏於鄧林應咸池而率舞遊上苑而懷音
竭寶用而咸競罄虛心而畢舉乍鳴觀閣時遊禁籞文

表仁義聲諧律呂下神雀於帝臺導甘泉於神渚龜書
龍匣河圖將遊東鰈西鷄云亭載佇其餘藏山秘澤之
珍撫實排虛之侶俱叶契於圖牒差無得而稱序 又
曰昔天靈八萬千歲姬周三十六王蓋曆數之眇小曾
不足以揄揚惟聖朝之期運符上帝之會昌臣下拜而
稽首獻福壽之無疆資卜年與卜曆共地久而天長

增唐一行明皇起義堂頌曰并州起義堂者皇天造帝
之初高祖誓衆之地隋氏失御國亂無家小道自賢大
才胥忌上帝不歆黎人咸感六軍踰海而東敗萬乘過
江而南覆豺狼入邑獫狁爭人黔首囂然方將無訴我

高祖感之乃龍躍晉水鳳翔太原百神前驅萬姓來奔
用湯武之兵靜新室之亂遵唐虞之緒承太王之基率
百官受終於文祖輯五玉班瑞於諸侯類圓禮方之禮
備封功爵德之議允約法惟簡代虐以寬子惠困窮懷
柔蠻貊金石一變日月重華近古以來未有革命易姓
若此之盛者也非天私我有唐惟天祐於積德非唐求
於人庶惟人懷於累仁當此之時太宗內啓聖謀外行
專斷躬擐甲胄跋履山川駕英雄而爲奧主一區域而
定大業周詩曰昊天有成命二后受之信今之謂也於
戲先后捨元子而立予主鬯煩大位而付予天下自高

祖創業百有六戰欽承丕緒十有四載東西南北無思
不服山川鬼神亦莫不寧寧惟藝祖儲福之所致豈予
幼孫菲德之能及方將運心於元妙之境勵志於造化
之爐發令爲祥符施惠爲霖雨任賢爲兩曜仗能爲四
時俾溥天之下有形者遂全懷生者自足樹鋪野繭田
種嘉穀斲彫爲樸捐珠棄玉追大庭而齊風夢華胥而
同俗非曰能爾願憑宗祏而效焉癸亥之歲獻春正月
濟河橫汾省方展義存問黎老緬慕本邦城郭歸然桑
梓如舊覽風物之憂思尋王業之艱難惟高祖若天地
之開闢化成萬類惟太宗若日月之照臨光於四表肇

基發迹實在於茲前人有言曰禮不忘本樂保其德如
姬詠周原劉歌沛邑思我烈祖如聞歎息之音嗟爾後
人無忘成功之頌頌曰皇矣上帝臨下有赫降監四海
求人之瘼吁彼隋煬其政不獲眷我高祖此惟其宅高
祖誕靈騫飛晉陽萬夫一心元戎啓行火旗炎炎雲鳥
洋洋五星逐漢萬國謳唐天網恢疏王師節制威惟連
戮老生摧斃山祗引軍河龍渡帝渭倉散積離宮弛閉
關輔來蘇遠方咸惠長安宮室上法太微隋遷寶鼎唐
在璿璣仗入雙闕詔出九圍三靈協載百祿同歸帝謂
太宗表正封略濤蕩颺埽霆馳電爍劔不摧鋒弩無再

曠西平汧隴東取河洛杲密德充頭懸面縛北走獯鬻
南達蠻荆遼碣作又梁岐底平海隅蒼生莫不來庭於
昭義堂誓衆資始天命所起於胥頌美維予小子夙夜
敬止於戲皇王緒思不忘 呂溫皇帝親庶政頌曰臣

聞光宅大寶茂育羣生神而明之必在上聖然則所同
者道所異者時或以垂拱仰成或以勵精自致及乎俗
躋仁壽理洽時邕弛張之政不殊勞逸之功則倍我皇
帝體至化含元精苞乾綱履坤順誕膺駿命恢纂鴻休
宣八聖之重光集百靈之奧祉如天之燾如地之容鼓
義爲雷霆奮仁爲風雨幹璇衡而轉七曜懸金鏡而納

九圍廓氛沴而川澄沓禎祥而山委百姓不知其日用
羣臣無望於清光而乃業邁乎前王功高乎古烈聖作
物覩孰知其源陛下自代天統物之初則以屈已濟人
爲意虔臨庶政窮總萬樞四策賢良六親郊祀夏景昃
而方食寒星在而求衣寸陰不捨於論思子夜獨觀乎
啓事除一物之患而品類以安伸匹夫之寃而庶獄自
直棄瑕而錄用含垢而宥過小善可紀必拔於宸衷片
言有孚不忘於睿聽至如天時之豐約地利之夸險邦
賦之盈虛師律之貞暴閭閻之疾苦稼穡之艱難人風
之情僞吏治之得失莫不密歸神算潛納皇明雖陰陽

不能以氣欺雖鬼神不能以形遁何細而不及何大而
不包何祕而不彰何難而不就猶復登臺念在險之慘
聞樂思向隅之情御裘感短褐之寒臨膳憂簞食之餒
日慎一日旣泰而不自泰旣安而不自安兢兢乎業業
乎此其所以廣運而有成全功之克舉者也然而感覆
燾之恩者欲天之彌高荷容載之德者欲地之彌厚仰
照臨之明者欲日月之彌光微臣被淳風飲元澤親挹
行事親覩昇平憂勞誠難願陛下勉之而已美善誠盡
願陛下保之而已再拜稽首獻皇帝親庶政頌一首其
詞曰士師邁德元皇儲慶幽而復曜高祖受命貞觀致

理開元殷盛艱而復康皇帝親政受命維何邈萬斯年
親政維何夕惕乾乾天道福謙我則奉天人生在勤我
則率先憂堯之心勞禹之形求人之瘼思國之經年亦
豐止御膳不馨夜如何其皇寢未寧脩文偃武太和氤
氲海不揚波天無纖氛鳥章之長椎髻之君會朝明庭
其從如雲巍巍崇崇於穆昭融宜播大樂以宣皇風鏗
鏘盛德蹈厲神功下臣作頌永示無窮 明徐中行皇
帝即位頌曰於赫允烈在明八葉飭堪輿淬日月陛下
渥元命之符御六龍而爰發敷淵聖之神孝稟后祖之
闕法揭宣告於皇祇洽七廟而周謁嗣適統以正祚信

大曆之攸協歲盛德之次離實蕤賓之紀節日維寅而
肇貞辰屆宵而未晰奏鏞鼓以伶倫運玉輿而啓闈踐
太微之法座暢九元之閭闔令德備矣穆穆皇皇吉儀
具戒旣敕旣匡肅肅法衛烈烈燎陽天軍奉翼雲旌抗
張於是百僚儼以趨進盛珮服之鏘鏘咸稽首以共臣
荷大禮以肅將登宗伯以錫詔覃濊澤於萬邦滌宿汙
而布化俗更始以向方將廣繼述之丕志準熙皞於陶
唐煥嘉釐之日貺隆萬壽以無疆猗兮休兮聖道明昌
小臣含慶聲流頌章

淵鑑類函卷四十一

淵鑑類函卷四十二

帝王部三 帝王總裁

帝王總裁六

述 誄 增 尊 號 冊 文

增 卽 位 冊 文

原述後漢班固高祖述曰皇矣漢祖纂堯之緒實天之德聰明神武秦人不綱網漏於楚爰茲發迹斷蛇奮旅神母告符朱旗乃舉粵蹈秦郊嬰來稽首革命創制三章是紀應天順民五星同晷項氏叛援黜我巴漢西土宅心戰士憤怨乘釁而運席捲三秦割據河山保此懷民股肱蕭曹社稷是經爪牙信布腹心良平恭行天罰赫赫明明又文帝述曰太宗穆穆允恭元默化民以

躬率下以德農不供貢罪不收孥宮不新館陵不崇墓
我德如風民應如草國富刑清登我漢道 又景帝述

曰孝景莅政諸侯方命尅我七國王室已定非怠非荒
務在農桑著於甲令民用寧康 又武帝述曰世宗魏

巍思弘祖業疇咨熙載髦俊並作恢我疆宇外傳四荒
武功旣抗亦迪斯文憲章六學統一聖真封禪郊祀登
秩百神協力改正饗茲永年 又昭帝述曰孝昭幼冲

冢宰推忠燕蓋壽張寶叡實聰罪人斯得邦家和同

又宣帝述曰中宗明明寅用刑名時舉博納聽斷惟精
柔遠能邇輝耀威靈不顯祖烈尚於有成 又元帝述

曰孝元翼翼高明柔克尊禮故老優游亮直外割禁園
內損御服離宮不衛山林不邑奄尹之訾穢我明德

又成帝述曰孝成惶惶臨朝有光威儀之盛如珪如璋
壺闈恣趙朝政在王炎炎燎火亦允不揚 又平帝述
曰孝平不造新都作宰不伊不周喪我四海

原 漢傅毅明帝誄曰惟此永平其德不回恢廓鴻績
遐方是懷明明肅肅四國順威赫赫盛漢功德巍巍躬
履聖德以臨萬國仁風弘惠雲布雨集武伏蚩尤文騰
孔墨下制九州上係皇極豐美中世垂華億載冠堯佩
舜踐履五代三雍既洽帝道繼備七經宣暢孔業淑著

明德慎罰尊上師傅薄刑厚賞惠慈仁恕明並日月無
有偏照辟如北辰與天同曜發號施令萬國震懼庠序
設陳禮樂宣布璿璣所建靡不奄有貢篚納賦如歸父
母正朔永昌冠帶儋耳四方共貫八極同軌 後漢蘇
順和帝諫曰天王祖登率土奄傷如何昊穹奪我聖皇
恩德累代乃作詞章其辭曰恭惟大行配天建德陶元
二化風流萬國立我蒸民宜此儀則厥初生民三五作
綱載籍之盛著於虞唐恭惟大行爰同其光自昔何爲
欽明允塞恭惟大行天覆地載無爲而治冠斯往代往
代崎嶇諸夏擅命爰茲發號民樂其政奄有萬國臣民

咸秩大孝備矣閼宮有侑由昔姜嫄祖妣之室本支百
世神契惟一彌留不豫道揚末命勞謙有終實惟其性
衣不制新犀玉遠屏履和而行威稜上古洪澤滂流茂
化沾溥不憇少留民斯何怙獻歛成雲涕泣如雨昊天
不弔喪我慈父 崔瑗和帝誄曰元景寢曜雲物見徵

馮相考妖遂當帝躬三載四海過密八音如喪考妣擗
踴號吟大隧既啓乃徂元宮永背神器升遐皇穹長夜
冥冥曷云其窮 魏曹植武帝誄曰於惟我王承運之
衰神武震發羣雄殄夷拯民於下登帝太微德美旦奭
功越彭韋九德光備萬國作師寢疾不興聖體長歸華

夏飲淚黎庶含悲神醫功顯身沈名飛敢揚聖德表之
素旗乃作誄曰於穆我王胄稷胤周賢聖是紹元懿允
休先侯佐漢實惟平陽功成績著德昭二皇民以寧一
興詠有章我王承統天姿特生年在志學謀過老成奮
臂舊邦翻身上京表與我王兵交若神張陳背誓傲帝
虐民擁徒百萬虎視朔濱我王赫怒戎車列陳武卒虓
闐如雷如震欃槍北埽舉不浹辰紹遂奔北河朔是賓
振旅京室帝嘉厥庸乃位丞相總攝三公光受上爵君
臨魏邦九錫昭備大路火龍元監靈蔡探幽洞微下無
僞情姦不容非敦儉尚古不玩珠玉以身先下民以純

樸聖性嚴毅平脩清一惟善是嘉靡疎靡昵怒過雷霆
喜踰春日萬國肅虔望風震慄旣總庶政兼覽儒林躬
著雅頌被之瑟琴茫茫四海我王康之微微漢嗣我王
匡之羣桀扇動我王服之喁喁黎庶我王育之光有天
下萬國作君虔奉本朝德美周文以寬克衆每征必舉
四夷賓服功踰聖武翼帝王世神武鷹揚左鉞右旄威
陵伊呂年踰耳順體愉忠肅乾乾庶事氣過方叔宜並
南嶽君國無窮如何不弔禍鍾聖躬棄離臣子背世長
終兆民號咷仰懇上穹旣以約終令節不衰旣即梓宮
躬御綴衣璽不存身唯緋是荷明器無飾陶素是嘉旣

次西陵幽閨啓路羣臣奉迎我王安厝窈窕元宇三光
不入潛闈一扃尊靈永蟄聖上臨穴哀號靡及羣臣陪
臨佇立以泣去此昭昭於彼冥冥永棄兆民下君百靈
千代萬乘曷時復形 曹植文帝誄曰天震地駭崩山
隕霜陽精薄景五緯錯行哀殊喪考思慕過唐擗踴郊
野仰愬穹蒼考諸先紀尋之哲言生若浮寄德貴長傳
朝聞夕逝死志所存皇雖殫沒天祿永延何以述德表
之素旃何以詠功宣之管絃乃作誄曰元光幽味道究
運遷乾迴曆數簡聖授賢乃眷大行屬以黎元龍飛踐
祚合契上元五行定紀改號革年明明赫赫受命自天

風偃物化德以禮宣詳惟聖質岐嶷幼齡研幾六典學
不過庭潛心無內抗志高明才秀藻朗如玉如瑩聽察
無響視覩未形其剛如金其勁如瓊如冰之潔如砥之
平爵功無重戮違無輕心鏡萬機鑒照下情宅土之中
率民以漸道義是圖弗營厥險六合通同齊契共檢導
下以純民由樸儉紉冕崇麗衡統惟新尊肅禮容瞻之
若神方牧妙舉欽於恤民虎將荷節鎮彼四鄰朱旗所
勦九壤披震疇克不若孰敢不臣懸旌海表萬里無塵
回回凱風祁祁甘雨稼惟歲豐登我稷黍家佩惠尹戶
蒙慈父在位七載九功仍舉將承太和繼跡三五宜作

物師長爲神主壽終金石等算東父如何奄忽摧身后
土俾我煢煢靡瞻靡顧嗟嗟皇穹胡寧忍予明鑒吉凶
體達存亡深垂典制申之嗣皇聖上虔奉是順是將乃
啓元宇基於首陽擬跡穀林追堯纂唐合山同阪不樹
不疆塗車芻靈珠玉靡藏百神警侍賓於幽堂於是候
大隧之致功陳元辰之淑禎潛華體於梓宮憑正殿於
居靈悼晏駕之旣俟感容車之速征浮飛魂於輕霄就
黃墟以藏形背三光之昭晰歸窀穸之冥冥嗟一往之
不返痛悶闋之長扃 晉陸機吳大帝誄曰我皇明明
固天實生體和二合以察三精濯暉育慶懷祥載榮率

性而和因心則靈厥靈伊何克聖克仁茂對四象克配
乾坤齊明日月考祥鬼神誕自幼沖叡哲宿照甄化無
形探景絕曜巍巍聖姿文武既俊有覺德徽兆民欣順
將熙景命經營九圍登跡岱宗班瑞舊圻上元匪惠早
零聖暉神廬旣考史臣獻貞龍輶啓殯霄載紫庭辰旒
飛藻凶旗舉銘崇華熠爍翠蓋繁纓千乘結駟萬騎重
營簫鼓振響和鸞流聲動軫闔闔永背承明顯步萬官
幽驅百靈隨化太素即宮杳冥億兆同慕泣血如零
潘岳世祖武皇帝誄曰粵若稽古帝皇誕受休命作我
晉室赫赫文皇配天並日大行龍飛創制改物湛恩汪

漢流澤洋溢上齊七政下綏萬邦四門穆穆五典克從
惟清緝熙於變時雍愛盡事親教加百姓于喪過哀在
祭致敬后蠶冕服躬藉粢盛六代畢奏九功咸詠行敦
醇樸思貫元妙莅政端位臨朝光曜胄子入學辟雍宗
禮國老恂恂貴遊濟濟莫孝匪子莫悌匪弟化自外明
訓法以禮獷彼吳楚稱亂三代世歷五僞年幾百載邊
垂虔劉王化阻闕羽檄星馳鉦鼓日戒帝御羣師奉辭
奮旅腹心庭爭爪牙疑沮天監獨照聖策乃舉朝服濟
江止戈曜武野無交兵役不淹月僭號歸命稽顙晉闕
邪界蠻流傍納百越表閩旌善德音爰發虞人獻箴周

書垂誥酒懼其彞獸戒其冒于我大行縱心所好動不
踰矩性與道奧厭厭酣飲樂不辨顏桓桓振旅田無遊
盤我德如風民應如蘭靡不夙夜無敢晏安務農望歲
時或不稔小心翼翼恤民以甚御坐不怡撤膳賑廩西
流垂精南金抑施永言孝思天經地義問誰贊事英彥
髦士問誰翼侍博物君子潛明神鑒從衆屈已道濟羣
生爲而不恃先天弗違後天降時萬物熙熙懷而慕思
顯顯縉紳不謀同辭巖巖岱宗想望翠旗恭惟大行功
成不居議寢封禪心栖沖虛策告不足太平有餘七十
二君方之蔑如思樂天德等壽嵩華如何寢疾背世登

遐遷幸梓宮孤我邦家龜筮旣襲吉日惟良永指太極
寧神峻陽羣后擗踴長訣輶輅聖靈斯顧豈伊不傷家
無遠邇邦靡小大四海供職同軌畢會茫茫原野亭亭
素蓋縞輅解駕白虎弭旆龍輶即定元闔載扃如天斯
崩如地斯傾哀哀庶寮煢煢自愍彼蒼者天胡寧斯忍
聖君不返我獨旋軫 宋謝靈運武帝誄曰九有同悲
四海等哀矧伊下臣思戀徘徊敢遵前典式述聖徽乃
作誄曰舜潛歷巖高晦泗渚龍德而隱風積乃舉皇之
遜世屯難方阻眷此區寰閔爾淪胥太乙之季權威攜
薄隆安之初主相蒙弱岳牧糾虔朝廷紛錯妖橫乘陳

蛟噴鯨躍旣擾奧區遂斥帝屢亂離斯瘼不後不先寔
賴明哲授手康旃紀度迴薄餘分成閏舊晉中微僞楚
藉釁躡彼潛機整此英陳推亡必朽固存斯振盧循負
險肆慝遐嶺殄我江豫迫我臺省民旣搖蕩國將遷鼎
乘駟歸轅式固皇境弘危濟險弭難釋殆虎騎驚隰舟
師漲海傾穴尋窠窮幽測昧昔去洛汭息肩江沚世更
十君年踰百祀國絕興復家成桑梓荒默莫恤頽國誰
恥夏典載禹九道是行商詔述湯兼攻是并勤彼周流
協此經營仗鉞伐鼓赫赫明明乃救衆師竟執戎昭誨
以三略惠以六韜雲撤周京席卷秦郊復禮前塋雪愧

舊朝旣清西關復旋東道中憩徐豫兼應燕趙業盛曩
代惠侔大造澤及四海功格八表悠悠聲教縣縣川陸
北獻羶裘南貢金竹鬘首冠弁穿胸斂服寒穴欣日巢
栖玩屋匪惟遐譚靈物偕就孰是人事自天所祐甘露
芝草祥雲瑞宿嘉禾連木素鳥皓獸昔之所感謳頌同
音今之所應幽顯一心宋克虞德晉猶唐欽曰總八絃
于茲三齡四維開張九流昭明敦儉務素欽賢愛萌制
規作訓闡校脩經禮樂已甄雲雨未弘將陟井陘薄埽
白登北朔渴望飛旌衡軻東岱靈遲玉牒金騰天地不
仁蒼生寡福已荷一遇棄我何速梁顛木頽甘殞已贖

同軌畢至率土咸哀殊方均服樂樂素縗灑淚成雨響
叶如雷史臣考卜高山開基貞龜無遠遷靈有期嗣皇
擗標羣后崩悲孰云不戚痛百在茲惟徂之夕流火始
變秋月未永飛漏急箭鳴簫哀噉金觴虛奠列駕長隊
發輦華殿華殿既謝長隧是幸雙蓋躊躇六閑引領攀
援容貌眷戀俄頃哀哀百僚長辭含鯁奉教百朝執鞭
王始從履五牧年歷十祀天光下濟謬蒙眷齒愧微刀
筆頗預遊止垂幕侍講接筵餐理脩曙朗夕登臺泛沼
匪月匪日無晏無早如何一旦緬邈穹昊徽容未遠聖
靈超然收淚即路含戚何言風霜蕭瑟山海蒼茫地苦

情矜節速心傷孰是幽哀實戀我皇情思如環萱蘇豈
忘

曾即位冊文唐賈曾元宗即位冊文曰朕以寡昧虔奉
鴻休本殊王季之賢早達延州之節昔者聖曆已讓皇
嗣之尊暨至神龍終辭大弟之授豈惟衣冠所覩抑以
兆庶咸知頃屬國步未夷時艱主幼大業有綴旒之懼
寶位深墜地之憂議迫公卿遂司契象日慎一日以至
於今一紀之勞勤亦至矣萬邦之俗化漸行矣將成夙
願脫屣寰區昔堯之禪舜惟能是與舜以命禹匪私其
親神器之重允歸公授皇太子某有大功於天地定阡

危於社稷溫文既習聖敬日躋委之監撫已移年歲時
政益明庶工惟序朕之知子庶不負時曆數在躬宜陟
元后朕方比跡洪古希風太皇神與化遊思與道合無
爲無事豈不美歟王公百寮宜識朕意 賈至肅宗即

位冊文曰咨爾元子某惟天爲大惟人君則之順乃德
故舜禹揖讓而履皇極嘒乃道故丹朱商均不能保鴻
業是以啓有惠迪而夏嗣焉隋有亂紀而唐受焉五聖
之御極皆以勤儉兢業日慎一日故能享祚長久垂慶
無窮洎予六葉恭位四紀厭於倦勤緬慕汾陽當保靜
怡神思我烈祖元素之道是用命爾元子當位嗣統於

戲爾有忠孝之誠極於君父爾有友愛之義信於兄弟
爾有仁恕之行通於神明爾有戡難之才彰於兆庶予
懋乃懿績嘉乃神武天之曆數在爾躬汝惟推誠禍亂
將冀爾而能清爾惟從諫社稷將冀爾而復寧佞言惟
疵直言惟師任賢勿貳去邪勿疑民非后孰理后非賢
罔與守邦欽哉慎乃有位無忝我祖宗之丕烈矣 德

宗即位冊文

闕撰人
姓名

曰昊天有命皇王受之立嫡以賢

春秋之義傳歸於子漢氏成規宗廟社稷實賴其慶咨
爾皇太子适稟天地之仁合日月之耀道光三善孝著
十倫頃者國步多艱委以戎律理軍靖難保泰定功克

復帝圖廓清妖孽旣表建侯之業俾承守器之重仁孝之德夙夜惟寅朕天命有終弗興弗寤非至公無以主天下非至法無以臨四海是用命汝陟於元后嗣守皇業上繼宗祧下安羣望於戲宜遵太宗之法度肅宗之儉約任賢勿貳去邪勿疑與衆守邦祇敬予訓 文宗

即位冊文

關撰人姓名

曰大行皇帝睿哲英能對天明命方

夏底績夷蠻貢庭罔有不端太康有截宜荷九廟之重永享億年之祿豈虞奸妖竊發矯專神器蠱惑中外扇誘羣朋駭動神人毒深梟獍咨爾江王某聰姿孕粹清明毓和智算機關元謀電發躬率義勇大清兇徒且膺

當璧之符爰攄枕戈之憤旣殲巨害當享豐福是用命爾陟於元后永惟高祖太宗之翦定隋亂元宗之浸漬利澤憲宗之堅除靈孽艱難險阻最乃負荷小心以事上帝儉德以刑家邦懋于令聞持久如始敬之休哉

增尊號冊文唐李嶠上應天神龍皇帝冊文曰爰自厥初肇興司牧皇矣撫極蒸哉察道莫不因時適變改物殊徽推五運而陟崇高步三微而膺曆數天地人皇之立始別洪荒唐虞夏帝之君漸詳文質姬水以椎輪發號烈山以斲耒增名然後仁被德宣功昭業遠歷訪前古茲爲舊式我大唐受乾坤之睠命當寓縣之謳歌奄

有黎蒸遂荒宸象陛下垂統御籙截海披圖承四葉之
休光握三靈之寶契虞舜蒸蒸之德永錫羣方周文翼
翼之心其凝庶績驅齊民於仁壽致雅俗於醇濃六府
咸脩五兵不用航海梯山之客奉贄輸琛畊田鑿井之
夫擊壤鼓腹中外靜謐表裏雍熙而孽子滔天亂臣干
紀謀同觸瑟禍劇弄兵不虞之災忽生於肘腋無象之
鑿獨憤於神祇於時凶豎逼樓聖君憑檻威靈下濟覺
封豕之周惶醜逆上瞻見神龍之傳翼寶仗以億千之
衛天威成丈六之容衆瑞俱臨羣祲大駭盡迷方而失
據咸喪氣而亡精顧盼而斬馘舉屍指揮而冰銷霧廓

雖復草爲兵甲秦師驚蔣帝之神樹作幡幢釋主麾魔
王之衆地軀之變媧后蛟影之隨漢高未足以匹此奇
徵方斯偉應自非冥符幽贊睿感潛通何以承波若之
護持享高明之福助昔者伏牛之主是曰犧皇名鳥之
君仍題鳳紀法身用馬鳴成道上士以龍德爲仙敢託
元符爰咨故實謹上尊號曰應天神龍皇帝鴻猷載肇
昌曆惟新庶以仰順乾心俯從人欲天長地久更隆四
大之尊名玉振金聲恒爲百王之稱首盛矣美矣皇哉
唐哉 李德裕會昌二年上武宗尊號冊文曰巨唐受
命繼體承業理運將至大君以興昊穹所以開至聖也

向者明兩未定帝華不協舍肩傳聖深惟至公先后所以昭天命也亦猶堯發於唐侯文興於代邸神明之祚不其難哉陛下清明溥鬯光耿四海元德真鄰天休大賚日角見表氣志如神爰初定命正心理物如辰居其極而天下無邪矣由是昭德塞違尊賢遠佞禹不自滿成不敢康自閏壺以施王教由家道而刑國風去比周覆名實攬權綱析聖律脩舊典協成質圻嘉壇款太一進正臣以端治表禮故老以求讜言遠無蔽獄近無留令祈元祖而膏雨降祀靈岳而嘉穀登省刑罰而蓬宇清發倉廩而冬蠹螟息去歲龍旂承祀大輅親郊捧玉瓚

而一獻光靈來格振金石而六變魄寶昭臨然猶古訓
是學緝熙於道天文炳煥雲漢其章溫恭敬遜承太任
之教和樂愷悌洽戚藩之心德風偃於羣黎威震重乎
絕域又以敬養不逮於長樂昭配未昇於禰宮每懷嗣
徽蒸蒸而慕所以奉若慈訓對越兩儀因心立志永錫
其教寬底劇之罪興惻隱之仁迴霜收電爲之反汗及
單于慕義景附朔邊耀德戢兵謙臨是受至於備文物
展國容莫不先甲而布甘澤丁辰而廓陰翳斯所謂神
祇之心應矣天人之際交矣於是服冕之士戴鶡之倫
暨藩衛邦伯黃髮鮐背不謀而進曰陛下元默天晬輝

光日新大矣孝熙四極爰臻誠宜玉版溫潤鏤鴻明之
德神寶焜耀薦億萬之年丕天大典不可辭也陛下猶
謙退固拒至於三四羣臣不已乃曰俞哉夫徧覆包含
之謂仁極深研幾之謂聖憲度著明之謂文蠻夷震懼
之謂武感而遂通之謂神無思不服之謂孝臣等謹奉
冊寶上尊號曰仁聖文武至神大孝皇帝伏惟陛下乾
健不息謙尊而光壽乃侔於殷宗德乃厚於成康貽燕
後昆受福無疆 李德裕會昌五年上武宗尊號冊文
曰臣聞昔在周宣玁狁內侵四牡薄伐以定王國焉則
詩人大其功暨於漢宣北夷乖亂呼韓慕義郅支遠遁

則簡策著其美惟此二代稱爲中興伏惟皇帝表應龍
翼位合乾剛神全而正氣凝宇定而天光發智燭千里
動必察微心鏡萬機物來斯應於是五材用四維張建
中和之極舉前聖之綱重樞機脩法制斥背公之黨退
好運之人內嚴體貌增堂陛之峻外絕締交抑輔車之
勢古所謂受命於天惟順獨正也又曰一心定而萬物
服惟陛下得之曩者北夷矜功耗蠹中國倒懸不解百
有餘年旣而龍祠堙滅攜國款塞有狼顧平城之心鯨
吞咸洛之志爰命驍將搃旗列旃兵鏖穹廬火烈荆棘
故名王結髮冠帶入臣堅昆稽首鞮譯來獻而又奸臣

放命一紀陸梁據太行之固下窺洛邑通故絳之道旁
睨近闕肆其遺孽以竊兵柄議者僉曰精甲十萬積穀
十年泉魚不察湯網宜懸陛下雄斷霆聲羣疑冰釋揚
清風以埽雲鼓迅雷以破山任馮異則拔天井而震上
黨仗吳漢則發突騎而傾邯鄲壺關失險山東奪魄屬
有戍邊叛將竊發參墟人心搖蕩異議放肆陛下臨朝
而言曰二寇獲罪於天子所不舍未三旬而定晉陽纔
斯年而滅潞子不以金購豨將多降不勞師克粵首馳
報非至德感物孰能臻於此乎由是台宰百辟藩屏將
帥上言曰成伐東夷而肅慎來賀景翦七國而王室乃

安莫不始於武功終致刑措將以禋上帝薦祖宗宜受
鴻名以答元貺 宋范質上太祖尊號冊文曰惟天爲
大惟堯則之又曰舜有天下無爲而理是以古之言道
德者莫先於二帝一則曰聰明文思一則曰溫恭濬哲
英聲茂實意無欲而自彰景福鴻休心無求而自至巍
巍蕩蕩無得而稱伏惟陛下高明博厚宣慈惠和純粹
之德全孝友之行著惟精惟一知微知章向者龍尚處
於潛淵日未離於暘谷歷試之際志在扶危險阻艱難
何往不濟躍馬蹈高平之陣麾戈佐淮甸之征喋血麀
兵一月三捷勞旋飲至論功莫二洎乎天監厥德用集

大命人祇叶應風雨咸若鼎運初建國步猶梗始則李筠犯順長戟指闕并人連禍寇我北鄙於是有太行之行重進怙亂棄德崇姦幅員千里生民被毒於是有廣陵之役千乘萬騎如霆如雷詢彼仇方震疊區宇翠華宵至堅城旦下連平二孽有同符契累朝已來出師誅暴未有若此之奇速也頃者華風不競中國政微五嶺三江置諸度外殊文異軌六紀于茲肇啓聖謀驅攘寇亂荆湖底定南土晏然燕薊之戎汾晉之孽燕巢幕上朝不謀夕邊事少間理道無壅嚴恭寅畏一日萬機動於已而泰於人儉於躬而豐於物明四目而高視達四

聽而遠聽不侮鰥寡恤天窮也信及豚魚遂物性也惜力念耕耘之苦推食閔介冑之勞法家之流既峻且密乃詔大理重正刑名俾盡哀矜務從寬簡減盜竊之罪緩鹽麩之禁好生之德通於神明若乃昧爽丕顯坐而待旦商湯之戒慎也側身損己長轡遠馭漢文之化導也循名責實信賞必罰建武之法制也果敢決斷從善如流貞觀之風烈也帝王之道於茲備矣太平之業於茲成矣於是祇見清廟致其孝享圓丘展禮對越上元一獻而天帝降祉再獻而神人以和三獻而萬祿攸報祥風拂袂休氣繞壇熙熙怡怡羣心胥悅國家大慶衆

庶共之肆赦覃恩俾民更始與天道合謂之應天天無
不覆謂之廣遠無不至謂之運博施濟衆謂之仁智周
萬物謂之聖化成天下謂之文保大定功謂之武其德
無際謂之至德臣等上尊號曰應天廣運仁聖文武至
德皇帝伏惟垂日月之明監億兆之情凝旒端委昭受
鴻名如山嶽之固如松柏之貞乾健不息品物咸亨承
天之祐萬壽千齡 王珪上仁宗徽號冊文曰孝孫嗣
皇帝臣謹再拜稽首言曰臣伏觀古先哲王莫不大名
發於前而大惠昭於後其法皆本於至公而不可易至
後世臣子又欲盡報上之道以謂君德甚盛其言不足

以包衆美於是有至郊加誅之文夫欲推事存之禮述
追遠之志則奉素享之榮號益新紀之鴻烈謀羣公請
太室洋洋乎際天接地而震顯之不亦當靈心而傳古
誼乎恭惟仁宗皇帝躬清明之資賦神睿之略乾行施
之不息仁性根於自然時乘六飛端御大器知窮八荒
而不見其迹澤及萬彙而不居其功爾乃簡拔峻賢放
遠邪佞宥恕刑獄懷保鰥寡賞不徇所私罰必當於理
興農桑之本務緝禮樂之墜文有憐怛好生之心吏或
誤入重辟必終身見斥有寬裕從諫之度言者屢進狂
直必曲意見容念兵革之傷夷則不殺而服念稼穡之

勤勞則罔寧於勉矧履天下之尊而持之以抑畏饗天
下之富而寶之以儉素加以夙夜齋栗事天之誠盡霜
露怵惕念親之感深方朝廷之久安迺大革因循而聖
政又新爲社稷之重計迺前定禍亂而皇嗣蚤立故四
十二年仁恩川流涵濡薰蒸格於上下日月華風雨均
四時和百穀蕃蟲魚遂性自安川藪之游男女潔誠更
趨耕織之樂固有幽遐荒昧之俗不約而子來奇偉倜
儻之瑞不劫而特見者矣丕赫哉憲度鴻明聲文沛施
自載籍之傳蓋未有休功盛業可加於茲也 元王構
上太祖徽號冊文曰伏以恢皇綱廓帝絃建萬世無疆

之業鋪宏休揚偉績遵累朝已定之規式當繼統之元
盍有稱天之誅孝弗忘於率履制庸謹於加崇欽惟太
祖淵量聖姿睿謀雄斷沛仁恩而濟屯厄振羈策以馭
豪英惟解衣推食於初年見君國子民之大略元符顓
握諸部悉平黃鉞載麾百城隨下裔土兼收於夏孽餘
波克殄於金源蕩蕩乎無能名迹遠追於湯武灝灝爾
其爲訓道允協於唐虞根深峻嶽而維者四焉囊括殊
封而統之一也肆予小子承此丕基兩祗見於太宮恒
僖臨於端扆祚垂鴻兮錫裕尚期昭報之申牒鏤玉以
增輝敢緩彌文之舉 姚燧上仁宗尊號冊文曰昔我

世祖既平炎趙質之於書幅員廣長振古無倫覆燾之
下八紘萬國莫敢不庭何獨一王西北岸然憑道阻脩
方命正朔德綏之而不摯威董之而不讐夫豈不能聲
罪致罰深入其地終以聖人親其宗親包荒有年成宗
繼序久憤驚頑天鑒昭明於裕皇孫獨異陛下授以太
祖皇帝信寶撫軍漠北時未及冠承命即行其視萬里
莽闕寒冽之鄉不遠不難如堂適庭至則獎厲諸軍脩
明法志簡拔果毅均苦分勞解衣燠寒推食飫饑洗洗
沆沆士氣日作睿算伐謀待寇歲至奪人以先身踐戎
行霆馳電擊大北其羣虛已不矜日慎一日始終十年

不狃屢勝狂狡不懲悉銳來加當以選鋒用間出奇盡
襲輜重彷彿無歸度不能軍耄倪纍纍降口百萬致茲
救寧平四十年未靖之梗成兩祖宗未究之志天下之
人聞其風聲思覩天光者顛顛翹翹九圍一心握是乾
符歸正宸極弛武事之夙習洽新化以文治立愛自親
曾未旬浹上尊太后問安以時下建儲宮庶政是先又
舉列聖未遑之典欽崇元祀玉瓚黃流薦裸太室還蹕
龍興徘徊太祖龍旂九旂劄金于斯肇基帝業爲城中
都又以孔子垂範百王將二千年而顯謚未稱加大成
於至聖文宣王上立勞於軍與凡庭臣悉大賚之間歲

不登既賑既恤虞施未博民惟罪罟再肆大宥至德難
名赫赫巍巍惟天爲大挂一漏萬井觀如斯求可盡臣
下歸美報上者惟是徽稱謹上尊號曰統天繼聖欽文
英武大章孝皇帝立心天地立極生民茂對鴻名于億
萬年

淵鑑類函卷四十二

淵鑑類函卷四十三

帝王部四 帝王總裁

帝王總裁七

哀冊文
碑

謚冊文

原哀策魏文帝爲武帝策文曰痛神曜之幽潛哀鼎俎之虛置舒皇德而詠思遂膈臆以莅事矧乃小子夙遭不造嘽嘽在疚嗚呼皇考產我曷晚棄我曷早羣臣予輔奪我哀願猥抑奔墓俯就權變卜葬旣從大隧旣通漫漫長夜窈窈元宮有晦無明曷有所窮鹵簿旣整三官駢羅前驅建旗方相執戈棄此宮庭陟彼山阿 晉張華武帝哀策文曰感大饗之無虧哀罇俎之虛設叩

龍輻以長叫痛靈暉之潛逝其辭曰欽惟皇考體道之
真德侔乾坤齊曜三辰應期登禪協于天人上虔郊祀
下惠兆民憲章唐虞允得其津搜揚側陋故老是賓百
揆時序盛業日新恩從雲翔威猶霆震江海靜波岷岳
無塵四夸率服莫不來臣肅慎奉貢越裳効珍化此弊
俗歸之至淳昔在上聖咸享百年哀哀皇考用不是臻
遘厲彌侵景命殞顛舍此昭晰即彼幽元仰瞻靡怙廓
若無天終制尚儉率由典度華幕弗陳器必陶素不封
不樹所在惟固貽法來世是則是慕大隧旣啓吉日將
征鐘鼓雷震白虎抗旌龍螭驤首良駟悲鳴倡者振鐸

輓夫齊聲背此崇殿將適下庭元宮窈窕修夜冥冥光
燈永戢幽闈長扃仰訴皇穹零淚屏營云誰能忍寄之
我情結心墳隴永憑聖靈 又郭璞元帝哀策文曰永
惟殿宇之廓寂悲彛奠之莫歆感鸞輅之晏駕哀袞裘
之委衿痛聖躬之遐往長淪景於太陰乃作策曰王之
不極百六作艱鴟集瓊林鯨躍神淵懷愍失據海覆岳
顛蠢蠢六合罔不倒懸靈慶有底見龍在田誰其極哉
我后先天大人承運重明繼作撫征淮海駿命再廓仁
風旁靡神化潛鑠處沖思挹居簡行約聖敬日邁元心
逾漠用物與能總攬羣略林無滯才山無遺錯思靡不

懷化靡不被茫茫海域款塞慕義萬里同塵罔匪王隸
熙熙遺黎莫知其寄括終宇宙混同天地曰功永年曰
德慶隆奈何氛厲奄集聖躬大業未恢皇齡未中天慙
其景崑顏其崇煢煢小子藐藐孤沖靡天何戴靡地何
憑恍惚極慕若存若終蔑焉無聞廓焉長寂聆音靡晞
瞻顏失覲窮號曷訴叩心誰告何悲之哀何痛之酷嗚
呼我皇逢天之戚嗚呼哀哉眇然升遐即安元室煌煌
火龍赫赫朱鞞終焉永潛曷其有出明訓長絕小子何
述望阜增歔臨崩慟慄哀兼陟方痛過過密靈爽安之
反真復質永合元漠終始得一

又關撰人成帝哀策

姓名

文曰宸極寥廓聖靈遐之哀備物之虛在痛永往之無
期乃命史官述德寄辭其辭曰五德代興素靈啓曜離
光疊耀三辰重照明明我皇含貞挺妙元秀夙達履德
罔違鳳棲遐邈神宇凝夸文明外潤仁簡內綏舉無遺
中鑒無幽微運隆汾陽道侔垂拱靜恭清穆冥功日用
躋躋神軌固天攸縱爰在陽九皇綱中替姦豎肆逆牢
羅失衛升降艱難協應神契靈祚旣保顯揚天命雰霧
朝晞兩儀開鏡訓諮阿衡虛已納正九功潛流七德將
表方振宏羅稜威電埽芟蕩神衢一我王道昊天不弔
降茲大悔天傾其儀地覆其載大業未究神爽遷背哀

貫三靈痛流萬代爰初不豫大漸在躬啓手歸全神氣
夸冲凝哉達識體正履終袞龍旣襲玉容斯幽登醪虛
設觴爵靡酬墳牘莫啓聖跡誰修冥冥我皇神焉何遊
撫膺遐叫迸涕交流三筮告期將歸陵墟陸殞羽翼庭
納龍輿玉輪動運錫鸞鳴衢錫旆徘徊六驥踟躕輕雲
蔭軌流風翼車哀哀同軌唯唯唯輓夫長號永慕泣涕連
洳大塊獨運終歸其始我后永往寧神千祀悠悠上天
煢煢惟已眇然靡憑廓焉無恃目範令儀徽音在耳

又

闕撰人姓名

康帝哀策文曰感廣廈之空寂悲俎奠之虛

陳痛皇神之邈遠哀靈景之長泯仰瞻宸極俯憑鸞軒

五情摧裂號慟煩寃遂命國史述德銘勲事以言顯功
以名存其辭曰招拒降靈篤生我皇岐嶷妙哲幼有珪
璋含貞發曜蘭風載芳厥初肇建宗國是肩祇承師友
執心淑慎徽猷愷悌金質玉潤固天所啓應茲靈運入
繼皇祚龍騰鳳迅因假任物惟精委順穆穆我皇風流
凝廣聰鑒遐照思心內朗應變無方從善如響矩儀可
慮法物可象覆燾羣生靡物不養如何一旦神遊靈爽
仰攀擗踴觸物感想卜吉有期將即元冥太常旣建千
乘列庭皓皓輿服翩翩素旌笳簫寥唳輓夫齊聲六驥
躊躇蕭蕭悲鳴是用增哀雨泣沾纓痛貫五內哀切三

情道隆名貴德享彌光灼灼皇猷終焉允臧垂美兆祀

芳風休揚

又關撰人姓名

穆帝哀策文曰欽明文思允恭

克讓忽若布衣忘其矜尚體有示無德充神王冕旒兩
楹委政元輔內倚公旦外仗尚父郁哉惟文赫斯惟武
西廓岷河北清伊渚園陵聿修舊京式敘方振長彗風
掃天宇休牛歸馬卷旗臥鼓俾我烝民擊壤容與昊天
不弔奄背率土哀同遏密痛方割鉅日月不居神道之
幽三辰吉良五謀同休祖載華庭晏駕崇丘俯執饋奠
仰攀龍輶岌岌黼黻飄飄素旂感想平昔人懷崩抽號
聲如震洒涕成流

又

關撰人姓名

簡文帝哀策文曰同軌

畢至內外成列素旗宿懸輜輶首轍執祖行於前殿奉
靈輿而遷逝悲神宇之長違痛聖儀之幽翳攀龍輶以
號慕撫素膺以泣血爰命史臣敘述聖德揚徽音於飛
旌寫哀心於翰墨乃作策曰淳曜發暉皇曆攸膺聖祖
啓運哲王遐承丞哉元后光我中興天基徙構朝陽再
升皇矣聖考合一履中道心元元文明內融湛湛神儀
穆穆靈風望之凝秀即之深沖爰在初齡至性自然水
鏡一世室堂重元惛惛素庭翳若丘園遂阿王室婉跡
經綸時有汙隆道無屈伸如彼平流泯矣其津大過之
時皇德不競天人革心謳謌徙詠時惟伊霍輔運以政

欽若昊天祇此明命龍飛九五饗茲萬國居宗舉契允
恭元默綢繆哲輔虛已仗德大明方曜離暉翳朗元化
誰陶蒼生曷仰四運忽其遙邁日月飄以飛沈將寧神
於元宇遷玉輅於中林背華殿之昭晰即幽隧之重深
奉神櫬以永訣邈終天而莫尋神恍惚其若寄泣橫墜
以流襟 又王珣孝武帝哀策文曰同軌畢至百司胥
亞法物夕陳輻輳夙駕親執饋奠長號永夜懼鼓刻之
遄盡哀良辰之莫借悲宮宇之寥廓痛聖儀之幽化夫
至德無名固理絕稱謂然祝史陳辭亦臣子所貴寄窮
情於翰墨庶遺塵之髣髴辭曰惟皇作極五德迭運康

實復夏武亦隆晉疊疊太宗希夸其韻鏡之者元撫之
者順於穆皇考嗣徽絕軌前聖後哲契合一揆心去其
伐行遺其美廢華任誠捨筌存旨惟深通志羣方咸秩
惟幾成務能事斯畢未若我皇至則不疾恢恢天網疎
而莫失居有以虛宰多以少簡則可從易則不擾信及
豚魚澤被億兆湛然司契坐一八表園陵旣衛威靈赫
赫子來旣構寢廟奕奕武曰止戈戎不及役文教聿脩
有恥且格跡有遠邇感無高深道之所被改色革音皓
獸馴苑素羽棲林殊柯連理異蒂同根方融元液陶鑄
斯民雲韶候奏比屋思淳積祐莫應天罰奄臻太山頽

構洪瀆竭津何殃之甚何酷之殷自罹閔凶二氣代變
霜繁廣除風迴高殿帷幙空張肴俎虛薦極聽無聞詳
視罔見人神道殊吉凶有禮龜筮參謀挺隧告啓史臣
考古警者在陞攀援忪忪惟兄及弟龍輿肅以引邁前
驪紛以抗旒城闕儼以整列馳道亘以通修感平昔之
所幸豈斯路之復由輓哀唱以翼衡駟悲鳴而顧翰違
華宇之晰晰即永夜之悠悠奉靈襯而長訣緬終天而
莫收訴穹蒼以叫踊洞五內其若抽儻性命之可贖甘
人百於山丘茫茫大運靡始不終哲王遺世貴在道融
昭哉我皇萬代流風良史式述德音永隆 宋謝莊孝

武帝哀策文曰應門洞望馳道南除敢塗已撤鬱壘將
虛哀子嗣皇帝擗標池綽周遑旌軫攀七緯之崩淪慟
三靈之徂盡百神慕而行雲沈萬國哀而素霜貫衣冠
緬邈弓劒不追敢緝謳頌騁駉希夸其辭曰樞電皇根
月瑤國緒肩裔丹陵蟬聯華渚二后在天大行纂武克
睿克聖重規襲矩昭昭金式明明玉温望雲其遠就日
其尊雨零露湛冬暖春暄聲芳納麓道昭賓門上德無
稱至功不器怵悵四始優游六位綴響蘭深緝言瓊秘
悠哉梁踐眇焉汾肆敬業開寓離經作翰鴻起荆河鸞
遊楚漢泗濱霑明江區承奐陝左清郊棠陰虛館地維

不紐乾剛弛機義庭薄蝕紫路流飛泣血泝涖顧瞻川
沂孝貫樞極義震寰圉誓鉞皇郊詔師牧甸七景締華
五雲卷煽雪怨園邑埽恥瀛縣啓聖宸蓋集寶龍見王
室多故國步方蹇淮濟裂冠江荆毀冕東楚亂常西華
汨典動算揮圖爰戡爰翦浹宙斯澄縣區咸鏡脩風曉
逸德星夕映溽露飛甘舒雲結慶禎彼動植信泊翔泳
缺禮克宣墜章必構方堂饗極圓流肆胄南聳郊宮北
清靈囿瑤軒春藉翠華冬狩經緯窮文克定盡武鄙上
呈祥介丘載佇在盈念冗成功弗處榮鏡中世鳥奕前
古睿業初遠鴻化方亭丹雲承日素景騰星玉几去襲

綴衣在庭辭重陽之昭昭降大夜之冥冥氣貿炎涼史
詔龜筮文物空嚴鑿和虛衛動蜃輅之逶迤顧璧羽之
容裔出國門分天地向幽途異身世龍旌鬱而青槐遠
驚葭亂而白楊翳觀初霜之變條聽秋風之下蒂橋山
緝雲穀林虧日輦道結寒松庭盡密芝蓋迫軫上驤眷
轡萬寓肅其北較靈阿閔其深隘南維有時傾離光不
長鏡騰英聲於茂實方流華於舞詠 齊王儉高帝哀
策文曰降階執禮泣血纏心感客臺之罷御哀恭館之
不臨仰神儀而邈絕視區物而悽陰俾茲良史敬脩舊
則敢圖鴻規式揚至德其辭曰靈源遙裔肇惟商丘聖

躬寧夏賢識歸周我皇踵武超冠前猷英風允迪德音
孔脩月准敷仁日精表孝則地均和體天合照外弘三
至內隆七教水祀將傾乾維晦象韋弁長襲鼓磬屬響
聲化已淪政刑遂往國圖靡緝民規載爽康世以德揆
亂資武威以雷霆潤以風雨六術允昭四義克舉自東
徂北遐方即敘功被河濟化隆江漢帝謨仰式王維佇
幹改步藩屏來登翼贊綢繆總章因循陽館昔在保衡
君違斯正爰茲博陸亦鑒靈命放昏以忠登明資敬義
煥金石功昭舞詠蠢爾荆漢悖亂人經謀連樞禁兵接
神垌禦奸以德禦宄以刑獻捷宗寢飲至王庭政教雲

行徽猷天造山鑑紫璇苑茂朱草玉檢騰暉金繩薦寶
天鏡旣穆地維旣肅遐邇壹體表裏禔福乃眷斯民味
旦杼軸興文偃武纘禹舊服所尚惟簡所保惟賢居尊
彌約無善不延膠序載緝風軌克宣上洞清儀下達元
泉聽覽閑日應物餘景怡慮以文棲心以靜鴻章晨映
徽言夕永迹庇區服情深箕穎萬寓餐和百神受職梁
甫欣儀云亭望式輔德伊何奄捐民極嵩岳長傾宸暉
斯旻機照惟寂達鑒靡傷慎終敬始知微知彰立言垂
範玉潤金相瞻仰遺式哀結流霜旋玉軼之皦鏡動雲
旗之逶迤振哀笳於八極響清蹕於咸池顧應掖而稍

遠視機衡而長離風遲遲而懷暮日慙慙其若垂感衣
冠於喬岳追弓劔之在斯悼丁年之薄祐訴窮心於兩
儀 梁沈約齊明帝哀策文曰龍鼓旣撤備物已陳殯
宮無夜夕燎終晨號環輶幄攀標應路容衛弗改軒檻
如故望東川而不追仰昊天而自訴列聖同軌謚法樹
聲爰詔掌牘式播遺英其辭曰五曜在天遞作民主赫
矣帝高蒸哉嗣武多難固業殷憂啓聖時惟我皇功符
受命爰始濡足坐運機深鵬逝風舉龍動雲陰之郢南
泝即豫西臨體茲大德懷此小心賓於四門四門穆穆
納於百揆百揆肅肅德浸董荼仁被比屋何遠何邇無

思不服嗣君喪道不式典謨神器業業事等瞻烏民懷
與主后來其蘇皇天眷命授以籙圖臨朝凝睟昧且不
顯斟酌前王擇其令典不言斯應不行斯踐露臺靡營
離宮弗宴眷言膠塾弘啓上庠軌儀四代祖述三王德
暉內動英華外揚禮行罇俎義及幽荒仰庶天德降年
永久北極齊光南山獻壽滄溟奄竭嵩岱皆朽沴非昊
穹惟余之咎攀龍詎幾大隧元元厭世崇陞即宮下泉
殞階已遽素慕高褰端闈洞啓蜃紉徐前背朱闕以南
轉乘翠籠而東度經原野之荒涼屬西成之云暮伐金
鼓以清道揚悲笳而啓路極厚地而不追終蒼天而永

慕蒼梧晦遠春徽不泯紀事寂寞龜書可循哲王違世
克播遺塵猗歟萬古暉光日新北齊邢子才文宣帝
哀策文曰皇路啓扉輔弼弛殯八校案部六卿且引攀
蜃輅而雨泣仰穹蒼而撫心悲風發而馳駭愁雲興而
景沈哲王垂範有訓有則式奉話言光敷令德其辭曰
四象更運九天代名通三以王得一爲貞是應元德實
啓蒼精風后之陳師尚之兵三奇六合七變五成授戈
推轂稟律襲行野無完陳邑少堅城經營四海劬勞百
姓芝蓋夕臨羽旄晨映地不掩瑞天不愛寶旣丹其雀
又朱其草莫黑已素莫赤自皓百獸斯蹈五靈載擾甘

露瀼瀼青龍矯矯武功已暢文教未窮方偃烽埃銷戟
藏弓齊光日月比祚華嵩而氛祲日下星闇虛中奄捐
朝市長棄華戎道宣末命義闡餘風六絳已散九旗方
卷見容衛之虛歸知平生之日遠同乘雲而永逝異騎
龍之更反清笳奏兮野風急金鼓震兮日光晚千官悲
而雨注萬國哀而露泣萬事同盡百慮俱收劔舄永去
衣冠自遊音儀已謝神教空留知英聲與至德當無絕
兮千秋 陳沈炯武帝哀策文曰望三靈而標目踏九
地而崩心哭仍几之將撤慟祖營之虛斟黃屋侵而白
日掩紫極涵而浮雲陰其辭曰悠悠媯水鬱鬱姚墟惟

帝之系在唐作虞正卿之後握此靈符彫雲布族祥星
結樞負茲大鏡未拾遺珠爰初發跡斬蛇鞠旅大定番
禹載戡海渚承釁而運席卷中流王室如燬乃合諸侯
負鐵誓衆釋位同謀俱登涿鹿實斷蚩尤道濟一匡功
歸四履爰總百官訓於天子儻來有運事非獲已翠龜
負字赤雀銜書謳謌適夏禮樂遷虞負扆正位升壇受
圖二儀協序五緯同符門歌麟趾室詠騶虞奉常定日
太卜蠲時升中備物方告雍熙天甘玉露地秀金芝休
禎未答靈貺徒欺吏求穆卜詔絕良鑒義躔失御天街
褫蹕夏采升榮宮車晏出洞閨移凶克庭罷吉閑窅窅

之窮燈去昭昭之遊日歸大暮之不暘降幽宮而長畢
巫咸筮告容成戒期文衛如在葆鐸相悲去畢陌而東
顧望橋山而路遲臣攀龍而尚在魂過沛而何之侍低
昂之靈燾奉寂寂之空帷銅雀沒於脩松平陵隱於深
柏節鼓鼓之哀音燎燿火於通夕薤露落而暮日寒元
霜凝而壟草白銘功德於旂常被徽音於鍾石迴天儀
於清廟禘祖考而來格播茂實與英聲鬱氛氲於宗祏
徐陵文帝哀策文曰容車曉駕幄殿晨張旌帷具列
綉翻成行擗蜃輅於丹陛攀龍帷於紫庭趨過窮於屏
闈拜慟感於明靈東京飛其瑞露北陸實其祥星乃詔

雲臺之史稽採咸池之曲叶大雅於鳴金同藏書於羣
玉其辭曰若水傳帝薰風御民重光所集世載於陳赫
矣高祖悠哉上旻蟬聯寶胄暉煥郊裡我皇誕聖膺此
家慶道主衢罇神凝懸鏡洛書天表河紀靈命納揆馳
芳賓門流詠稽陰克伐震野勤王毫道增構幽風會昌
言瞻少昊實仗高陽駕彼軫轡清宮未央歡覃兆庶德
洎遐荒穆齊高寢上膳長樂肅肅承顏哀哀薦酌悼園
恭儉章陵謙約大寶崇名無聞改作纂武升歷遺愛實
繁三湘九派沴氣雲昏力折天柱才傾地門甘泉夜照
細柳朝屯谷魅山鬼橫流塞源赫赫英謨赳赳雄斷遍

行天討無遺神算鬱埽江淮長驅巴漢九夸百越雷隨
風渙北俘昆耶西戡伊軫荷負皇極劬勞庶機勤民聽
政盱食宵衣服貴絺皁風移闡闡唐山罷奏濮水韜徽
訪採狂狷搜馭仄微世感中孚民維大畜外戶無閉高
垣奚築降情儒雅凝懷庠塾御廡爲歡臨雍彌肅禮兼
三代樂備九成天資武德地照文明墨履斯在幪巾自
清連珠合璧曜爽流精獸舞時豫禽歌頌平帝載維遠
王靈維大候雨占風荒中海外憬彼鞮譯咸承冠帶是
曰君臨斯爲交泰白環已賁元珪克禎東河佇揖北狄
思征鉞斧將戒璵珣未鳴星淫去楚日沴悲荆億兆何

覺穹昊遽傾大禹胼胝重華腠腊仰惟勞務同斯違懌
發夢無徵照祈奚益聽茂陵之鐘鼓抱橋陽之劒舄詎
鬚歸於宸儀終纏綿於號辯三占以吉四海同奔列賄
天宇崩號帝闈千門啓於閭闔萬乘警於靈輶槐風悲
於輦道松雨思於郊原鑿旂動而虛蹕宿衛靜而空尊
畢陌平夸流山蟠固紀無遷市唐有通樹經白社之脩
塗迴青門之廣路思沛邑以東臨懷周京以西顧機神
不測性道難稱充窮靡寄孺慕奚憑惟封云之與禪肅
遺玉牒之與金繩揚英聲而永久共日月而俱升江
總宣帝哀策文曰望蜃綉而攀標拜龍敢而慟絕變五

統而淒涼迴三辰而慘切感川岳而地維傾號穹蒼而
天柱折千秋茂德萬世鴻名爰詔掌禮式序英聲其辭
曰媯水樞宿姚墟大虹謳歌承曆揖讓受終重規帝緒
踵武王風名山紀跡清廟傳功我后丕承思弘祖業莅
政恭已臨朝凝默煥爛九功葳蕤七德憲章昭著威靈
右軒冕朝端祈膺當璧繇顯大橫延喜授玉告善飛旌
神器有奉性道無名詩頌唐年樂舞姬日仁聲汪濊武
義洋溢理訟總街凝情衢室巡望如禮幽祇咸秩疆垂
叛援關徼虔劉治兵丹浦獲醜青丘屠釣且拔管庫方

搜如龍駕鼓獻雉焚裘天必呈祥地寧愛寶神禽奇獸
嘉穀靈草屈軼抽階飛黃伏阜綺雲舒慶珠星照老廣
敷丘索弘啓膠庠書林吐馥文囿含鏘南洽侯衛北暢
遐荒殷羅自解周圉無傷金英掩色玉牀弗豫天駟摧
鑣王良失御鑄鼎奚益綴衣何處漫漫幽夜冥冥上仙
長違拜日失意祈年寧神卜兆晏駕迴天銅麟感泣銀
海埋田出德陽之廣殿動繁笳之哀疇渡洛水之浮橋
望偃師之近縣背紫陌而未遠隱黃山而不見鐸啓挽
而依依馬嘶風而戀戀平原欲晦落照將垂鳳蓋飄而
水暗鸞蹕聳而山危曳蛇旗之舒卷間翠野之參差鳥

哀哀而驚曙松瑟瑟而吟枝異故鄉之絲竹非舊宅之
塤箎埽秋葉而無盡薦春櫻而願知北邙已謝西陵何
有遠宿蒼梧便乖仁壽聲合韶濩道宣戶牖共瀛海而
恒流並嵩華而莫朽

增

唐虞世南高祖哀策文曰遠

覽載籍逖聽皇王立德可久應運斯昌天基崇峻帝系
悠長虹耀降祉真氣呈祥蔥珩朱紱熊軾龍章契叶禎
符誕生叡聖彤雲晝聚黃星夕映舒卷潛躍幾深道性
地載天臨日暉川鏡歷試藩岳風移俗正火德云謝羣
龍戰野蚩尤曜旗王良策馬拔山噎日滔天泯夏蕩析
黎元沾危宗社提劔創業仗鉞專征風驅雲動海運天

行伐謀上略制勝神兵尊王踐土復帝夸庚職惟上相
任隆羣辟六階已平四門咸闢殊物顯命彝章典冊錫
重介珪禮優乘石煙雲改色鏞篳變音觀圖受命負宸
君臨仁霑動植化感飛沈殷輅周冕禹迹堯心削觚返
樸抵璧藏金商俗未改遺氛阻亂沙塞虜劉伊瀍叛換
應變雷動乘機電斷十角雲消三川冰泮漸以文教致
諸王道制禮和樂尊儒養老翠鳳栖桐丹魚在藻水浮
元貝階榮朱草威加海外澤被區中要荒合軌鞮譯遐
通沒羽沈浪飛輪駕風眷言釋負有懷高謝脩爾櫟陽
杳同姑射趨詩禮以承天稟義方以成化聿膺景福方

期大年玉几奄及金騰遂騫絕五日之晨省遽千齡而
上仙攀帷扈以孺慕抱劒舄以纏綿曰聖與仁誰前誰
後炎昊無金石之固勲華異松喬之壽孰歷世而長存
惟令名之不朽矧元功與至德冠列辟而爲首俾軼五
而登三與造化而長久 褚遂良太宗哀策文曰三微
固祉五耀垂文光昭司牧對越唐勲族著元牡家傳縉
雲高祖配天一人有慶大行神武維幾作聖良畫自得
高文成性夙表餘雄先懷友敬蒼兕爰發朱旗首令寰
瀛昏墊關洛荒蕪妖傾地軸盜弄乾樞戎衣光啓霸政
宏謨天兵電埽月陣風驅蚩尤遞翦狹窳咸誅閏位不

虔餘氛興戾先收秦組次焚商袂轉圓上略容光下濟
徙邑垂仁賓門洒惠脩風順軌凝圖奉睿青戾同規元
珠叶契發揮三五聲明遐裔泛野休兵靈臺偃革升巖
藏銑遵河奉璧學肆徐輪丘園散帛就日攸宜如天在
斯刑哀動植化美塤箎樂華曾舉禮葉旁垂沙塲罄剪
斗極咸羈狼山入圉潮海歸池東旌若木西旆條支龍
鄉委質烏衣來儀大矣乘時悠哉利見文龜浮沼應龍
在淀滴露飛甘卿雲呈絢松萑望幸瑤華方薦仙舟劒
術星飛告變凝沴氣於升年掩璿暉於離殿崇基永煥
置業方昭遺風餘烈天長地遙想神襟而騰茂縱史筆

而揚翹籠嘉聲於日月終有裕於唐堯 又高宗哀策
文曰月瑤誕慶靈丘降祥仙源漢遠聖緒天長繞樞飛
電麗室騰光鳥庭開象龍德含章六藝生知四聰神授
晦迹登序韜光齒胄綴玉詞條緝瓊文囿發揮綠錯牢
籠紫宙鑑符敦敏量本疏通賓門表譽納麓彰功始潛
朱邸或躍青宮夏俞欽德周誦傾風粵自銅闈虔膺寶
命惠霑動植信泊翔泳淳化有敷至仁無競教溢璇寓
道光金鏡五龍開運六羽昇平西雲應呂南風散絃晷
符羲日蔭廣堯天賁園旌士焚林盡賢濬明上格財成
下濟問寢承親在原申悌戒盈茅宇蠲奢土砌衢室裡

洪金英卷之三
宗雲門饗帝以聖承聖資明嗣明禮崇殷夏樂盛咸英
時和俗泰天平地成永同文軌長垂頌聲德動乾符威
清地紀澄氛穰穴埽沴濛汜推轂六師坐知千里亭毒
寰縣瑩鏡圖史霜戟林聳月旗雲亘疊鼓簫關鳴笳松
磴追涼水殿避暑山楹霞翻浪井樹響層城務簡通三
神凝得一元池肆賞青丘佇逸訪道順風養真乘日拜
牧襄野尊師石室無事無爲爰遊爰豫骨域延想汾川
滌慮儀鳳巢阿飛麟在馭火林歸朔燭鄉移曙所冀元
壽齊年紫皇遽脫屣於宸極奄乘雲於帝鄉亘天維而
落構匝日寓而沈光恭惟聖烈實鏤微衷敬因彤管載

撰元功業彌遙而道彌著時益遠而聲益隆播二儀而
不極橫四海而焉窮 徐彥伯中宗哀策文曰少典之
子重華之孫珠聯寶系海浸昌源鳳鳥鳴國蛟龍守門
於鑠皇朕赫應成命青靄南浮彤雲北映埽刷中寓光
亨累聖欽若應天纘戎前慶身佩星斗掌提曦鏡克明
克類允武允文就之如日望之如雲聲中律呂辭含典
墳道懋登庸榮膺繼體位擁青陸業移朱邸春誦夏弦
冬詩秋禮鵬舉提象鸞飛鑿乾蘿圖已御芝璽仍傳拱
默當宁賡歌撫絃堯親更睦媯德逾羶萬寶阜成四門
光闔宵衣若厲道風猶尺野接翹車殿橫儒席潤洽泉

魚恩周卉毳鞮譯駑輪要荒走幣削觚反樸寬刑薄稅
俗富京坻人忘疵癘元精備典洪範盈疇將竦華蓋遙
封岱丘厭紫宙之阨僻追白雲之豫遊時若慕於喪妣
道空在於委裘 王縉明皇哀策文曰天厭隋亂中原
無主人歸唐德上帝是輔以聖易暴興文繼武義冠殷
湯威包漢祖仰膺歷數光宅區寓惟皇得一承乾嗣五
赫哉厥初萬物斯覩景龍之際乾儀反坤不利王室將
開禍門呂危劉氏趙啄皇孫我獨仗劔神武斯賁上排
闔闔俯埽軒轅不驚宗廟大造黎元爲而不有禮備尊
尊乃奉睿宗爰受寶命問安視膳純孝至敬維城之年

佐潞之政一著獻兆百靈翼聖躍馬絕流水不敢競潛
龍變海池亦呈慶有開必先興王之盛誥曰皇帝余倦
於勤往纘丕績以順兆人辭之不可其命維新體乾之
大法土之均臨之以日生之以春九族既睦四門既賓
天通之聖電斷之神求賢箕箒就列縉紳讜言是聽庶
政必親刑措兵弭威加德馴琛賫爭入來自無垠駕鼓
斥駿焚裘棄珍風雨時若京坻相因師於上古思與還
淳然後制禮節焉作樂和焉東祠后土南郊上元齋祭
陵廟位號山川教戰講武祈農籍田冕旒問俗旌旗幸
邊文物蔽地英聲動天鳳巢麟擾甘露醴泉九尾三脊

朱草飛煙繽紛効祉每歲且千道德洋溢乾坤交泰成
功如何登封於岱才藝餘美帝王之最樂究天人乙夜
慙對文齊日月秋風靡逮推曆正元調律平害札動雲
落弦開葉碎揮琴陋虞敎歌輕沛良辰可賞聽政方退
鐘鼓屢陳君臣高會巍巍蕩蕩四十餘載巡省順動西
南輿區命子出震繼明握圖長驅猛士累翦封狐不失
舊物言旋上都離宮就養壽酒多娛習道久矣神仙遠
乎 裴士淹肅宗哀策文曰高丘演慶元牝開祥寶曆
攸重靈源自長文昭武穆累聖重光七葉增睿時惟我
皇伊昔休應虹流電驚猗蘭養德叢桂疏榮光含玉理

秀發珠衡辨日多
悟朝雲更輕尊師樂業問寢揚名三
善克舉萬邦以貞叶契斷金觀書羣玉性與兼愛道存
濡足詢事考言登庸受錄運符提象輝同偶燭景星耀
芒大風成曲戎羯緣間書稱猾夏轉旆秦川連兵朔野
順時徙邑聿來岐下用翦脩蛇匪勤戎馬輯寧黎庶保
乂宗社赫矣天府於皇樂都瑤壇饗帝璧沼崇儒進善
求瘼明刑恤辜丹巖藏銑綠浦捐珠功宣祀夏道洽歌
虞物莫疵癘人用昭蘇樂陽先惠棣華增睦冠帶麟洲
賓延烏服招諫懸鼓誓師推轂禮備樂和遠安邇肅恩
猶覆燾義涵亭毒露臺愛費茅宇蠲奢北薦春寶南收

若華卿雲聳蓋滴露垂葩畝秀同穎階榮指邪滌慮高
居凝神下濟遠探仙訣深入真諦穆穆頌聲温温愷悌
榮鍾三古牢籠八裔 令狐楚憲宗哀策文曰配天惟
唐伊祁同光應道爲帝元元之系聖人有作孝子善繼
顯赫十朝總齊四裔執其大象司彼左契武烈誕敷文
明下濟出潛離隱或躍未融親則磐石封殊翦桐承桃
黃屋主啗青宮禮樂盡在謳謌薦至軒皇倦勤傳付神
器太母侍養親臨寶位怡聲下色先意承志家令敢言
天子屏貴明明出震業業承乾其仁如山其智如泉理
析堅白學探幽潛揮毫霧動挾藻霞鮮所持者儉所寶

者賢刑靡不省賞無不延冕旒迎日珪璧祈年涕謁宗
廟臣朝昊天天縱神聖日躋孝敬鴻名再加寶曆一定
窮人屢賑名士交聘獸愛觸邪草憐指佞梯航修貢鱗
羽遂性河色呈符山聲告慶編書辨謗創殿思政甘節
必稱苦言終聽稜威之遠德政之盛霜雪憲章雷風號
令夏臺齒劒上黨納弔趙際宅心鄴中聽命誰能去兵
王者有征玉壘霧廓金陵鏡清狐鳴上蔡蟻聚東平伏
鑽就戮迴戈受烹始以止殺歸於好生恢恢不失蕩蕩
難名信及隱微道存溥博走馬斯郤昆蟲咸若調其玉
燭徇以木鐸混同車書遠頒正朔範金合土大興太學

清蹕鳴鑾將登高嶽四維旣張五刃已藏蠻夸戎羌敢
不來王天下清淨朝廷樂康會冠劔以高宴戲魚龍於
廣場有嚴有翼無怠無荒俗皆臻於壽域人自謂於羲
皇日出入兮安窮極雲飛揚兮無處所瑞方瞻乎鳳來
災忽聞於鶴語謂百年之可卜嗟九齡之不與當凝旒
而下臨奄脫屣以輕舉封人猶祝於南山帝子已號於
北渚神行無方乾健不息物皆被於聖澤人自迷於帝
力巍乎高代之行至矣動天之德後元壤以長存冠蒼
穹而罔極 宋韓琦仁宗哀策文曰惟宋受命與天無
疆藝祖以武底寧四方太宗以文萬邦一王真廟紹隆

赫然其光逮夫仁宗益熾而昌厥生之初上帝惟祐天
日之表振古未覩色出珪璋步巖龍虎其俾真人來綏
下土元良之建七鬯是主寢門之問惕若文武嗣訓之
循纂承丕緒左右獻言以蒙自處大運歸乾獨化陶甄
進良黜姦始章聖權其仁如天其度如淵其仁伊何得
之自然草秀而茁蟲飛而翔尚不忍傷况吾民焉惠澤
之霑滂洋幅員物無不滋四十二年猗如天兮化功則
全其度伊何汪然莫際巨細必容默分誠僞臣在言職
不知諱忌時肆詆訐衆嫉狂易聖心怡然曰此忠義是
也吾從過焉何戾猗如淵兮是能致治明慎庶獄極於

哀矜惟法所在未嘗妄刑郡邑之吏責之詳平一失入
罪無階顯榮尊爲天子以儉爲貴崇尚清虛屏斥紛麗
向緣不憚輔臣入視殿幄蕭然茵衾故敝率用繒素了
無文綺衆曰驚嗟上曰何謂吾之受用素止如此是民
膏血烏敢妄費恭事天地孝承祖宗九見圓丘再祗合
宮大禘於廟親藉於東服器精備粢盛潔豐小次不御
秉圭顯顯何必戶曉民胥偃風取士之路務在至公十
二臨軒策之必躬雋髦盡得巖穴幾空有將有相曰功
曰庸眇視三代吾其比崇北胡之強西夏之獯時欲跳
梁恣其貪嗜吾以威懷折其凶銳兩皆搖尾從我羈餌

百蠻梯航琛賫日至禮樂具修干戈不試夫惟立嗣天下之基前世令王或牽以私事不前定濱於亂危我出獨斷挺然不疑求賢於宗唯聖是知神器之重其傳有歸廟社以安生靈以嬉迹其大公堯舜之爲昔在上上必有偏好或樂馳逐或喜征討或務宴游或專營造或邇聲色或泥丹竈碁弈之工擊拂之妙有一於此下從而效噫吾仁宗澹無所樂曰吾好者在勤政道日必旰晷惟先之紹開時弄翰或隸或草堊帚之埽千奇萬巧去冬之暮清燕之間再闢天閣詔呼從官親作飛白侍臣縱觀心合造化生成筆端書幅踰百大均寵頒退坐

羣玉行觴盡歡嗚呼秦漢而下御邦子民寔越三紀纔
聞數君其間治亂以相駁否亨之不醇如仁宗享國之
久而始終太平今彼安敢望吾之清塵生而無窮者厚
載健而不息者高旻惟至仁盛德與高厚之俱隆兮萬
世魏然而不泯

原謚策齊謝朓明皇帝謚策文曰仰惟早棄萬邦聖列
方遠式遵帝世俾魯鴻猷咸以爲無名以化則言繁莫
宣其道有來斯應則影響庶圖其功所以永言配命寄
心宗極光昭令德允樹風聲伏惟合信四時齊光日月
創保大於登庸通機神於受命因時以惕藉九萬而輕

舉天保既定運四海而高臨及開物成務重維國紐風
行草偃化往如神左賢右戚內樂外禮輯五材以教民
申三驅而在宥用能盛德殷薦美善斯畢皇矣之業既
孚蒸哉之道咸備景化方遠厭世在天龜策告期遠日
無改仰則前王俯詢百辟累德稱睿允極鴻名

增唐

權德輿德宗謚策文曰伏惟德合天地作人父母纂承
光明建用皇極服藝祖神宗之大烈有乾乾翼翼之至
敬敷佑迪哲尊嚴懿恭燭明四極發育萬物濯沐乎仁
澤澄清乎理本洎時有祲沴變生京轂省方展義弘陰
騰之功整旅致誅申震耀之令氛祲滅息侯王軌道不

冒持載鏡清砥平然後明禋祀萬靈以接翁受敷施
九德咸事含弘亭毒以致其和博采虛受以通其志政
刑有箴宸扆有銘煥乎文明之化成也因時創節象卦
設樂薰然中和之被物也去徽號而約已正廟祧而尊
祖九譯通道萬方來庭賓旅焯乎勲籍夷歌陳於樂府
霜露所墜車書大同順氣旁達天休滋至慶霄輪困德
水清澈三辰秉陽以宣耀百嘉麗地而交感飛走呈祥
肖翹遂性在宥天下二十有七年夫文思光被陶唐之
盛也懜懜忠利虞帝之教也疊疊穆穆周文之業也聰
明神武漢祖之烈也窮古先之大律極帝者之上儀方

將扈升介丘待檢玉牒奄遺天命永棄多方顧惟沖昧
懼忝孫謀君父有命付茲神器虔恭貽訓感慕滋深今
因山既建同軌畢至考稱天之禮稽節惠之法式遵古
義敢薦大名 李珣文宗謚策文曰德升上元功定內
難百辟勸進萬姓樂推洎順人推運嗣統立極凝旒建
大中之道執契弘無爲之化聰明天縱孝敬日新翼翼
承九廟之祭蒸蒸奉三宮之養以文思光赤縣以武德
澄滄海慈儉厚下端莊肅物達聰無不察黷續若不知
成湯之六事罔憊大禹之九功咸序每宰臣伏奏卿士
宴見論道何啻於日旰恤刑已至於歲減大辟諫路深

排倖門危言激訐惟理是聽匪唯納之而又賞之密戚
貴寵惟法是訓匪唯戒之而又繩之禎符秘瑞王者之
所寶郡國承詔寢而不揚鴻名徽號列聖之所重臣寮
抗疏約而不受興起儒術脩明祀事刻經誥於琬琰真
宗廟之琮璜雞鳴而起孜孜於衆善日入而息矻矻於
羣書敦敘九族厚戚藩之恩協和萬邦惇戎狄之信至
公不私於天性體道必從乎人欲應變懸解知機如神
日者數逢倣擾星有謫見克己脩德側身勵政和人心
以保乂謹天戒而來祥旌別淑慝澄清品流一物失所
必形於睟容百姓未康每勞於聖慮聽政餘力游藝緣

情探二南之風雅窮六義之教化汾水著韻柏梁變體
腴雋人口馨香國風至於出宮人放鷺鳥大官節重咏
之膳外府減任土之貢日月臨照天地含弘肖翹蠢蠕
樂生遂性稽帝王之能事鄙封禪之虛美超邁三五度
越聖賢繇是四夸八蠻罔不庭九州六合罔不順在宥
天下十有五年於戲身居九重心遍萬寓日用憂濟時
臻治平形悴神勞至於大漸夫謚者行之迹號者功之
表採鴻生鉅儒之議從公卿庶尹之請考彼古道易茲
大名對越昊穹式揚徽烈 元袁桷英宗謚策文曰伏
以瑤圖纘緒神已御於鼎湖玉冊揚休禮宜陞於太室

悼降年之不永儼立政以如新爰述徽猷以傳信史欽
惟皇帝文明天縱剛健日嚴辨奸邪於嗣位之初彤庭
祇畏廣儀注於熙朝之際清廟肅雝絕封勅以杜儉人
申憲章以勵多士罰茲無赦令必惟行君臨三載而有
成知周萬物而莫隱豈運逢艱否大命靡終然號謹追
崇尊名是著伏惟炳靈有赫歆格無違祔於新宮以妥
以宜 劉廣睿宗謚策文曰伏以詣泰壇而請命有稱
天以誅之文薦清廟而致嚴蓋若昔相承之典剛辰爰
卜遺美載揚欽惟睿宗孝友溫恭聰明濬哲屬我家肇
造於朔土佐聖祖遄征於四方逮天討之奉行致皇威

之遠暢金源假兩河之息天水渝通好之盟遂移秦隴
之師粵有褒斜之舉旣平南鄭順流而東再涉襄江自
天而下乃眷三峰之捷實開萬世之基唇旣亡而齒則
寒虢可伐而虞不臘適英文之違豫圖中夏之底寧毋
作神羞請以身代爰俟金滕之啓已知寶祚之歸迪我
後人紹茲明命徽稱顯號雖已擬諸形容玉檢金泥尚
未遑於潤色伏惟端臨宸座誕受鴻名億萬斯年永錫
繁祉 王構世祖謚策文曰臣聞繼志述事非篤孝無
以盡其誠表行誅功非定謚無以稱其實肆邦彝之具
舉維天道之協從欽惟先皇帝膺籙受圖體元立統蚤

從藩邸茂著徽稱爲治之基有常經國之略則遠役用
衆智獨斷於衷總攬萬幾如指諸掌內朝廷外侯牧等
威迭降罔不適中先教化後刑名本末相循亦皆有序
在御迨踰於三紀推尊合冠於百王若夫惠及困窮恩
加降附慎終如始每存好仁之心保小以仁特示包荒
之量擴盛猷之鴻塗沛膏澤之醇醲方其泰運漸亨戢
濟多難離綱復綴混一四方傳檄而氛祲開渙號而方
維定乾旋坤轉不足以喻其機雷厲風飛不足以比其
捷至於嘉言博采惟典謨訓誥是師諸藝畢延盡陰陽
圖緯之學考音律以創字畫參古今以制禮儀振耀威

靈肅陳兵衛白旄黃鉞持則親巡犀甲雕弧止於不用
其聖德弗可及已神功蔑以尚焉蓋文之所加者深武
之所服者大是用升崇吉祔揆卜剛辰伏惟睿靈俯垂
昭鑒思皇多祐錫羨無疆 張士觀成宗謚策文曰臣
聞稱天以誅表名實之至公法日而名庶形容之可擬
維帝王之有謚蓋今古之彝章欽惟皇帝稟上哲之資
撫重熙之運當裕考龍升之後承世皇燕翼之謀武威
肅鎮於遐荒文德誕敷於華夏業業謹盈成之戒愉愉
盡孝敬之誠罷勤遠之兵邊釁弭而苗頑格遣直指之
使皇澤宣而民瘼除九族形敦睦之風萬國洽隆平之

治爰酌奉常之義用昭告祔之文伏惟睿靈在天孚鑒
逮下茂膺典冊錫羨邦家 又仁宗謚策文曰臣聞觀
其謚而知其行著王者之不稱禋於廟而誅於郊實邦
家之彝典維天地之大莫能擬議而臣子之情宜極形
容爰體至公式揚景鑠欽惟皇帝聰明冠古勇智自天
初大德之陟遐生內覺於不測乃從潛邸獨運聖謨正
神器於幾危定乾維而重構豐功盛烈奮立一時偉望
英聲揚溢四海尋被武皇之歷試納於大麓以弗迷由
母弟之懿親膺元良之重寄取法裕廟主營之道隆奉
養東朝因心之孝至及嗣歷服益見猷爲月恒日升廓

昭代文明之治海涵春照推聖人博愛之仁至於敦勸
農桑不嗜田獵每覆奏於庶獄必惻怛於宸衷肇設制
科以待天下之士特旌死節以勵天下之忠臨御十年
始終一德身衛斯文而不倦人由其道而莫知克謹持
盈諒多遺美屬升崇於吉祔用祇薦於鴻名上以慰在
天之靈下以協造庭之請 虞集明宗謚策文曰臣聞

統必有宗生嘗得以致其讓廟必有主歿思所以尊其
名稽古考文宜先錫諫欽惟先皇帝夙秉勇智惟時元
良體傳次之成言避謳歌而遜出雖身居絕域多歷於
歲年而義動遠人樂爲之先後德威孔著未堪大業之

艱貞事變匪常猶閔生靈而慎動庶來蘇於侯戴爰戡
定以奉迎已謹清宮俄虛黃屋臣民寡祐永遺惠澤之
敷施天日有臨尚想神明之如在禮嚴升祔誠備顯揚
伏冀睿慈俯回歆假克綏丕祚垂裕無疆

明

關撰人
姓名

太祖謚策文曰臣聞俊德贊堯重華美舜禹湯文武列
聖相承功德兼隆咸膺顯號欽惟皇考統天肇運奮自
布衣禮樂文章垂憲萬世德合乾坤明同日月功超千
古道冠百王伏惟聖靈陟降陰騭下民覆燾無極與天
常存

又

關撰人
姓名

成祖謚策文曰臣聞聖神之德如天

地之化至妙莫測至大難名然皇有義軒之稱帝有堯

舜之號皆本謨烈表於萬年恭惟皇考體天之心弘天
之道具大而能化之聖存妙不可知之神統理萬邦仁
育庶類並乾坤之發育同日月之照臨廣大而高明剛
健而不息揚神武以靖亂宣文教以興治篤繼志述事
之孝兼創業守成之績典章之備集百王之成朝貢之
臻極八紘之遠道泰時康於茲二紀隆功盛德宜薦尊
稱伏惟聖靈在天昭明有赫垂裕後嗣咸被家國於萬
萬世與天無極 又闕撰人姓名 仁宗謚策文曰臣聞名以
表實號以昭行惟古聖神道德之盛不可名言而伏羲
神農黃帝堯舜皆因治化之隆必崇顯大之號恭惟皇

考躬上聖之資蘊太和之德剛健中正廣大仁明久正
儲闡嗣履帝位欽若天道憲章祖宗誠孝通於神明皇
恩被於普率丕顯文化一新德政如陽春之施如日月
之行哀矜庶獄民用不犯敬脩武事不厲而威外順內
安邦以寧謐天下歸戴如慈父母聖德神化宜薦尊號
伏惟聖靈在天昭鑒於下佑我子孫爰暨黎庶億萬萬
年永隆洪祚

增碑明宋訥歷代帝王廟碑曰兩儀判而人極立大統
建而君道明粵自上古神聖繼作代天理物以開萬世
太平之治故天地以之而位四時以之而序萬物以之

而育大經大本以之而立盛德相繼傳至於今欽惟聖天子受天明命肇脩人紀以建民極纘皇帝王之正統衍億萬年之洪基稽古定制作廟京邑以祀歷代帝王重一統也謹拜手稽首言曰維帝王功德於昭于天宜有清廟以宅神展敬歷世以來祀典斯闕三皇五帝祭於四類僅見於周而堯舜禹湯發迹肇基及所經歷之地或有祠焉遣使致祭後世有之至於合廟京國歲脩享禮古未之聞皇上定鼎江左治功旣成神人洽和禮樂明備凡朝祀之瀆禮不經詔祀非法者一切去之正名定統肇自三皇繼功相比德相侔列像於庭金玉其

相袞冕焜煌聚精會神咸宅於茲每歲春秋二仲諏日
誓士上御宸極制命大臣齋明承祀籩豆靜嘉粢盛豐
潔告充告頌神格洋洋所以推惟本如式昭曠典者至
矣其三年則命官奉香幣詣陵寢具儀物以時致享又
以昭聖顯靈而示不忘也嗚呼天生民而立之君所以
靖亂也康濟天下阜成兆民而登之仁壽之域者皆以
奉若天道而已是故前乎三代之官天下者天也後乎
三代之家天下者亦天也皇帝王之繼作漢唐宋之迭
興以至於元皆然混一寰宇紹正大統以承天休而爲
民極右之敘之不亦宜乎秦晉及隋視其功德不能無

媿故黜而不與是可見皇上敦名實重理道崇德報功
大公至正之心直足以度越百皇垂憲來世永永無斲
謹爲銘曰惟皇作極克配天地丕昭盛化以正大位皇
道而皇帝道而帝歷夏商周三王迭繼熙熙皞皞同底
於治於赫漢祖寬而有制光武奮興炎靈用熾唐興晉
陽遂有神器太宗重光力行仁義明明有宋其德克類
暨於元氏而亦用乂豐功茂德後先輝賁翼翼斯宮有
恤而闕貌像旣嚴皇靈斯莅享祀苾芬儀文孔備陟降
在庭神之攸暨祚我皇明以克永世

原後魏温子昇

舜廟碑曰懷山不已龍門未闢大道御世天下爲公感

夢長人明馭仄陋釐降二女結友九男執耜歷山耕夫
所以讓畔施罟雷澤漁父於是讓川亦既登庸以之納
麓九官咸事百揆時敘有大功於當世集歷數而在躬
受文祖之命致昭華之玉班五瑞於羣后禋六宗於上
元舞干戚而遠夸賓棄金璧而幽靈應青雲浮洛榮光
塞河符瑞必臻休祥咸萃以君人之大德爲帝王之稱
首陟方之駕遂往蒼梧之寔不歸爰自先民實存舊廟
旣緝葯房遂鎮瑶席龍駕帝服蓋依稀於慕舜交鼓絙
瑟實騶於聞韶其辭曰虹氣降靈姚墟誕聖樹陰未
徙帝圖已定乃賓四門以齊七政天眷功高民歸德盛

治既蕩蕩化亦巍巍南風在詠西環有歸嶷山永逝湘
水長違靈宮肅肅神館微微

增

元鄧文原禹廟碑曰

澗河之東有山鬱蒼鎮於南土夸視崇岡昔帝會同圭
璧斯皇翩其颺馭若帝陟方若彼橋山弓劔是藏維是
橫流潰潰懷襄燥川靜谷成賦定疆帝躬菲惡俾民樂
康鑄鼎象列謨訓範防功加九有道尊百王世嚴秩祀
登薦肅將牧臣有惕顧視榛荒乃堂乃構邃宇周墻吉
蠲來享雲旆龍章繫帝贊育時厥雨暘物消疵癘歲詠
茨梁永佑皇圖儲慶發祥即山勒銘德遠彌光 崔融
啓母廟碑曰窮聖神備道德滋萌元氣開闢太初此乃

天皇氏之所以應乎天也依土地明神靈駕六羽而上騰度九州而下濟斯乃人皇氏之所以應乎人也造書契教畋漁合五緯而節四時登九天而類萬物斯羲皇氏之所以制人法也務播植該變通嘗藥以救兆人聚貨而交天下斯神農氏之所以興人利也振夔鼓載龍旂天則元女授符帝則黃神降斗此則軒轅氏之所以除人害也

原後漢班固高祖泗水亭碑曰皇皇炎漢兆自沛豐乾降著符精感赤龍承魁流裔襲唐末風寸木尺土無埃斯亭建號宣基維以沛公揚威斬蛇金精摧傷涉關凌灞受爵漢中勒兵陳東剗禽三秦陳張畫

策蕭勃翼終出爵褒賢列土封功炎火之德彌光以明
源清流潔本盛末弘序將十八贊述股肱休勲顯祚永
永無疆於皇舊亭留嗣是承天之福祐萬年是興 蔡
邕光武濟陽宮碑曰王室中微哀平短祚姦臣王莽偷
有神器十有八年罪盈惡熟天人致誅帝乃龍見白水
淵躍昆潢破前隊之衆殄二公之師收兵略地經營河
朔於是羣公諸將據河洛之文協符瑞之徵僉曰歷數
在帝踐阼允宜乃以建武元年六月即位于鄗縣之陽
五成之陌祀漢配天罔失舊物享國三十有三年方內
乂安蠻夸率服巡狩泰山禪梁父皇代之遐迹帝者之

上儀罔不畢舉道德餘慶延於無窮先民有言曰樂樂其所自生而禮不忘其本是以虞稱媯汭姬美周原皇天乃眷神宮實始於此厥路藐哉所謂神麗顯融越不可尚小臣河尹瑋來在濟陽願見神宮追惟桑梓褒述之義用敢作頌其辭曰赫赫炎天爰曜其暉篤生聖皇貳漢之微稽度度則誕育靈姿黃髮作慝篡握天機帝赫斯怒爰整其師應期潛見扶陽而飛禍亂克定羣兇殄夸匡復帝載萬國以綏巡於四岳展義省方登封降禪升於中皇爰茲初基天命孔彰子子孫孫保之無疆

增明陳經邦世宗神功聖德碑曰粵自生民以來歷

選羣辟統有全宇惟三五功德烺烺炳炳照竹帛而垂
霄壤迄今可知已嗣是英君間作或以勲名顯或以德
文著罕覩其兼即兼焉亦卑而鮮隆駁而寡粹竟不能
與上世者方軌而馳則信乎聖王之難也惟天純祐我
有明篤生神聖昌中興之運惟我世宗肅皇帝起自藩
服應運握符恢帝緒拓皇圖緯經陰陽闔闢天地至道
淵博駿烈紛綸即能言之士莫克躬稱殫述矣臣叨被
眷遇侍陛戟贊帷幄日久竊伏覩帝之聖神天縱之也
中正純粹乃位天德仁明而武衆善備焉故其攬萬幾
也事成於獨斷議定於立決鑒先朝之失凡厥積蠹宿

弊爲天下患者芟夸抉剔靡有遺伏睿謨坐制萬里北
顧而邊塵淨南伐而海波謐卽孔稱魏乎之功書頌承
哉之烈不足多矣迺若宅心純穆典學緝熙左右陟降
叅九元之上祁寒暑雨屬奧溲之下永年至孝實通神
明而敬一聖學直遡唐虞心法於數千載而與之冥契
由斯以談帝德則又磅礴乎兼容并包渾淪乎參天貳
地卽諸書所稱曰廣運曰丕顯者何以加焉用是登我
道化保世滋大者四十五年於茲而遺聲餘烈將億萬
世是賴夔凌超絕振古耀今蓋自三五而降功德并茂
未有及我肅皇帝者也猗與盛哉臣不自量竊援古義

勉極模擬少述聖美於萬分之一謹拜手稽首作辭曰
天眷我明聖主乃生於戲世宗既聖既神鳳翔郢都龍
興漢水邇踐王猷遐追帝軌晉明出地乾健純天學包
伊洛理析幽元訐謨宏深睿思橫溢文武弛張神行莫
測先朝委柄下弄天綱世宗曰嗟亟正我邦大業在予
予敢不慎銳意中興登於嘉靖神凝治道恭默以思講
筵朝御書幄宵垂維敬維一聖學之基作箴自省千聖
是師孝大尊親禮嚴事父曠典肇新鴻儀聿舉慈宸上
仙經天悼慕迨彼純山六飛躬赴深知稼穡小人之依
大田歲籍方社時祈一精格帝五氣循期沴弭封滌和

苔濯枝幾務獨親威權由已賞不棄遐刑不阿邇如日
之照如風之行端居龍見淵嘿雷聲邊塵暫警羽檄孔
棘赫然一怒踪潛喙息蠢茲島夸毒我東南天戈一指
莫我敢當泮水陳俘我亭虛埃魚服縶弓虎皮卷胄台
階以正皇路以平上恬下熙時靡有爭凡此神功越此
聖德蕩蕩巍巍濯濯赫赫萬世承流首正仰則穹壤悠
悠視此貞石

淵鑑類函卷四十三